

**PROPUGNACULUM
CATHOLICUM DE
IURE BELLI
ROMANI
PONTIFICIS...**

Juan : de Cartagena, Timbro non
identificato





M



^A
**PROVGNACVLVM
CATHOLICVM**

**DE IVRE BELLI ROMANI PONTIFICIS
Aduersus Ecclesiæ Iura violantes.**


Tam Theologis, quàm Iurisperitis, profuturū valde.

In Libros quatuor diuisum.

AVCTORE P. F. IOANNE DE CARTHAGENA
Ord. Min. de obs. Sac. Theol. Lectore Generali de mandato
Sanctissimi, in Regali Conuentu S. Petri Môtis aurei.

A D S. D. N.

**PAVLVM QVINTVM
PONTIF. MAX.**



ROMÆ Ex Typographia Reu. Cam. Apostolicæ. 1609.
AUTHORITATE SUPERIORVM.

8-27-A-33

Digitized by Google



F A C V L T A S

R. ADMODVM P.^{IS}

COMMISSARIII.



FR. LVDOVICVS A. S. IOANNE

Euangelista, Ordinis Sancti Francisci
regul. obser. in Romana Curia Com-
missarius Generalis, Reu. P. Fr. Ioan-
ni de Cartagena, eiusdem Ordinis,
& Prouinciæ Conceptionis Prædica-

† ij tori,

tori, ac Sacræ Theologiæ Lectori Generali, salutem & pacem in filio pacis.

Cum opus quodam de Iure belli Romani Pontificis, aduersus Ecclesiæ iura violantes, Christianæ Reipublicæ, præcipuè tamen Apostolicæ Sedi mirum in modum profuturum, illa tua celebri, quam alijs in tuis operibus futuro sæculo testatam relinquis, eruditione; te composuisse nobis innotuerit; Ideò nos Sedi Apostolicæ, & publicæ vtilitati inferuientes, & vt in lucem prodeat, ac prælo mandetur magnopere cupientes, quantum ad nos attinet harum virtute facultatem ad id tibi impertimur.

Vale. Dat. in Aracelitano Conuentu Al mæ Vrbis anno à salute mundi

mundi per Christum mortalibus tra-
dita. 1609.

Fr. Ludouicus de S. Ioanne Euan-
gelista, qui supra manu
propria.

De mandato Reu. admodum
P. Commissarij.

Fr. Alphonsus à Pace
Curia Secret.

Facultas Reuerendissimi
Domini Vicegerentis.



Imprimatur si videbitur

MO

R. P. Magist. Sacr.

Pal. Apost.

Cesar Fidelis Vicesger.

EX commissione Reuerendissimi Patris Magistri Sacri Palatij Apostolici, vidi Quatuor Libros de Iure Belli Romani Pontificis aduersus Sacrae Libertatis violatores, Admodum Reuerendi Patris Fratris Ioannis de Carthagera, Hispani, Ordinis Minorum, de Obseruantia, Sacrae Theologiae Lectoris generalis Romae, in Regali Conuentu Sancti Petri Montis Aurei. Nihil in eis à Catholica fide, & Ecclesiastica doctrina alienum, vel bonis moribus contrarium reperi, sed insignem doctrinam, pietatemq; singularem obseruavi, eosq; prælo dignissimos existimo. Romae in Collegio S. Pauli in Columna decimo Calendas Iulij
1609.

Don Victor Capoleonus Clericus Regularis Sancti Pauli.

† iij Fa-

Facultas Reuerendissimi
Patris Magistri Sacri
Palatij Apost.

Imprimatur . Fr. Ludoui-
cus Istella, Mag. Sacri
Palatij Apost.

SANCTISSIMO,
AC B.^{MO} DOMINO

PAVLO V.
PONTIFICI MAX.^O

Frater Ioannes de Carthagera ad
humilima pedum oscula.



*Mnia tempus habent ,
dixit Ecclesiastes (BEA-
TISSIME PATER)
Tempus belli , & tem-
pus Pacis : Nam, sicut
Gubernator (prout egre-
giè dixit Philo lib. de*

*Ioseph (pro ratione Ventorum mutat na-
uigationis subsidia , non uno modo nauim
dirigens ; & Medicus non uno, ad omnes
morbos utitur remedio , ac nè in uno qui-
dem morbo , si is variet , sed obseruans
intentiones , remissiones , repletiones , va-
cuationes , causarum mutationes , multa
ad salutem variat , nunc hoc , nunc illud*

Eccles. 3.

Philo lib.
de Ioseph.

ex-

Plutarc. in
moralib.

Marcell. o-
rat. ad Iuliū
II. habitu
fess. 4. Cóc.
Lat. tom. 5.

Matth. 7.

*experiens : sic opinor , & reipublicæ mo-
derator , debet esse multiformis , & mul-
tiplex , alius in pace , alius in bello , ali-
ter se paucis , aliter multis opponens ad-
uersarijs . Quod quàm perneceſſarium ple-
rumq; ſit , cum Eccleſiæ Catholicæ Iu-
ra ſacrilego auſu violantur , ex his ,
quæ tradit Plutarcus in Moralibus , cla-
rè liquet : Vt enim (ait) difficillimum , ac
periculoſum eſt annofas arbores , quæ iam
latè ſparſere radices , reuellere loco , &
alio tranſplantare . Ita rempublicam
longo tempore ſuis inueteratam inſtitu-
tis , ad aliam vitæ rationem traducere
non licet citra maximos rerum motus :*
Idem etiam affirmat Marcellus , qui tam
elegantè , quàm verè , Iulio II. dixit in
Concilio Lateraneñ , *Videmus multiformem Centaurorum , Satyrorumq; cho-
ream , qui Reipublicæ huius formam
quotidie immutant , alterant , atq; per-
turbant ; qui ſeditiones parant , fouent ,
enutriunt . Videmus ſimulatores vndiq;
ſophiſtarumq; ſophiſtas ; quos Dominus
in Euangelio , rapaces lupos , appellat ,
qui ouium veſtimentis induti , quibuſdam
pietatis , & religionis præſtigijs mortales
illudunt ; in quibus omnis impietas , &*

libi-

libido viget, ambitio dominatur. Et paulò post: Meritò (inquit) conqueri potest Ecclesia, & tanquam omnium Mater, obortis lachrymis exclamare: Filios enutriui, & exaltaui, ipsi autem spreuerunt me. Veb mihi, ex quo dignitatis culmine, iniquorum manibus detracta sum? quo pacto meus mutatus color, offuscatus nitor, cœlestis pulchritudo terrenis sordibus inquinata? His lamentationibus, & querimonijs ad tuos Sanctissimos deuoluta Pedes, in hunc modum opem humiliter implorare videtur: Terras & maria circuiui, & nullum præter te (PONTIFEX BEATISSIME) qui me magis diligeret, dignitatemq; meâ, & salutem magis curaret, inueni. Tua subditiõne defensa sum, protecta, mirum in modum aucta: Hæc olim Marcellus Iulio I. Porro, quia molestum esset stylo prosequi, quot, & quanta pro Ecclesiæ Iuribus tuendis, Sacri tui Prædecessores, præsertim noster Xystus III. Clemēs V. & Iulius I. viriliter pertulerint; illud vnum dicere non parcam, quod Marcellus idem, eidem Iulio I. in præcitata Concilij Lateranens. Oratione, his verbis contexuit. Quid pulchrius? (inquit)

quid

Isaia 1.

Syxtus IV.
Clemens V.
Iulius II.
Marc. idem
Iulio I. in
ead. præcitata
oratione
Cœc. Later.

quid gloriosius, atq; præstantius, quam
pro Patria, pro Iustitia, pro libertate
certare, mortemq; ipsam (si oppoteret) op-
petere? Quemadmodum tu PATER
SANCTE, in tam iusto aduersus poten-
tissimos hostes suscepto bello, ita te gessisti;
ut ardentissimos aestus, acerbissima frigo-
ra, noctes insomnes, aduersas valetudi-
nes, omnia vitæ incommoda, & ferè mor-
tem ipsam, non tantum intrepidè tule-
ris, sed quasi spontè tua obieris. Vnde
prius largissima opum effusione ingenti,
comparato exercitu, & Bononiæ salus ap-
paruit, & pulsus nouissimè ab Italiæ fini-
bus hostibus, omnem gloriam, omnem
immortalitatem, quam nullus vnquam
Pontifex assequi potuit, tibi meritò vin-
dicasti; Rhegium, Parmam, & Placen-
tiam tuo Sacratissimo Imperio subdidisti.
Ex quo omnis Italiæ locus, omnis Popu-
lus, omnis Ciuitas, omnis Respublica,
omnes deniq; priuatim, & publicè gau-
dent, iubilant, exultant. Teq; omnis aui,
omnium seculorum, omnium gentium
Principem, & Caput appellant. Sed non
secus te (BEATISSIME PAVLE)
nunc compellant, in posterumq; omnes
compellabunt; cum minoris laudis non

fit,

fit, parta in pace tueri, quam multa in bello querere. Quod sanè ita strenuè Beatitudo vestra præstat, præstareq; nunquam finit; vt te Ecclesiæ Catholicæ Gubernacula feliciter tenente, aureum illud Christi nati tempus instaurari videatur. de quo Isaias *Constabunt gladios suos in vomeres, & non leuabit gens contra gentem gladium, nec exercebuntur ultra ad prælium*; Verum licet hæc ita se habeant; quia tamen non semel accidit, vt mari tranquillo inopina exsurgat tempestas: vnde opus est naui Recto-ribus, pixidiculam (vt aiunt) nauticam ante oculos habere. Non dissimiliter, licet hac tua, & nostra fœlicissima ætate. cuncti dulci pace fruantur, futuris tamen in posterum temporibus, si offensiua bella Ecclesiam infestare, vel offensiua prelia, ipsam hostibus suis moliri contingat; certè Ecclesiæ duces, Catholico hoc propugnaculo roborati, hisq; nostris scriptis instructi, cum Dauide Propheta intonare poterunt: *Benedictus Dominus Deus meus, qui docet manus meas ad prælium, & digitos meos ad bellum*. Hinc consulto silentio prætereo, **BEATITUDINEM VESTRAM** deprecari, ut opus hoc,

Isai. c. 2.

Psal. 143.

quod

quod grauissimorum Doctorum sententia, Catholicæ Ecclesiæ magno vsui, futurum iudicatur, benignè suscipiat; Nam & ipsam operis vtilitatem, & alia nostra, opera tuo clarissimo nomini sacrata; & hilari fronte à te accepta perpendens, haud dubitare possum, quin noster hic pro Ecclesia Catholica susceptus labor, gratissimus futurus sit SANCTITATI Vestræ. Quam DEVS OPT. MAX.

diuinis Carismatibus locupletissimam, per longissimum æuum conseruet, ac sempiternæ tandem, Beatitudinis participem faciat.





A V C T O R

Ad Lectorem.



V M *H*eretici, infestissimi Sedis Apostolicae hostes, contra Iura Catholicae Ecclesiae nunquam oblatrare cessent, ea non verentes labefactare, quae diuinitus instituta, Oecumenicis Concilijs confirmata; Sacrorum Pontificum decretis stabilita, immemorabili consuetudine roborata, ac Patrum pia custodia obseruata sunt: Hinc est (humanissime Lector) singulare obsequium Ecclesiae Dei me facturum existimasse, si Propugnaculum istud Catholicum de Iure Belli Romani Pontificis

fcis , aduersus Iura Ecclesiæ violantes , in lucem proderem ; sic enim , præter vniuersalem doctrinæ eius utilitatem , illud non contemnendum emolumentum , Ecclesiæ Dei percipiet ; ut qui religionis studio , & pietatis amore , à lacerandis , & violandis Ecclesiæ Catholicæ Iuribus minimè se abstinere ; saltem Armorum metu , & cruenti belli timore , quod à Sede Apostolica Iure optimo eis indici potest , deterriti , plerumq; coercerentur .

*Faxit Deus , ita pro
votis contin-
gat.*




De Iustitia, & æquitate Belli
ROMANI PONTIFICIS

Aduersus Ecclesiæ iura,
 Violantes.

LIBER PRIMVS.



*Premittitur Catholicum fundamentum, quo
 acriter impugnatur error quorundam hæ-
 reticorum dicentium, nunquam licere Chri-
 stiano Principi aduersus alium Principem
 Christianum bellum gerere. Cap. I.*

 Vm ædificium in altum erigi
 nequeat, nisi iacta fundamenta
 firma, ac solida sint, ideò oportet
 ante omnia Catholicum, ac
 solidissimum iacere fundamen-
 tū, nimirum licitum quandoq; esse bellum in-
 ter Christianos Principes, in quo turpiter er-
 rarunt Ecolampadius, vt refert noster *Castro*
lib. 3. contra hæreses. verbo, bellum. *Cor-*

*Cast. lib. 3.
 Coru. Agrip.*

A nelius

2 DE IVRE BELLI

Erasmus, nelius Agrippa. lib. de vanitate scientiarum. c. 79. Erasmus in annotationibus super Lucam. cap. 3. & 22. & Chiliad. 4. centur. 1. adag. 1. Et lib. de institutione Principis Christiani. Ezius in Inchir. cap. 22. Idem docuerunt Anabaptistæ, ut ex Melanchthone in locis Theologicis cap. de magistratum tradidit Illustrissimus Belarminus de Cōtrouersijs Christianæ fidei. lib. 3. de Laicis cap. 16. Tertullianus lib. de Corona militis, prout refert Viç. relectione 6. de iure belli in principio. Et miror in eundem errorem prolapsum fuisse Ioannem Ferrum lib. 4. in Mattheum circa illa verba, c. 16. conuerte gladium tuum in vaginam: quos omnes eruditè, & neruosè impugnant Sixtus Senensis lib. 6. Bibliothecæ. annot. 156. Paulus Grisaldus ordinis Prædicatorum in decisionibus fid. Cath. verbo, Bellum, Ioannes Arboreus 2. Theosophiæ cap. 14. Et Molina de Iustitia tom. 1. tract. 2. disput. 99. ita etiam, docent vniuersi Theologi cum Diuo Thoma 2. 2. q. 40. & in 4. dist. 15. vbi Gabriel quæst. 4. Henricus quolibet. vltimo Alex. 3. part. q. 47. memb. 3. Adrian. in 4. in materia de satisfactione, & restitutione, Viçtoria duplici relectione de bello; Efficaciter tamen

men probari potest proposita veritas aduersus prædictos omnes. Primo quia hæc est cõmunis sententia Patrum, & Theologorum, vt patet ex Diuo Augustino de Verbis Domini tract. 9. & refertur cap. militari. 23. q. 1. & lib. 6. quæstionũ qui est in Iesum naue. q. 10. & refertur. 23. q. 2. cap. Dominus & 19. de ciuitate cap. 12. & 22. contra Faustum à cap. 74. vsq; ad 79. & habetur cap. quid culpatur 23. q. 1. & Epist. 205. ad Bonifacium, & refertur cap. noli existimare, in eadem causa, & quæstione, & Bernardus Sermone ad milites Templi, Diuus Isidorus. 18. Etimo logiarum cap. 1. & refertur 23. q. 2. cap. 1. Diu. Ambrosius 1. officiorum cap. 23. 35. 40. 41. & lib. 3. cap. 14. & Epist. 65. ad Syagrium, Idem Theologi loco supra relato.

Diuus Augus.

D. Bernard.

D. Isidorus.

D. Ambrosius.

Secũdo probatur quia Christus Dominus in Euangelio non interdixit Christianis, nisi ea quæ erant contra legem naturæ, nihil enim in eo prohibitum est, quod licitum esse Iure naturæ, vt tradit Diuus Thomas 1. 2. q. 107. art. vlt. vnde, & Lex Christi dicta est Lex libertatis, sed bellare semper fuit licitum in lege naturæ, vt patet ex bello quod gessit Abrahamus cõtra quatuor illos Reges (Genes. 14. (cui benedixit Melchisedech Rex Salem

Diu. Thomas.

Iacob. 1.

Genes. 14.

4 DE IVRE BELLI

Sacerdos Dei altissimi dicens *Benedictus Abraham Deo excelsso qui creauit cælum, & terram, & benedictus Deus Excelsus quo protegente hostes in manibus tuis sunt.*

- Tertio probatur ex veteri Testamento ;
 nam 1. Regum 15. legimus. *Hæc dicit Dominus exercituum, recensui quæcunq; fecit Amalech Israeli, nunc ergo vade, & percute Amalech, & demolire vniuersa eius, non parcas ei &c.* & Iudicum 3. habentur hæc verba. *Hæ sunt gentes quas Dominus reliquit, vt erudiret in eis Israelem, & omnes, qui non nouerant bella Chananeorum, & postea discerent filij eorum certare cum hostibus, & habere consuetudinem praliandi:* Hæc sanè verba, cum non permissionem, sed absolutâ Dei voluntatem ostēdat, manifestè relinquitur, debellare non esse illicitum Christianis. Item idem patet ex eo, quod orante Moyse vincitur Amalech. Exod. 17. Et pugnante Iosue stetit Sol, vt eo die inimicos expugnaret, Deutero. 2. egressuris Iudæis ad bellum, iubet Deus ab omni re mala custodire se, Deut. 23. Bellat Deus pro populo suo, cuius aduersarios se se occisurum promittit antequam ingrediantur terram promissionis; Exod. 23. Bellat Deus pro Iosue lapidibus
1. Reg. 15.
 Iud. 3.
 Exod. 17.
 Deuteron. 20.
 Deuteron. 23.
 Exod. 23.
 Iosue 10.

dibus occidens inimicos; Iosue 10. In bello Iosue item 10.
 aderat Deus ipse Iosue consulens, quid acturus esset; Iosue etiam 10. Ad bellum processurus Gedeon contra Madianitas, & Amalechitas induitur spiritu Dei. Iud. 6. An bellaturus sit contra Philisteos consulit Dauid Dominum. 3. Regum cap. 5. Victoriā exposcens idem Dauid contra inimicos, exauditur; 3. Reg. 8. Ergo similiter non est prohibitum Christianis aduersus alios bellare iustis de causis. Nec inuat quicquam duplex hæreticorum responsio: altera, esse disparē rationem de veteri lege, & de noua. nā in lege scripta, Dominus dicebatur. *Deus uolitionum*; in lege verò gratiæ appellatur à Paulo *Deus pacis, & dilectionis*. Altera vero quod si tunc fuerunt licita bella, id sanè fuit uel ex Dei priuilegio; aut diuina reuelatione, aut cōtra infideles. Sed contra est quia Respublica habet ius naturale ad suam, suorumq; conseruationem; ergo cum ad conseruationē sui honoris, aut diuitiarum oportet debellare hostes; etiam fideles, licitum id erit ei seclusa omni reuelatione, aut priuilegio. Atque prædictis omnibus locis veteris testamenti addere possumus, quod Numerorum 21. fit mentio libri bellorum Domini: Num. 21.

A 3 mani-

6 DE IVRE BELLI

manifestum autem est, quod non vocarentur bella Domini, nisi iusta essent. Quid autem fuerit liber iste bellorū Domini, non est vna

August. chif. omnium sententia. Augustinus Chisamen-
Episcopus, censet illum nō fuisse volumen
aliquod, in quo bella conscripta essent, sed
narrationem quandam communi omnium
more apud Hebræos confirmatam; quia
D. Hieron. Hebraicè vox (*sepher*,) quam Hieronymus
vertit *Librum* narrationem, & connumera-
Lyranus. tionem significat. Lyranus, & multi He-
bræi putant hunc esse librum numerorum
appellatūq; librum bellorum Domini; quia
in eo narrantur bella per manus Hebræorum
Rabbi Menac. à Domino gesta. Rabbi Menachem dicit
hunc librum esse reuelationem quandam
Dei, factam Moyse, qua manifestauit ei se
eadem facturum in torrentibus, quæ olim fe-
Auenezra. cerat ad mare rubrum. Auenezra putat esse
librum Iudicum, quia in eo multa bella le-
guntur aduersus Amorreos. Tamen Diuus
D. August. Augustinus lib. 18. de Ciuitate Dei ait, non
esse negandum hunc librum, cum plerisque
alijs etiam ante tempora Moyse fuisse con-
scriptum.

Quarto probatur Testimonijs Noui Te-
stamenti, præcipuè tamen ex illo Matthæi 8.

Vbi

Matth. 8.

Vbi Christus laudat Centurionem, qui dux militum erat; & nō prohibuit ei militiæ exercitium, super quæ verba Diuus Augustin. 22. contra Faustum ait *fidem laudauit, non illius militia desertionem imperauit.* Et Actor. 10. Christo etiam placuit ille alius Cēturio, cuius orationes, & eleemosynæ ascenderunt in conspectu Dei. & ex illo Ioannis Baptistæ Lucæ 3. Vbi cum Milites nosse desiderantes quid sibi faciendum esset, vt rectam vitam instituerent interrogarent illum: *quid faciemus, & nos?* ipse respondit: *Neminem concutiatis, neque calumniam faciatis, sed contenti estote stipendijs vestris,* quæ verba elucidans Diuus Augustinus Epistola 5. ad Marcellinum ait: *Si Christiana disciplina bella culparet, hoc potius militibus consilium salutis petentibus in Euangelio diceretur vt abijcerent arma, seq; militia omnino subtraherent; dictum est autem eis neminem concusseritis nulli calumniam feceritis, sufficiant vobis stipendia vestra: quibus proprium stipendium sufficere debere præcepit, militare utiq; non prohibuit: idem etiam dicit D. Augustinus 22. contra Faustum cap. 74. vbi addit hæc verba: Sed quia Manichei Ioannem aperte blasphemare consueuerunt (ipsi enim*

D. Augustin.

Actor. 10.

Lucæ 3.

D. Augustin.

D. Augustin.

8 DE IVRE BELLI

Manichei omnia bella damnabant, vt refert ibi Sanctus Doctor) *ipsum Dominum Iesum Christum audiant hoc stipendium iubentē reddi Casari, quod Ioannes dicit debere sufficere militi: Reddite (inquit) quæ sunt Caesaris Casari, & quæ Dei sunt Deo .* Ad hoc enim tributa præstantur, vt propter bella necessariò militi stipendium præbeatur . Item de Sanctis Martino, & Sebastiano scimus dum milites essent placuisse valde Deo ; idemq; de alijs penè infinitis militibus qui pro Christi nomine Martyrium subierunt, Ac tandem sicut olim 2. Machabeorum 15. à Sancto Hieremia datus est gladius Iudæ Machabeo, Ita in coronatione Imperatoris ensis illi traditur ad Ecclesiæ defensionem, atque adeò ad bellandum contra omnes illā offendentes. Quod si quispiam iterum respondeat ex his solum colligi licere bella Christianis aduersus infideles, non vero aduersus alios Christianos . Contra est nam si licet Principibus Christianis, ensẽ euaginare aduersus domesticos Christianos suæ reipublicæ malefactores, *Iuxta illud ad Romanos 13. Non sine causa gladium portat, minister Dei est vindex ad iram ei qui male agit.* Ergo etiam licet eis eundem gladium euaginare aduersus

lus

sus externos hostes Christianos.

Quinto probatur, secundum rectam rationem vnusquisq; Princeps habet ius naturale ad media ea adhibenda, quæ omnino necessaria sunt ad conseruationem suæ Reipublicæ: at sæpe contingit non esse aliud medium ad prædictam conseruationem, quam bellum debito modo factum, Ergo licitum est Christianis tale bellum, etiam aduersus alios Christianos, aliàs miserabilior esset, ac deterioris conditionis Respublica Christianorū, quam Turcarum cum hæc ab alijs turcis læsa, possit ad refarciendum malum sibi illatum, indicare eis bellum, eosq; expugnare, id tamen non liceat Respublicæ Christianæ aduersus alios Christianos illam ledentes. Vnde Aristotele 2. Politicorum dixit: Respublica debet esse ita rectè instituta, vt sit sibi sufficiens ad regni gubernationem: non autem esset sibi sufficiens si non posset aggredi hostes, innocentes defendere, Iniurias sibi illatas vindicare, ac tandem contra iniustos suorum iurium violatores insurgere. Hanc etiam assertionem ea, quæ dicemus cap. 3. non parum confirmabunt. Quæ omnia non solum conuincunt intentum de bello defensiuo, sed & offensiuo etiam, prout, & illud gesserunt

Aristot.

2. Politicorum

runt Simon, & Ionatas 1. Machab. 9. Vb
Sacer Textus narrat vindicasse mortem Ioan
nis fratris sui contra filios Iambri.

*Contendunt Hæretici prædictum Catholicum
fundamentum euertere, sed frustra.*

Cap. II.



Prædicti omnes Hæretici supra
relati, & alij qui non solum
bella Christianorum aduer
sus alios Christianos, verum,
& contra ipsos etiam Turcas
damnarunt, cuiusmodi fuere

Manichei teste Diuo Augustino lib. 2. con
tra Faustum à c. 74. Vvichleph, prout refert
Vbald. de Sacram. in quem etiam errorem
de damnando bello contra Turcas, miserè
prolapsum Lutherum apud præcitatos do
ctores legimus. Hi omnes quibusdam locis
Sacre Scripturæ prauè intellectis impugnant
propositum fundamentum; Verum germa
na eorum intelligentia adhibita, facilè con
stabit, quid secundum Catholicum sensum
sibi velint obiecta ab eis testimonia. Primo
obiiciunt quædam ex quibus significari vi
detur illicita esse bella inter Christianos cu
iusmo-

Vbaldens.

iufmodi est illud 2. Regum 7. *Non edificabis* 2. Reg. 7.
mibi templum, quia vir sanguinum es; & spe-
cialiter de lege Euangelica dicitur. Isaia 2.
Conflabunt gladios suos in vomeres, & non le- Isai. 2.
uabit gens contra gentem gladium, nec exer-
cebuntur ultra ad praelium. Et cap. 12. Non
occident neq; nocebunt in vniuerso loco sancto
meo, Et illud Zachar. 9. Vbi post illa verba: Zachar. 9.
Ecce Rex tuus venit tibi mansuetus statim.
subdit propheta & dissipabitur arcus Belli, &
loquetur pacem gentibus?

Respondeo locum ex 2. Reg. nihil obsta-
 re: tum quia illa verba *vir sanguinum*
 referri possunt non ad bellum, sed ad mor-
 tem Vriæ, per quod omnino euacuatur dif-
 ficultas illius loci: tum quia, esto non refe-
 ratur ad prædictam mortem Vriæ, dicendum
 est non prohiberi ei ibi ædificationē Templi,
 quia ex se illicitum esset bellare, sed quia
 vel erat adeo intentus bello, & effusioni san-
 guinis hostium, vt commodè vacare nō pos-
 set Templi ædificationi; vel certè (quod
 verisimilius mihi est) Bellatori Dauidi pro-
 hibita fuit Templi ædificatio, propter ipsius-
 met Templi reuerentiam. Ad testimonia
 vero Isaia, & Zachariae, multipliciter occur-
 rere possumus, iuxta varias Patrum senten-
 tias:

Iust. Mart.

D. Irenæo.

D. Ambros.

Origen. lib. 8.

Luc. 1.

Matth. 5.

tias : nam primo Respondeo cū Iustino Martire in Apolog. 2. pro Christianis , & Diuo Irenæo lib. 4. contra Valentinum cap. 67. per illa verba nihil aliud significari , quam per Christum , ita debellandas fore spirituales inimicorum aduersarias potestates, ut iam non prævalerent aduersus fideles iuxta illud Psal. 45. *Venite, & uidete opera Domini, quæ posuit prodigia super terram auferens bella, & cōfringens arma &c.* cui loco D. Ambrosius duplicem adhibet expositionem, quarum altera est de hostibus spiritualibus, virtute Christi superatis. Secundo respondeo cum Origene lib. 5. contra Celsum, & lib. 2. circa Lucæ secundum. verba illa importare manifestum vaticinium temporis aduentus Christi, in quo pax summa vniuerso orbi terrarum futura erat, Iuxta illud quod in Christi natiuitate Angeli cecinerunt, & *in terra pax hominibus*. ac tandem non desunt qui multa verba ex illis referant ad statum Ecclesiæ Triumphantis.

Secundo obijciunt ex nouo testamento illud Matth. 5. *si quis te percusserit in dexteram maxillam tuam præbe illi, & alteram, & illud; Ego dico vobis non resistere malo, & Matth. 26. omnes qui acceperint gladium gla-*

*gladio peribunt; & illud Iacobi 4. unde bella,
& lites in vobis, &c.* Et illud, ad Roman. 12.
*non vos defendentes charissimi, sed date locum
iræ & ad Roman. ibidem mihi vindictam, &
ego retribuam*, Ecce Christus, & Apostolus
prohibent Christianis propulsare iniuriam,
vel illam vindicare; At constat ex omnium
sententia bellum esse institutum, vel ad iniu-
riam propullandam, vel ad vindictam infe-
rendam; Ergo cum hæc non liceant Christia-
nis reliquum est, eis non licere bellum. Nec
iuuat quorundam solutio asserentium præ-
dicta omnia de quibus in præcitatis locis
non esse in præcepto, sed in consilio; nam vt
recte notauit Victoria Relect. 6. de iure bell.
q. 1. satis magnum inconueniens esset, asse-
rere omnia Christianorum bella, esse contra
consilium Domini, maxime quod non sume-
re vindictam in præcepto est iuxta *illud dili-
gite inimicos vestros, &c.*

Respondeo cum Caierano super locum il-
lum 5. Matth. illa præcepta imponi homi-
nibus priuatis, & in ordine ad priuatas iniu-
rias; non verò hominibus publicis, quibus in-
cumbit propulsare iniurias illatas suæ Rei-
publicæ, vel ipsis, vt capita illius sunt, quia
tunc non gerunt rationem priuatæ personæ,
sed

Iacob. 4.

Rom. 12.

Victoria.

Matth. 6.
Cassian.

- D. Augustin.** sed publicę. Deinde respondet Diuus Augustinus d. lib. 22. contra Faustum cap. 76. verba illa referenda esse ad documentum perfectionis Evangelicę quo Christus Dominus instituere voluit Apostolos, & alios Martyres ad tollerantiam laborum & iniuriarum, quas eis illaturi erant Tyranni: quam expositionem apertę indicant verba sequentia: *ei qui vult tecum in iudicio contendere, & tunicam tuam tollere, dimitte ei & pallium*, quę manifestę constat non importare pręceptum, ipse etiam Diuus Augustinus epistola 5. ad Mauritium explicat de pręparatione animi ad hunc sensum, quod ita patienter se gerat; vt si percussus fuerit in vna maxilla, paratus sit ad ferendam percussorem similem in alią potius quàm Deum offendat. Hanc etiam expositionem tradit Diuus Gregorius Nazianzenus oratione 3. de Pace; Ad locum item Matth. 26. pręterquam eadem duplex solutio Caietani & D. Augustini deseruit, & vtramq; tradit idem D. Augustinus lib. 22. contra Faustum cap. 70. pręterquam etiam.
- D. Greg. Nazianzenus.** D. Thomas. 2. 2. q. 4. art. 1. ad 2. refert illa verba ad poenam spiritualem animi, ita vt sensus sit quod qui gladio materiali occiderit, gladio spirituali anima eius intus occidetur,
- D. Thomas.**

tur, iuxta illud Psal. 36. *gladius eorum intret Psal. 36.*

in corda ipsorum, quamvis inquam his expositionibus quas optimas iudico sufficienter occurratur prædictis obiectionibus. Respon-

deo nihilominus per illa verba *omnis qui ac-*

ceperit gladium, &c. significatam fuisse à Christo Domino poenam talionis contra pri-

uatos homicidas, iuxta illud Genes. 9. *qui fu-*

derit sanguinem, fudetur sanguis illius. Et illud Apocalip. 13. *qui gladio occiderit, oportet illum gladio occidi*: non tamen per prædicta verba interdicitur Principi, quo minus auctoritate publica, licitè uti possit gladio cō-

tra violatores suorum iurium. Immò id sibi licere apertissimè docuit Diuus Paulus dum ad Romanos 13. dixit: *non sine causa gla-*

dium portat; minister enim Dei est, &c. ex quibus verbis etiam elicitur, Responsio ad illa verba, *mibi vindictam*, &c. Tunc enim Princeps non usurpat Dei auctoritatem, sed vicem eius gerens, tanquam minister illius, utitur delegata sibi potestate: Atq; his addit Molina de Iustitia. tract. 2. disp. 99. Christum Dominum duplici ex causa reprehendisse Petrum in prædictis verbis; Prima quia quamvis Petrus tunc in Christi defensionem gladium exemerit; quia tamen absq; ipsius facul-

Genes. 9.

Ioan. Apoc. 13.

D. Paulus.

Molina.

facul-

facultate imo cōtra ipsius voluntatem id fecit, idcirco eum Christus Dominus reprehendit. Nosse namq; debebat Petrus tam ex verbis præteritis Christi, quàm ex facto quo se ultro obtulit inimicis, voluntariam esse illam oblationem ad mortem. Atq; hoc significant

Verba Christi verba illa à Christo mox addita : *Calicem quem dedit mihi Pater, non vis ut bibam illum ?* Eum etiam reprehendit, quoniam factum illud potius videbatur habere speciem vindictæ, quam defensionis: Contra tam magnam enim, & tam benè instructam armis hominum turbam, vana erat vnus Petri defensio, ac nocumenti plusquam utilitatis allatura, ut quæ ad irritandos potius atque incendendos hostes in Christum, quam ad eorum impetum sustinendum viret; infringendas pertineret. Atque hanc causam innuunt verba illa Christi; *An putas, quia non possum rogare Patrem meum, & exhibebit mihi modò plusquam duodecim legiones Angelorum ?*

Matth.

Adde fuisse etiam aduersus ministros publicæ potestatis: decuit autem Christum (tamen si illi inique agerent) Petrum in aliorum exemplum reprehendere, quod gladium aduersus publicos ministros stringeret.

Tertio obijciunt quædam Patrum, & aliorum

rum Doctorum testimonia. nam Tertullianus *Tertullianus.*
 lib. de Corona Militis vltra medium, quæ-
 rens: an Christiano militia conueniat: Re-
 spondet. *Licebit in gladio conuersari Domino*
pronunciante gladio periturum, qui gladio
fuerit usus? & pralio operabitur filius pa-
cis, cui nec litigare conueniet? Et Origenes *Origenes.*
 lib. 2. contra Celsum paulo ante medium,
 ait, Christum omnia bella substulisse, & tra-
 ctatu septimo in Matth. obiter exponens il-
 lud Lucæ 22. *qui non habet gladium vendat* *Lucæ 22.*
tunicam, & emat gladium damnat intelli-
 gentiam eorum, qui putant Christum con-
 suluisse vendere tunicam ad emendum gla-
 dium materialē. Et Diuus Ambrosius lib. 10. *D. Ambros.*
 in Lucam versans prædictum locum de gla-
 dio ait *O Domine cur emere me iubes gladiū,*
qui ferire me prohibes? cur haberi præcipis,
quem vetas promi? nisi forte, ut sit parata
defensio, non ultio necessaria. Et Hieronymus *D. Hieron.*
 in Epistola ad Ageruchiam de Monoga-
 mia. *Olim (inquit) Bellatoribus diceba-*
tur. Accinge gladium tuum super femur
tuum potentissime; nunc Petro dicitur con- *Psal. 44.*
uerte gladium tuum in vaginam. *Matth. 26.* Ac tandem
 Diuus Augustinus epist. 5. ad Marcellinum *D. August.*
 hortatur ne patiatuŕ hæreticos Donatistas

B san-

D. Martin.

sanguinis poena multari. Et Diuus Martinus (referente Sulpitio in eius vita) Iuliano Imperatori dixit: *Donatium tuum Militaturus accipiat, Ego Christianus sum, mihi pugnare non licet.*

Erasm.

Tertulliani.

Hæc & similia tela obijcit Erasmus ex fa-
retra suæ impietatis deducta: verum facile
omnia infringi possunt: nam in primis, non
alia ratione dissuasit Tertullianus bellum,
nisi quia tunc idolatriæ pestis grassabatur,
erant enim eo tempore omnes fermè Princi-
pes Gentiles, vnde per accidens malum iudi-
cabat esse tunc temporis bellum, propter cir-
cumstantiam prædicti periculi, & præterea,
in prædicto lib. de Corona Militis expressè
docet eos qui milites erant ante Baptismum,
posse in militia permanere recepto baptismo:
Ergo euidens est non iudicasse illud fuisse il-
licitum; Vnde in Apologetico cap. 2. ait
*Nauigamus, & nos uobiscum, & militamus,
& rusticamur, & mercamur.* Ecce non ma-
gis reprobatur militiam quam nauigationem
aut mercaturam. Ad Origenem vero Respon-
deo, quod cum dixit Christum Dominum,
omnia bella sustulisse, non intendit Chri-
stum Dominum bella prohibuisse, sed téporali
sua natiuitate vniuersalem pacem in mūdum

Orig.

in-

induxisse cum autem dicit in secundo loco verba illa non esse intelligenda materialiter, rectè loquitur, quia Christus Dominus verbis illis solum intendebat explicare similem futuram esse Passionis tempore Apostolorum prefuram ei, quam patiuntur quibus, ut se tueantur oportet vendere tunicam, & emere gladium, & in hunc modum soluuntur aliaque idem Erasmus perperam obijcit ex D. Basilio, Chrysostomo, & Theophylacto, & ex Catenâ in caput 22. Lucæ. Ad Ambrosium autem occurrimus ipsum non loqui de bello, quod publica auctoritate geritur, sed de eo quod priuata ultione exercetur. Et ad Hieronymum etiam dicimus, solum significare voluisse discrimen inter veterem, & nouam legem, quod tunc ad occupandam terram, promissionis opus fuit Deum imperare bella, nunc verò ad obtinendum Regnum Cælorum per terram promissionis figuratum, non opus est arma materialia sumere, ex hoc autem quomodo inferri potest illicitum esse bellum pro defensione Patriæ, vel Legum Sanctarum? Deinde ad testimonium Diui August. ex epist. 5. nescio qua fronte Erasmus ausus sit illud producere in fauorem suæ sententiæ cum aperte illam damnet, ut

Lucæ 22.

D. Ambros.

D. Augustin.

patet clarè ex verbis supra adductis cap. 1. probatione 3. in Epistola autem 158. ex pietate intercedebat D. Agust. pro vita eorum, qui captiui iam erant, & Crimen fassi fuerât. hoc autem quid commune habet cum prohibitione belli? Ac tandem ad testimonium. Diui Martini Respondeo, Erasmus vt moris est hæreticorum, decurtasse, ac truncasse eius verba; immò & in alia commutasse: non enim dixit: *Ego Christianus sum, mihi pugnare non licet, sed hætenus militavi tibi nunc patere, vt militem Deo, Christi ego miles sum, mihi pugnare non licet*. Vt autem constat ex eius Historia ipse emiserat votum suscipiendi habitum monachalem, & ideo dicebat, nō licere sibi in militia permanere. Quod si (vt

Sulpitius de
vita.

D. Martini.

ipse Sulpitius scribit) post susceptum baptismum ad huc per duos annos militauit, hoc fuit ex charitate lucrandi fratrem suum tribunum scilicet militum, qui vna cum illo habitum suscepturum pollicitus fuerat, ex quo etiam apertè conuincitur mendax Erasmus. Nā si Diuus Martinus damnasset bella, non mansisset biennio post baptismū in militia.

D. Martinus.

Beatus Leo.

9.

Quarto obijciunt quædam testimonia Iuris Canonici. Nam in Epistola beati Leonis 9. ad Rusticum, & habetur de pœnitentia distinctio.

stinct. 3. cap. contrarium, & cap. falsas (quod est Diui Gregorij) eadem distinct. In primo enim iniungitur poenitentia militibus redeuntibus ad militiam post conuersionem. In secundo vero exercitium belli affirmatur sine peccato exerceri non posse.

D. Gregor.

Respondeo in prædictis iuribus non dam-
nari militiam, sed prauum vsum illius, quate-
nus eius occasione, quidam milites multa fa-
cinora perpetrabant, & quia ipsis ex vicio eo-
rum militia in scandalum vertebatur, prohi-
bebantur milites esse, & hanc esse veram il-
lorum iurium intelligentiam, ex eo aperte
constat, quod in prædicto cap. falsas, postquã
damnantur redeuntés post conuersionem ad
militiam, excipiuntur illi, qui ad defenden-
dam iustitiam, ex consilio Religiosorum Epi-
scoporum, in militiam proficiscuntur. Ad
decretum autem ex Canon. Concil. Nicæni
Respondeo cum Zonora, & Balsomone super
prædictum Canonem, & cum Rufino lib. 10.
Histor. c. 6. ibi solum prohiberi militiam illis,
qui postquam fuerunt à Diocletiano milita-
ri cingulo priuati, ob constantem fidei confes-
sionem postea repetebant illud, parati nega-
re fidem.

Concil. Ni-
cæni.
Zonora &
Balsomone
Rufino.

Quinto obijciunt quasdam rationes, ra-

B 3 tio-



tionis tamen omnino expertes; aiunt enim

Glosa. bellum esse directe contra naturam, & contra charitatem: nam est contra pacem ad quam natura, & charitas maximè inclinant, vnde *bellum*, vt tradit *Glosa* super cap. 23.

Numerorum dictū est, ironicè per antiphrasim, quasi bonum, & bellum non sit, sed turpe ad eum modum, quo Parcæ dicuntur, quia nemini parcunt, & lucus, quia non lucet, vel dictum est *bellum*, vt alijs placet à *Belluis*, quia bellantes, sese inuicem dilaniant, quod Belluarum proprium est, & à natura humana

D. Augustin. dissonum valde, & hinc est, quod Diuus Augustinus lib. 19. de Ciuit. cap. 28. dicit quod *sicut mors vita, ita Paci Bellum videtur contrariari*. Et Diuus Thomas 2. 2. quæst. 29. art. 2. inter ea, quæ opponuntur Paci enumerat Bellum, ergo præsupponit non esse licitū, & maximè inter Christianos, inter quos oportet summam pacem vigere.

D. Thomas.

Respondeo, quod sicut potio amara sua amaritudine fastidium ingerit, est tamen medium ad sanitatem recuperandam, ita bellum licet molestum sit, & paci videatur aduersari, est tamen medium per se ad inducendam pacem ordinatum, vnde egregiè vt affolet Illustrissimus Belarminius de Laicis lib. 3. c. 14.

Il. Belarm.

in fi-

in fine, dixit: *Bellum sic paci opponitur, ut sit medium ad pacem, sed hoc interest inter bellum iustum, & iniustum, quod iniustum opponitur paci bonæ, & ducit ad pacem malam, & ideo tale Bellum vitiosum est: at Bellum iustum opponitur paci malæ, & ducit ad pacem bonam, sicut vulnera Chirurghi contraria sunt sanitati malæ, & imperfectæ, sed ad perfectum sanitatem perducunt. Ad ætimologiam autem nominis belli Respondeo forsam bellum idem esse, quod bonum, & pulchrum (ut tradit Ambrosius Calepinus verb. *Bellus, la, lū*) quod si à *belluis* dictum est nihil officit, quia etiam in bello iusto oportet bellantes belluinam quandam feritatem induere ad irruendum in hostes, maximè Ecclesiam, aut Ecclesiicæ iura lædentes. Sed ad huc obijcies, quia in moralibus illud censetur malum, quod regulariter, & ut in plurimum habet adiunctam malitiam, sed bello semper regulariter sunt adiuncta plurima mala, & detrimenta Reipublicæ: Ergo censendum est non esse licitum Christianis. Patet consequentia, quia actiones humanæ sunt iudicandæ, secundum quod regulariter, & ut in plurimum contingunt: Ergo cum ex bello regulariter, & ut in plurimum sequantur detrimenta in Republica;*

Ambrosius
Calepinus.

Error Luth.

manifestè consequitur esse illicitum. Respon-
 deo primo, quod si argumētum aliquid pro-
 baret, etiam conuinceret, non licere Christia-
 nis bellare contra Turcas, quod est error Lu-
 theri: quia etiam propter tale bellum multa
 incommoda patitur Respublica. Deinde
 secundo Respondeo, quod quædam sunt a-
 ctiones, quæ sunt malæ per se, & vt in pluri-
 mum; vt negatio depositi, quæ regulariter
 est mala; licet alias per accidens possit esse bo-
 na, vt si petatur in detrimentum alterius.
 Aliæ vero sunt actiones, quæ tamen, vt in
 plurimum, & regulariter sint malæ, id tamen
 non habent ex natura sua, sed ex vitio subie-
 cti, & tales recte honestari possunt propter
 alias circumstantias; Inter has ergo connu-
 merari debet actio bellandi, quæ ex se pec-
 caminosa non est, sed propter abusum mili-
 tum, à quo possunt ipsi se abstinere, & licet
 regulariter non se abstineant, bellum tamen
 ipsum licitum est, ob propulsandum iniuriã,
 aut recuperanda propria, vel aliam similem
 rationem. Sed instat ad huc Erasmus. Ar-
 ma militiæ nostræ spiritualia debere esse, iu-
 xta Pauli sententiam ad Ephes. 6. Vbi Galea
 salutis, scuto fidei, & gladio spiritus pugnan-
 dum esse censet, quod & Ambrosius docuit
 lib.

*Erasmus.**D. Paul.**D. Ambros.*

lib. de Viduis dicens: *Arma Ecclesie fides est, Arma Ecclesie oratio est, quae aduersarium vincit.* Respondeo hæc oportet facere, & illa non omittere, pugnandum certè est orationibus, & precibus. Nam vt egregiè dixit insignis ille Machabæus: *Non in multitudine exercitus victoria, belli, sed de cælo fortitudo est.* Simul tamen ad reprimendam hostium insolentiam, oportet arma sumere, & bellum gerere, iuxta exemplum Moyfis: nam ipso orante in monte, Iosue fortiter pugnans Amalechitarum exercitum superauit. *Exod. 17.* Ultimo, & efficacius obijcio, quod punire aliquem pro peccato, est munus superioris: Sed vnus Princeps perfectus, non est superior alteri. Ergo non potest pro delicto suo illum punire, Vnde est regula iuris quod *par in parem non habet imperium.* Respondeo quod ratione delicti, princeps, qui alterum offendit, fit illi subditus, & alter acquisiuit ius supra illum in ordine ad iustam punitionem, Nam per delictum Princeps offendens fit dignus pœna, & consequenter fit subditus illi, ad quem pertinet illam pœnam infligere: iste autem in proposito, est ipse Princeps offensus. Sed contra quia punire, vt Iudicem prædicto modo non potest conuenire Principi.

pi aduersus alium Principem, cum sit contra ius naturale, eundem simul esse Iudicem, & actorem, & insuper à ratione valde alienū est esse Iudicem in propria causa, & consequenter sumere vindictam de propria iniuria: Ergo tale bellum est iniustum, & confirmari potest. Nam ideo negatur particulari homini potestas ad vindicandam propriam iniuriam quia est euidentis periculum morale, quod semper iudicabit ultra iustum, sed est idem periculum in Principe vindicante propriam iniuriam ergo &c. Respondeo ingenuè concedens quod Princeps ille inducens bellum, se gerit vt Iudex, & etiam vt actor quodammodo, & licet hoc repugnet in causis priuatis, tamen in causa publica non repugnat, nec est contra ius naturæ. Primo quia ipse Princeps delinquens contra quem geritur iustum bellum fuit causa illius belli, & non alia via est, nec aliud medium, ad exercendum illum actum iustitiæ vindicatiuæ, qui tamen valde necessarius est ad Reipublicæ conseruationem, & vniuersi pacem. Secundo quia licet ipse Princeps, ibi se gerat, vt Iudex, tamen semper vitur in huiusmodi bello aliorum consilio, qui sine passione iudicabunt de iustitia belli, & de moderamine adhibendō, & ideo

ideo periculum est hic multo minus, quam in vindicta particularis personæ: maxime quia ipsa potestas vindicatiua, & punitiua non est in persona particulari, sed in Principe, cui conuenit respicere commune bonum ad quod potestas ordinatur.

In Romano Pontifice residere supremam potestatem indicendi Bellum, tanquam in supremo Christianæ Reipublicæ Monarcha, ex Theologico quodam, & receptissimo principio facile deprehenditur. Cap. III.



Vm non pauca conditiones requirantur ad iustum bellum gerendum, quas communiter tradunt tam Theologi, quam Iuristę ex Diuo Thoma 2. 2. S. Thom. 2. 2. q. 40. Et Summistis verbo 740

bellum, nimirum Authoritatem indicendi bellum, iustam causam, & intentionem rectā oportet ad exatam propositi argumenti tractationē de his omnibus ex professo diserere, ad amissimq; singula manifestare, vt luce ipsa meridiana clarius pateat, omnes iusti belli conditiones abunde concurrere in bello Romani Pontificis aduersus Sacrae Libertatis

tis Violatores. In hoc ergo capite, vt distinctius procedamus, agemus de prima cōditione, in sequentibus de reliquis. Et quidem apud vniuersos Theologos, & Iurisperitos notissimum, & exploratissimum est auctoritatem ad indicēdum bellum aggressiuū solum residere in Principe, Superiorē temporalem in suo Ordine, & Principatu, in Terra non habente. Nam si illum habeat infert ei iniuriam, indicendo bellum sine eius auctoritate: quia tunc vsurparet ius superioris, & hinc est, quod lex, hostes. ff. de cap. & postlim. reuer. & lex hostes. ff. de verborum significatione. appellant prædones eos subditos Romani Imperij, qui propria auctoritate bellum inferebant. Item sicut vnus Ciuis non potest esse aggressor contra alium Ciuem, sed debet pro iniuria sibi illata confugere ad Iudicem superiorem: sic Princeps habens supra se in suo ordine alium principem temporalem sibi superiorem, non potest esse aggressor in alterum Principē, absq; sui superioris permissu, sed debet adire Tribunal illius, vt talis causa pēnes ipsum terminetur. Deinde quia, si rem altius perpendamus, reuera bellum aggressiuum propriissimè est actus Iustitiæ vindicatiuæ, immo, &

om-

omnium huius virtutis supremus, cum in eo multentur homines grauissimis poenis, nimirum expoliatione bonorum, seruitute, & frequenter morte. Vnde quando lib. 4. Regum 4. R. 17. Nabuchdonosor. captum bello Sedechiam, & filios eius grauissimè puniuit, ait Sacer Textus *Locutus est cum eo Iudicium:* vel vt habet Hieremias cap. 39. & 52. *Locutus est ad Hierem.* *cum Iudicia,* quæ verba manifeste ostendunt munus superioris, & Iudicis iniurias vindicantis, atq; adeo actum Iustitiæ vindicatiuæ Igitur cum actus perfectus talis Iustitiæ, solum conueniat habenti publicam auctoritatem, vt Iudici, prout tradit Diuus Thomas D. Thom. 2. 2. q. 108. ar. 1. Vbi id optime explicat Caietanus; manifeste relinquitur, quod supremus actus Iustitiæ vindicatiuæ, qualis est bellum aggressiuum, solum spectare potest ad illum, qui habet in suo ordine supremam auctoritatē publicam, cuiusmodi est Princeps, non habens in Terra alium Principem superiorem. Docent hanc Doctrinam Diuus Augustinus, vt habetur capite, quid culpatur D. August. 23. q. 1. Isidorus capite 1. eadem cau. q. 2. Isidorus 5. Diuus Thomas 2. 2. q. 40. ar. 1. Vbi Caiet. D. Thom. Bannes, Aragon, & Valentia Adrianus de Caietan. reslit. q. quæ incipit: agredior casus 9. Ca- Bannes Arag. strus. Valentia. Adrianus.



Augustini lib. 83. quæstionum, quod licet ibi non reperiatur, reperitur tamē 4. tomo lib. 6. veteris testamenti super Iosue q. 10. & habetur 23. q. 2. cap. Dominus noster, & capite Iustum, & patet etiam ex Diuo Isidoro 18. Etymologiarum, & ratione etiam probatur, tum, quia bellum offensiuū est ad vitandam iniuriam, & ad animaduertendum in hostes, vt docent præcitati Patres: vindicta autem, & animaduersio locum non habet, vbi non præcessit culpa, & iniuria; Tum quia non habet maiorem authoritatem Princeps supra extraneos, quam supra suos; sed in suos non potest gladium accipere nisi præcedente eorum culpa, ergo nec in extraneos idq; satis indicant verba Diui Pauli ad Romanos 13. Vbi loquens de Principe, ait: *Minister Dei est, vindex in iram ei, qui male agit. Igitur aduersus eos, qui Principi nō nocent nō licet vri ira gladij.* Nec refert quod olim Num. 13. Iudei debellauerint Cananæos, à quibus nulla vnquam eis fuerat illata iniuria, nam id fuit ex speciali Dei concessione qui, cum clauem vitæ, & mortis habeat, ac supremum omnium Dominium, liberè potuit ad id potestatem eis impertiri. Hoc supposito principio, licet multi Doctores innumeras Iusti

D. August.

D. Aug.

D. Isidor.

Num. 13.

Num.

- belli causas referant; exactius tamen omnibus illis, eas in vnum congeffit noster Lyra.
- Num. cap. 31. *ait secundum autem quod iustum bellum inuenitur motum in Sacra Scriptura à pluribus causis. Vna est contra terram in qua Deus Blasphematur per idolatriam, ut habetur in Deuthcr. 12. subuertite omnia loca, in quibus coluerunt gentes quas possessuri estis Deos suos. Secunda si à Dei cultu recedatur. Deut. 13. si audieris in vna vrbiū tuarum dicentes aliquos &c. Tertia si fidelitas temporalis domini deferatur. 4. Reg. 3. de Ioram, & Iosaphat, qui mouerunt bellum contra Regem Moab. Quarta si rebellio moueatur, ut contra Sibam filium Bochri 2. Reg. 20. Quinta si malefactor defendatur, ut de bello moto contra Gabaa; Iud. 20. Sexta si iniuria publica Principi irrogatur de bello David contra Regem Ammon, qui fecit radi barbas nuntiorum David in contemptum eius, 2. Reg. 10. Septima si propria res repetatur, de bello David contra Isboseth repetendo regnum quod sibi datum erat à Deo; 2. Reg. 3. Octaua, ut hostis repellatur de Bello David contra Philisteos; 2. Reg. 10. Nona, ut hostis insurgens*

gens suis proprijs opprimatur; de bello filiorum Israel contra Sebon, & contra Og Reges Amorreorum; Num. 20. Decima contra illum per quem hostis roboratur; de bello David contra Syriam Damasci eo quod ferebat auxilium Aaadezer. Reg. 8. Undecima, ut amicus ab hostibus eripiat; de bello Abraham contra Reges qui captiuauerant Loth nepotem suum Genes. 14. Duodecima si Tyrannus à Presidente exerceatur, ut de bello Machabeorum contra Antiochum Illustrum 1. Machabeorum 2. Hæc ille. Verum his causis à Doctissimo Lyrano enarratis alias ex eisdem sacris literis eis subnectere adnitar ad illustrandum præsens argumentum, & quidem in primis, ut à causis iusti belli minus vrgentibus, licet ad id sufficientibus exordiamur, ut inde ad maiores, & grauiores gradum faciamus: nemo sanè est in Theologia aut Iurisperitia mediocriter eruditus, qui ignoret honestam causam iusti belli esse, quod Princeps, vel Res publica iniuste defendat eos, qui ob facinorapatrata, acri ac iusta punitione multari merentur. Hac enim de causa iustum ab omnibus iudicatum est Iud. 10. Bellum vndecim Tribuum Israel, aduersus Tribum Benjamin, eo quod conati sunt defendere habita-

Num. 20.

2. Reg. 8.

Genes. 14.

1. Machab. 2.

Iud. 10.

tores Gabaa, ne punirentur propter ingens illud scelus, quo vxorem viri leuitæ tam incredibili libidine vexarunt, vt animam efflare

D. Augustin. cogèrent, & Diuus Augustinus lib. 6. quæstionum q. 10. dixit iustam belli causam esse *quando gens vindicare negligit quod à suis improbè factum est*: Cum ergo contigerit Principes, aut Rempublicam aliquam impedire ne Romanus Pontifex, & Ecclesia Catholica Sacrorum Canonum Violatores, aut de fide Catholica perperâ sentientes, aut quosq; alios quomodolibet illam ledentes punire possint: apertè efficitur hanc esse sufficientem causam ad bellum illis indicendum. Ne autem ipsi infirmare moliantur Iustitiam huius causæ, dicentes Iuste se defendere omnes supradictos, ne puniantur quia sæpe contigit delinquentes id fecisse in defensionem Patriæ, quod maximè laudabile est. Respondeant quæso, an defensio Patriæ defensioni Ecclesiæ Catholicæ; aut tuitio libertatis Tyrânicæ, tuitioni Sacræ Libertatis præferenda, aut anteponenda sit? Primum ne utique crediderim concessuros, quia Hæreticum planè est; si secundum; iniustos se transgressorum defensores ingenuè fateri opus erit. Deinde licet daremur (quod falsissimum

mum est) illos defensorum Patriæ nomine
 insigniendos; nunquid patria erroribus ad-
 uersus sanam Doctrinam, & Catholicam fi-
 dem insurgentibus defendenda est? minimè
 gentium. Igitur iniuste illos; nè iuste pu-
 niantur impediunt; adq; hæc sit prima
 causa iusta belli, cui secundā similiter exem-
 plo Sacræ Scripturæ roboratam subiungam.
 Nam Principem, aut Rempubicā aliquam,
 violare fidem datam; aut pactum infringere
 aduersus alium Principem: Iusta causa cen-
 feretur ad bellum indicendum contra Viola-
 torem fidei, aut pacti in re graui. Hac enim
 ratione iustum fuit bellum Regis Ioram ad-
 uersus Masam Regem Moab. 4. Reg. 3. eo 4. Reg. 3.
 quod violasset pactum, nolens soluere agno-
 rum centum millia, & totidem arietum, cum
 velleribus suis, quæ quot annis soluere te-
 nebatur, huiusq; belli iustitiam; manifestè
 testata fuit miraculosa victoriā diuinitus
 tunc concessa: Cum ergo Princeps vel Res-
 publica fidem datam Ecclesiæ fœdusq; cum
 illa initum de nunquam præiudicando immu-
 nitati, & libertati Ecclesiasticæ, violauerit:
 hæc sanè iusta causa censenda est ad indicen-
 dum bellum.

*Prosequimur easdem Iusti belli Causas alias
plures ex sacris literis expendentibus ob quas
licet Romano Pontifici indicere bellum.*

Caput. V.



Vamuis causæ huc vsq; à nobis explicatæ iustitiam belli ex parte Romani Pontificis haud obscurè ostendant, alias tamen vrgentiores ex eisdem sacris literis petitæ nobis in mediū producendæ sunt, quarū vna est eamq; iustissimā censent noster Castro 2. de Iustitia hæreticorum punitione cap. 14. Victoria in relectione de Indijs Insulanis par. 2. in princ. Couarruias, Regula peccatum. par. 2. §. 9. n. 5. & alij per multi ab eo relati, nimirum quando Princeps vel Respublica negat ea, quæ iure gentium, aut Iure communi omnibus licent. Nam talis denegatio, vtpote iniusta, iniuriam infert ei, cui talia denegantur. Vnde vel ad eam propulsandam, vel postquam illata fuerit vindicandam, poterit interdum moueri Iustum bellū. Cæsar namq; eo quod Senatus aditū sibi in Romā denegasset apud Lucanum rectè dixit.

Viri-

Castro.

Victoria.

COMATW.

Viribus utendū est, quas ferimus arma tenēti

Lucan. 8.

Omnia dat, qui iusta negat,

Quia ergo transitus sine nocumento per vnā regionem in aliam, Iure gentium est omnibus debitus: Iustum fuit bellum filiorum Israel (Numer. 21. aduersus Seon Regem Amoreorum, propterea quod illis denegasset transitum per terram suam, filiis Israel ingenuè promittentibus, nihil nocumenti suis Vineis, aut agris illaturos, sed via regia sibi fore incedendum, donec fines illius regionis pertransirent. Eandemq; causam approbat D. Augustinus quæstione 44. super Numeros; Et habetur Capite Notandum 23. quæstione 2. Vbi hæc verba legimus. *Notandum sanè est quemadmodum iusta bella gerantur à filiis Israel contra Amoreos: innoxius enim transitus denegabatur, qui iure humanæ societatis equissimo patere debebat.* Hæc ibi: si ergo contingar denegari Ecclesiæ, aut personis Ecclesiasticis id, quod iure communi debetur; certè talis denegatio, iusta censetur causa, vt Romanus Pontifex bellum iuste indicere possit.

Numer. 21.

D. Augustinus.

Porro ad aliā non minus vrgentem, & iustam belli causam, quam præcedentem accedamus. Hæc sanè est rebellio, & contumacia

cia subditorum contra Dominum, dum iustis eius mandatis acquiescere obstinatè recusant, tunc enim huiusmodi bellum directè ordinatur ad recuperandam obedientiam iniuste denegatam, & ea quæ cum prædicta obedientia, & subiectione coniuncta sunt, hac enim ratione David bellum gessit aduersus Absalonem, nec non aduersus Saba filium Sochri 2. Reg. 20. Vnde D. Augustinus capite *quid culpatur* 23. q. 1. hæc verba habet *Aduersus violentiam resistentium siue Deo, siue aliquo legitimo imperio iubente, gerenda ipsa bella suspiciuntur à bonis, cum in eo rerum humanarum ordine inueniuntur, ubi eos, vel iubere aliquid, vel in talibus obedire iuste ipse ordo constringit.* Hac ergo stante Doctrina ex Sacra scripturâ, & Diuo Augustino comprobata, haud difficile erit colligere, quam iustum sit bellum Romani Pontificis aduersus eos, qui Apostolica mandata cõtempserint censuras contra eos latas tanquam inualidas, & nullas inuerecunde, proclamarint, Apostolicum interdictum non obseruari vel Romanum Pontificem solum meram spirituales habere Iurisdictionem super Ecclesiam dogmatizarint: Quæ sane Doctrina tanquam scismatica subtrahit Pon-

2. Reg. 20.
D. Augustin.

Pontificis indirectam Iurisdictionem temporalem in ordine ad finem supernaturalem super omnes Principes Christianos (quem nullus Doctor Catholicus negat, licet de directa sit controuersia), & consequenter tolit obedientiam, & debitam ab eis subiectionem Romano Pontifici in rebus temporalibus quantum opus fuerit ad promouendum illos in eundem finem supernaturalem. Ad recuperandam ergo hanc obedientiam Sedi Apostolicæ debitam, & iniuste denegatam, Iustum sanè est bellum Romani Pontificis aduersus omnes prædictos.

Aliam deinde causam Iusti belli arbitrantur communiter Doctores quando fit notabilis iniuria, aut magna aliqua infertur contumelia Principi, aut Reipublicæ, hac enim ratione 2. Regum 10. vt bene notauit noster Nicolaus de Lyra vbi supra, iusta belli causa fuit quod nuntijs ab ipso Dauide amicitiae causa ad quendam regem salutandum missis, in maximam Regis, & nuntiorum Contumeliam, ille dimidiam eis barbæ partem raserit vestesque medias ad nates vsque præcedirit. Vnde Augustinus lib. 6. questionum q. 10. & habetur capite Dominus 23. dixit: *bella iusta diffiniri solere, quæ*

2. Reg. 10.
Nicolaus de
Lyra.

Di. Augustin.

vltis-

ulciscuntur iniurias & cetera. Quare si contingat (quod Deus auertat) factis aut dictis Ecclesiam, aut Romanum Pontificem, vel eorum mandata iniurijs, aut contumelijs imperi, aut quomodolibet lacerari, certe Doctores omnes vnanimi consensu iustam hanc arbitrantur causam ad hoc, vt Romanus Pontifex indicare possit bellum.

Aliã deinde eãq; notissimã Iusti belli causam vnanimi consensu tradunt Doctores, cum bellum geritur ad occupandum, & recuperandum bona, quæ Principi debentur, cū aliter obtineri non possunt, quam mediante bello. Hac enim de causa post mortuum Saulem Rex Dauid bellum mouit 2. Reg. 3. aduersus Isboset filium Saulis, eo quod iniuste occupauerat Regnum Israel, quod Deus Dauidi liberaliter donauerat. Vnde Diuus Augustinus lib. 6. quæstionum q. 10. dixit, *Iustum bellum esse cum non redditur quod per iniuriam ablatum est.* Et Diuus Isidorus cap. 1. 23. q. 2. *Iustum* (inquit) *esse bellum quod ex edicto geritur de rebus repetendis, & hinc est quod tertio tomo Conciliorum inter rescripta Nicolai Papæ, & refertur 15. q. 6. cap. 2. §. quin etiam Episcopis Galliæ hæc verba habentur. Quin etiam prefato*
Fratri

2. Reg. 3.

D. Augustin.

D. Isidorus.

Concil. tom. 3.

Fratrī nostro, filijsq; Treuerensis Ecclesiæ illiusq; defensoribus hæc in mandatis damus, ut spirituali simul, & materiali gladio tamdiu malignos illos, eorumq; fautorem insequantur quousq; cum integritate possessiones, vel quæcunq; res Ecclesiastica hoc facto, vel quocunq; pacto distractæ, seu direptæ sunt reuocentur. Ex quibus omnibus apertè efficitur, quod cum Princeps, vel Respublica Ecclesiasticam iurisdictionem vsurparit in carcerando & puniendo personas Ecclesiasticas, suæ potestatis, & priuilegiorum terminos transiliens, aut Ecclesiæ possessiones, quæ ad Christi Domini patrimonium pertinent vsurparit, aut tandem publica decreta statuta, vel leges condiderit in iacturam Ecclesiasticæ libertatis vergētia: apertè inquam efficitur ex his omnibus iustum esse bellum Rom. Pont. ad recuperandum, quod à talibus sacræ libertatis violatoribus iniuste occupatum, & ablatum est Ecclesiæ Dei, cuius ipse summus Pastor, & Rector est, ne (prout habetur 24. q. 8. cap. si nulla) Deum videatur tentare, si suæ, ac aliorum saluti consulere non procurat; & sanctæ religionis detrimenta non præcauet. Vnde meritò Romanus Pontifex sibi vsurpare poterit verba illa Augusti-

ni ad

D. August.

ni ad Petilianum, & habetur 23. q. 4. capite qui peccat. *Cū impiè feceritis nō mereamini, si non defunt ministri Dei, per quos flagellamini, quia persecutionem patimini nō a nobis sed (sicut scriptum est) ab ipsis factis vestris.*

Tandem, vt huic capiti finem iam imponamus: ex lure Canonico constat, iustam causam præliandi esse, iustarum legum defensionem. Ita enim habetur 23. q. 8. cap. *si nulla*, vbi hæc verba legimus: *Non solum quadragesimali tempore; sed etiam omni tempore est à prælijs abstinendum, si autem ineuitabilis urget importunitas, nec quadragesimali tempore pro defensione tam suâ, quàm Patriæ, seu legum paternarum est bellorum præparationi proculdubio parcendum.*

Cum ergo ad Summum Pontificem potissimum pertineat sacræ libertatis leges defendere, nec vlla ratione pati Ecclesiasticam immunitatem lædi, aut minui, & multo magis de medio tolli; manifestum est bellum ad prædictam defensionem iustum esse, cum aliter id obtineri non possit; prout experientia non posse sæpè compertum est, quandoq; enim contingit quosdam adeo esse obstinatæ mentis & iniustæ libertatis amatores, vt nec Apostolicis censuris irretitos, & alijs Ecclesia-

sticis

ficis pœnis vexatos, Nec Romani Pontificis eorum salutis ardentissimo zelo extuantis salutaribus, ac paternis consilijs admonitos, parere vnquam velint, & à malè inchoatis, religiosè desistere. Atq; his aliam non minus vrgentem causam subiungere placet, nimirum. Summum Pontificem tanquam supremum vniuersalis Ecclesiæ Pastorem teneri cuiuscunq; Reipublicæ spirituali saluti consulere, atq; adeò tanquam Iudicem, quantum ad prædictum finem opus fuerit, illam mulctare, castigare, & per spiritualia pariter, & materialia arma, pristinæ obedientiæ restituere, & ad meliorem frugem, quantum sibi possibile fuerit reuocare, vel saltem eā vlla ratione impunem abire non sinere. Atq; hanc vltimam esse iustam belli causam præter quàm quisq; mediocri rationis lumine illustratus probe agnoscere poterit, cum ratio ipsa naturalis id doceat, clarè etiam id ipsum ostenditur Deuth. 13. vbi habentur hæc verba. *Si inueneris certum esse, quod dicitur, & abominationem hanc operæ perpetratam, statim percuties habitatores Urbis illius in ore gladij, & delebis eam omniaq; , quæ in illa sunt vsq; ad pecora.* Hæc ibi: ecce bellum, motum non alio nomine, quam quod nocentes

Deuth.

tes impunes non abirent, similiaq; exempla frequenter reperiet, qui sacrās literas parumper lectitauerit : fateor tamen ad iustificandum vsum prædictarum causarum, seu (quod idem est) ad inducendum bellum propter prædictas causas, opus esse, vt prius Romanus Pontifex inimicos moneat, quod si resipiscere nolint, contumacesq; perstiterint Apostolicis præceptis non parentes, & sacræ libertatis iura violantes, se non solum eos spiritualibus, sed & materialibus armis fore expugnaturum; prout ex professo latè dicemus cap. sequenti.

Tam ex Sacris literis, quam Gentilitijs priscorum Romanorum exemplis, opus esse palam fit, Romanum Pontificem debellandis, prius pacem offerre si resipiscere velint; sin minus, armis eos debellaturum prædicere. Cap. V I.



Deuth.

TA planè obseruandum esse Sacræ, & profanæ literæ, & ratio ipsa testantur. Nam in primis Deuth. 20. dicitur : Si quando accesseris ad expugnandam Ciuitatem offeres ei

ei primum pacem . Similiter etiam fecisse legimus filios Israel cum Benjamin. Iud. 20.

Et miserunt (inquit Sacer Textus) nuncios ad omnem Tribum Benjamin , qui dicerent ; cur tantum nefas in vobis repertum est ? tradite homines de Gabaa , qui hoc flagitium perpetrarunt , ut moriantur , & auferatur malum de Israel , qui noluerunt fratrum suorum filiorum Israel audire mandatum . Hæc

ibi . Quibus omnibus consonant quæ tradit Iosephus antiquitatum Iudaicarum lib.

4. cap. 8. propè finem , vbi ait : Cum bellum instabit , caduceatores primum ad destinatos hostes sunt mittendi , decet enim ante arma verbis ad eos uti , docendo quod quamuis , & copia vobis adsint numerosæ , & equi , & arma , & super omnia Deus auxiliator propitius , mauultis tamen non cogi ad bellum , neque ex rebus illorum direptis ingrata lucra querere . Et si quidem quod æquum est persuaderi sibi patiantur , præstat pacem inuiolatam seruare : quod si plus suis viribus tribuentes , ius in armis reponant , exercitum contra eos educate . Hæc illæ . Sic etiam factū fuisse per Principes Græcos Menelaum , & Vlysses , qui Troiam miserunt ad repetendam Elenam antequam diuturnum illud in-

Ioseph. antiq. Iud.

D

choarent

- Homerus .** choarent bellum scribit Homerus. Id ipsum inuiolatæ obseruarunt Antiqui Romani; pro-
- Antonius Valtrinus.** ut tradit Antonius Valtrinus de re militari lib. 1. cap. 5. vbi ait *cum igitur Gens aliqua fines Populi Romani, aut Sociorum Populi Romani inuasisset, aut Ciuem Romanum socio sue populi Romani iniuria affecisset, antequam bello iniurias persequerentur, legatos Romani mittebant, qui res ablatas repeterent, eosq; qui fecissent deposcerent, quæ si hostes præstabant bello abstinebant, sin minus armis ius suum tuebantur bellumq; indicebant.* idque probat ex Varrone lib. 11. de vita Pop. Romani apud Nonium: nam illo teste, priusquam Romani indicerent bellum ijs, à quibus iniurias factas sciebant, Feciales legatos repetitum mittebant quatuor, quos oratores vocabant. Idem tradit Liuius lib. 4. dicens. *Tunc quoq; ne confestim bellum indiceretur religio obstitit, Feciales prius mittendos ad res repetendas censuere,* Idem etiam Antonius Valtrinus de re militari lib. 1. cap. 9. hæc refert ex Liuiio *postquam Pater patratus mandata exposuisset, dies tres & triginta expectabat, intra quos si non reddebantur, quæ exposcebat tunc is reuertens: Audi Iuppiter (inquit & tu Iuno; Quirine dñsq; omnes cælestes*

*Fles vosq; terrestres, vosq; inferni audite. .
 Ego vos testor populum illum iniustum esse,
 neque Ius persolvere, sed de istis rebus in pa-
 tria maiores natu consulemus, quo pacto ius
 nostrum adipiscamur. Hæc illæ. Cæremo-
 nias autem, quibus olim Romani prius bel-
 lum indicebant, refert idem Liuius lib. 1. Fe-
 cialis (inquit) hastam ferratam, aut sangui-
 neam præustam ad fines eorum ferebat, &
 non minus tribus puberibus præsentibus, di-
 cebat: Quod populi priscorum Latinorum
 hominesue prisci Latini aduersus Populum
 Romanum: Quiritium fecerunt deliquere-
 runt, quodq; Populus Romanus Quiritium
 bellum cum priscis Latinis iussit esse, Senatus-
 que populi Rom. Quiritium censuit, consensit,
 consciuit, ut bellum cum priscis Latinis fieret:
 ob eam rem ego Populusq; Romanus populis
 priscorum Latinorum, hominibusq; priscis La-
 tinis bellum indico, facioque id. Vbi dixisset
 hastam in eorum fines mittebat. Hæc Liuius,
 quæ eadem ferè ex Cincio refert Gellius
 lib. 16. cap. 4. nomine dumtaxat populi com-
 mutato. Ad hanc hastæ iaciendæ consuetu-
 dinem, authore Seruio, respexit Virg. lib. 9.
 En ait, & iaculū intorquēs immittit in auras.*

Liuius lib.

Gellius ex
Cincio.Seruius com-
mento in Virg.*Principium pugnae*

D 2

Ha-

Turnebus lib.
xi. cap. 17. &
lib. 8. c. 23.
Advers.

Hastam autem sanguineam, quam à Feciali in hostium fines emissam Liuius ait; quidam ita putant appellatam, quod è sanguineo frutice, vel arbore esset, & quod coloris erat t cruenti, idcirco ea ad bellum indicendum Feciales vsos: alij, quod cuiuscunq; demum ligni hostile haberet; sanguine cruentaretur. Vnde Marcellin. lib. 19. de Persis Amidā obsidētibus *vix ubi Grumbates hastam infectā sanguine vrit patrio, nostriq; more coniecerat Feciali armis exercitus concrepans inuolat in muros*. Hanc bellorum indicendorum consuetudinem ita interpretatur Liuius lib. 31. vt necesse non fuerit, ad intima regni, regemq; ipsum, cui bellum indicebatur penetrare: sed satis esset primo oppido nunciare: *Consulti Feciales (inquit) bellum, quod indicetur regi Philippo, utrum ipsi utiq; nunciari iuberent an satis esset, in finibus regni, quod proximum praesidium esset, eo nunciari: Feciales decreuerunt utrum eorum fecisset, recte facturum*. Tandem ratio ipsa propositam assertionem confirmat, nam vt recte dixit D. Augustinus 23. quæst. 1. *Pacem habere, voluntatis est; bellum verò, necessitatis*: Ergo prius debet Pontifex tentare media conuenientia, vt sacræ liber-

ratis

Liuius.

D. August.

atis violatores satisfaciant iniurijs Pontifici, & Ecclesiæ factis, quod si noluerunt: tunc quasi necessitate cogente indicendum erit illis bellum. Ita etiam communi consensu tradunt Theologi 2. 2. q. 40. art. 1. cum Molina de Iustitia, & Iure tract. 2. disputatione 100.

*Theologi.
Molina.*

Quibus omnibus addo ex eodem, quod ut rectè adnotarunt Driedo lib. 2. de libertate

Driedo 2.

Christiana cap. 6. Caietanus 2. 2. q. 40. art. 1.

Caietan.

Gabriel in 4. dist. 15. q. 4. art. 1. Actor sequitur forum rei, & ideo Princeps Reipublicæ,

Gabriel. 4.

quæ damnum est passa, non aliter subit rationem Iudicis comparatione illorum malefactorum, quam in defectu iudicis proprii ipsorum, qui eos puniat, & cogat resarcire damna. Quod si Respublica admonita, præstare non voluerit, quod tenetur, tunc non solum aduersus malefactores ipsos, sed etiam aduersus Rempublicam fas erit mouere bellum eo, quod in culpa sit non puniendo suos subditos, & non cogendo illos resarcire damna, ut ex officio tenetur.

Argumenta quædam diluuntur, quibus aduersarij probare contendunt, nunquam expediens esse, Romanum Pontificem, bellum gerere, aduersus Sacræ Libertatis Violatores. Caput VII.



N primis illud quidam maximè Politici summopere, vrgere arbitrantur, quod si æquo iustoq; lance fiat ponderatio, & collatio inter damna quæ ex tali bello emergere necesse est, & mala, quæ orientur ex eo, quod sacræ libertatis violatores Ecclesiæ iura vsurpare permittantur: mirum in modum grauiora illa censenda erunt, quam ista. Nam ex prædictis Iuribus violatis solum, quædam incommoda pateretur Ecclesia, non vniuersaliter, sed apud eos dumtaxat, quæ illa violant, quod sanè tametsi cuiusdam mali speciem præ se ferre videatur, ex priuilegio tamen ipsius Pontificis, quod impendere sibi facillimum est, omnino cohoneatur, & sic omnis concertandi occasio, & periculum aliorum quæ imminet malorum, penitus de medio aboleretur, &
Prin-

Princeps aut Respublica illa aduersus Pontificem non irritaretur. Hoc est aduersariorum Achilles, sed faciliè vincemus hunc fortem Achillem si egregiæ illius Gregorianæ D. Gregor. sententiæ meminerimus: *utilius scandalum nasci permittitur, quam veritas relinquatur*, sed audiant etiam quæso si placet Diuum

Bernardum ad Eugenium sic scribentem. D. Bernar. ad Eugenium.
tibi data est omnis potestas, & qui totum dicit, nihil excludit, sed cogita utrum omnia concedere debeas, quod si non debes, serua modum, ut iustificeris cum iudicaris. Hæc illæ.

Quis autem nisi hæreticus dicet, oportere Romanum Pontificem, omnibus, quæ sacræ libertatis violatores postulant acquiescere, & omnibus eorum petitionibus annuere, cum sæpè contingat multa ab eis postulari, & rationi valde dissentanea, & sacris Canonibus omnino aduersaria. Vnde Diuus Bernardus loco præcitato cum obseruasset nescio quas imperatorias leges custodiri, à Christianis legibus nonnihil discrepantes, Eugenio Pontifici Maximo dixit. *Ut quid in Palatio tuo leges Iustinianæ garriunt, & tuæ Christianæ silent?* Bernardus igitur qui Iustinianas leges, sic execrabatur, quid non eas perosceret sacræ libertatis violatrices si

enim præ timore prædictorum incommodorum dissimulanda essent à sacris Pontificibus, quæ aduersus ipsorum auctoritatem, & Romanæ Ecclesiæ indemnitatem fiunt, audaciores certè redderentur sacræ libertatis violatores eorumq; insolentia mirum in modum excresceret, & Romani Põtificis auctoritas, & Ecclesiasticæ libertatis diuinitus data exemptio, non solum indies in deterius iret, sed si fieri posset tandem periret, ac penitus de medio tolleretur. Ne ergo Ecclesia Dei in hanc tantam suorum iurium iacturam veniat, non solum expediens, sed quandoq; necessarium est Pontificem Romanum aduersus eius impugnatores, gladium stringere, prout olim fecerunt non pauci Pontifices.

D. August.

Cæterum aduersus hæc obijciunt aduersarij D. Augustinum contra Epistolam Parmeniani, & habetur 23. q. 4. cap. cum quisquam, vbi hæc verba legimus. *Cum quisquæ fratrum, & Christianorum intus in Ecclesiæ societate constitutorum, in aliquo tali peccato fuerit deprehensus, ut anathemate dignus habeatur, fiat hoc, vbi periculum schismatis nulum est.* Et infra. *Quando cuiusquam crimen est notum, & omnibus execrabile appareat, ut vel nullos prorsus, vel non tales habeat*

*beat defensores per quos possit schisma contin-
gere, non dormiat seueritas disciplina. Hæc
ibi. Ex quibus apertè colligitur, quod cum
in casu aliquo schismatis periculum sit apud
aliquam Rempubicam non solum gladio
materiali, sed nec spiritali ferienda esset iux-
ta mentem D. Augustini; Vnde D. Thomas* *D. Thomas.*
2.2.q. 43. art. 7. ad primum ait dicendum,
*quod pœnarum inflictio, non est propter se ex-
petenda, sed pœna infliguntur, vt medicinae
quedam ad cohibenda peccata, & ideo in tan-
tum habent rationem Iustitiæ, in quantum
per eas peccata cohibentur. Si autem per infli-
ctionem poenarum manifestum sit plura, &
maiora peccata sequi, tunc pœnarum infli-
ctio non continebitur sub iustitia, & in hoc ca-
su loquitur Augustinus in lib. contra Episto-
lam Parmeniani quando scilicet excommu-
nicatione aliquorum imminet periculũ schis-
matis; tunc enim excommunicationem ferre,
non pertinet ad veritatem iustitiæ. Hæc illæ.
Respondeo hanc Doctrinam intelligendam
esse quando aliunde non manifestè imminet
alia maiora detrimenta, quam sit vnus com-
munitatis schisma: maius autem detrimētum
est, quod Romani Pontificis autoritas, &
sacra libertas labefactetur, quàm quod inte-
gra*

D. Thomas.

gra etiam prouincia scandalum passiuum schismatis patiatur : Vnde ipsemet D. Thomas quæst. supra citata artic. 8. in corpore ait : *Respondeo dicendum, quod circa temporalia bona distinguendum est ; aut enim sunt nostra, aut sunt nobis ad conseruandum pro alijs commissa sicut bona Ecclesie committuntur prelati, & bona communia quibuscunq; Reipublica rectoribus, & talium conseruatio sicut & depositorum, imminet his quibus sunt commissa ex necessitate, & ideo non sunt propter scandalum dimittenda, sicut nec alia quæ sunt de necessitate salutis ;* Et infra ait :

D. August.

Vnde Augustinus lib. 1. cap. 4. parum à principio tom. 4. in lib. de serm. Domini in Monte dicit. *Dandum est quod nec tibi, nec alteri noceat, quantum ab homine credi potest. Et cum negaueris, quod petit, indicanda est ei iustitia & melius ei aliquid dabis cum petentem iniuste, correxeris. Aliquando vero scandalum nascitur ex malitia, quod est scandalum Pharisæorum, & propter eos qui scandala concitant non sunt temporalia dimittenda; quia hoc & noceret bono communi; daretur enim malis rapiendi occasio, & noceret rapientibus, qui retinendo aliena in peccato remanerent, unde Gregorius dicit in Moral. Quidam dum*

D. Gregor.

dum temporalia à nobis rapiunt solummodo sunt tolerandi: quidam verò aequitate seruata prohibendi, non sola cura ne nostra subtrahantur, sed ne rapientes non sua, semetipsos perdant. Hæc omnia habet Diuus Thomas ibi.

Secundo principaliter obijciūt quia Sacri Canones frequenter monent Prælatos Ecclesiæ, vt in gratiam pacis conseruandæ, non semper vindictam in eos, qui peccant exerceāt, sed patienter eos tolerant vnde 23. q. 4. cap. quid ergo dicitur: *Quid ergo voluit Dominus noster Iesus Christus fratres Charissimi admonere Ecclesiam suam, quādo vnum perditum inter duodecim habere voluit, nisi vt toleremus, ne Corpus Christi diuidamus?* Et infra cap. Ecce legimus: *Ecce (dicit Propheta) recedite, exite inde, & immundum ne tetigeritis: quomodo ergo malos pro pace tolerabimus, à quibus exire, & recedere iubemur ne tangamus immundum?* nos istam recessionem spiritualiter intelligimus. illi corporaliter. Et infra: *Quid est autem exire inde, nisi facere, quod pertinet ad correctionem malorum, quantum pro vniuscuiusq; gradu atq; persona (salua pace) fieri potest. Sed correctio mediante bello non potest fieri salua pace,*
ergo

D. Greg.

ergo cessandum est ab ea. Et Diuus Gregorius ibidem capite hæc autem ait *Ex his omnibus colligitur quod malorum vindicta Deo reseruanda est nec sunt corporaliter puniendi sed crebra admonitione, & charitatis beneficio ad correctionem inuitandi* Et ibidem cap. ip-

D. Aug.

sa pietas Diuus Augustinus ad Bonifacium ait : *In huiusmodi causis in quibus pergraves dissensionum scissuras, non huius, aut illius hominis est periculum, sed plurimorum strages iacet, detrahendum est aliquid seueritati, ut maioribus malis sanandis sincera charitas*

Cap. non potest.

D. August.

subueniat & cap. non potest. eadem causa, & quæstione Diuus Augustinus ait *Reuera cum contagio peccandi multitudinem inuasit; diuina disciplina seuera misericordia necessaria est : nam consilia separationis, & inania sunt, & perniciofa, & plus perturbant infirmos bonos quam corrigant animos malos,*

D. Ambros.

Vnde Diuus Ambrosius, & habetur eadem quæstione cap. quod Christus sic ait : *Quod Christus discipulos suos increpauit quia ignem de Cælo descendere super eos gestiebant qui ipsum non receperant ostenditur nobis non semper in eos, qui peccant vindicandum, quia non nunquam amplius prodest Clementia tibi ad patientiam, quam lapso ad correctionem. denique*

*niq; Samaritani citius crediderunt, à quibus
hoc loco ignis arcetur Et 23. q. 5. loquens de
quibusdā sceleratissimis hominibus. hæc scri-*

bit Diuus Augustinus Comiti Marcelliano:

*D. August. Co-
misi Marcell.*

*Mihi sollicitudo maxima incussa est, ne for-
te sublimitas tua censeat eos tanta legum seue-
ritate esse plectendos, ut qualia fecerunt, ta-
lia patiantur, ideoq; his literis abtestor fidem
tuam quam habes in Christo; per ipsius Do-
mini Nostri misericordiam, ut hoc non facias,
nec omnino fieri permittas, & infra subdit:
Imple Christiane Iudex, p̄j patris officium, sic
succēdere iniquitati memineris, ut non in pec-
catorum atrocitatibus exerceas ulciscendi li-
bidinem, sed peccatorum vulneribus curādi ad-
hibeas voluntatem: Actandem ait non ex-
tenso aculco, non sulcantibus ungulis, non
urentibus flāmis procedendum esse. Accedit
ad hæc quod in Summo Pontifice, & vniuer-
saliter in omnibus Ecclesiasticis Prælatiſ elu-
cere debet maximè lænitas, benignitas, &
clementia erga subditos, ut grauissimis ver-
bis commendat Concilium Tridentinum ses-
sione 13. de reformatione cap. 1. Vbi allo-
quens Prælatos ait illud primum eos admo-
nendos censet (scilicet Sancta Synodus) ut
se pastores non percussores esse meminerint,
atq;*

Conc. Trid.

atq; ita præſſe ſibi ſubditis oportere, ut eis non dominantur, ſed illos tanquam filios, & fratres diligant elaborentq; ut hortando, & admonendo, ab illicitis deterreant Et infra addit rationem. Cum ſæpe plus erga corrigendos agat benevolentia, quam authoritas: plus exhortatio, quam comminatio, plus charitas, quam poteſtas. Sin autem ob delicti gravitatem virga opus fuerit tunc, cum manſuetudine rigor, cum miſericordia iudicium cum lenitate ſeueritas adhibenda eſt. At non ſolum Cenſuris, Eccleſiaſtica libertatis violatores vexare, ſed inſuper eos armis debellare, redolet auſteritatem, & nimium rigore: ergo non decet Pontificem huiusmodi bellum indicere. Verum ad hæc facile reſpondetur, his omnibus teſtimonijs ſolum conuinci quandoq; attentis certis circumſtantijs conſultius eſſe gladium in vagina continere, non tamen negatur quandoq; etiã expediens eſſe, immo, & neceſſarium, illum ſtringere, quod ſanè haud difficile erit probare, ſi ſacras literas, & Patres conſulamus: immò, & teſtimonium nuper citatum Concilij Tridentini nobis fauet, quia ſicut in prioribus illis verbis monet Prælatos eſſe manſuetos, ita etiam in ſequentibus ſuadet quandoq; ſeueros,

Concil. Trid.

ros, & rigidos esse debere ait enim *diligentis*
 & *pij simul* Pastoris officium esse, morbis ouium
 lenia primum adhibere fomenta, post ubi mor-
 bi grauitas ita postulet, ad veriora, & grauio-
 ra remedia descendere. Non inficior sane
 iustitiam, & seueritatem benignitate tempe-
 rādam esse idq; maxime decere Principes, &
 Prælatos, quod probè intelligens Henricus Henric. 4.
 Quartus in sua insignia, & stemata malum
 granatum accepit cum hac inscriptione *sub*
acre, quod italicè *mezo sapore* Hispanice
agri dulce, dicitur, significās huiusmodi Sim-
 bolo acrimoniam iustitiæ, cum misericordiæ
 dulcedine coniungendam esse: nihilominus
 tamen quandoq; opus est, omissa hac dulce-
 dine, & lenitate, rebelles, & contumaces non
 solum spiritualibus pœnis, sed, & tempora-
 libus supplicijs afficere iuxta illud Psalmi 2. Psal. 2.
 Reges eos in virga ferrea, vnde sacra narrat
 Historia quod Heli filios suos spiritualiter in-
 crepauit, *Quare facitis rem hanc?* sed quia
 eos nō puniuit iratus Deus *suscitabo (inquit)*
omnia quæ locutus sum super domum eius eo
quod nouerat indigne agere filios suos, & non
increpauit eos: placet ergo mansuetudo Deo,
 & non displicet ira illa, cuius meminit Regius
 Vates. *Ira scimini, & nolite peccare.* Vnde
 Ec-

1. Reg. 3.

Ecclesiast. 46. Ecclef. 46. cū ageret de rebus à Iosue præclarè gestis *An non* (inquit) *in iracundia eius impeditus est Sol* & quasi diceret adeo gratam fuisse Deo eius iracundiam, vt Deus ipse Solis, & Lunę cursum retardaret, donec Iosue hostiũ copias penitus opprimeret. *Steterunt* (inquit Sacer Textus) *Sol, & Luna donec ulcisceretur se*. Phinees etiam simili iracundia percitus fornicarios quosdam gladio confodit. Eadem etiam cōmotus Moyses tria, & viginti hominum millia vno die trucidauit, ac etiam Samuel Amalechitarũ Regem in minutissima frustra comminuit. Hac Elias quadringentos, & quinquaginta Sacerdotes iugulauit eo quod impio Baal hostias maētarent, qui *hac tanta internecione non contentus* (vt ait Diuus Basilius homil. 10. de ira) *alios quadraginta interfecit Iezabel Regina valde affines*: quibus omnibus consonat satis illud quod tradit Budeus ex peritissimis Rabbinis in tabernaculi cortinis permultas fuisse fundas depictas, vt cum Sacerdotes Populi Pastores, illuc ingrederentur, animaduernerent suum esse munus lupos, a grege diligenter arcere, hoc. n. valde cedit in vtilitatem totius gregis: quæ omnia paucissimis verbis perstrinxit textus in capi-

te Legi 23. q. 8. Vbi Diuus Hieronymus ad *D. Hieron.*
 Riparium ait *Legi Siromasten* (hoc est vin-
 dictam) *Phinees, austeritatem Heliae, Zelum*
Simonis Cananei, Petri seueritatem, Ananiã
& Zaphiram trucidantis, Pauliq; constantiã,
qui Elymam Magum, vñs Domini resisten-
tem, eterna cecitate damnauit. Non est Cru-
delitas crimina pro Deo punire, sed pietas. his
omnibus consonat illud Augustini ad Vin-
centium Donatistam, & habetur capite ni-
mium 23. q. 4. Si enim quisq; inimicum,
suum periculosis febribus phreneticum factum
currere videret in præcipitium, non ne tunc
potius malum pro malo redderet, si sic eum ire
permitteret, quã si corrigendum curandumq;
ligaret? Et tamen tunc ei molestissimus, &
aduersissimus videretur, quando utilissimus,
& misericordissimus extitisset; sed plane sa-
lute reparata, tanto ei vberius gratias ageret,
quanto minus sibi pepercisse sensisset Et post
pauca quibusdam ista non profunt: nun-
quid ideo negligenda est medicina; quia non-
nullorum insanabilis est pestilentia. Item,
post aliqua: Non omnis qui parcit amicus
est, nec omnis, qui verberat inimicus; melio-
ra sunt vulnera amici, quam blanda oscula,
inimici, melius est cum seueritate diligere,
 E quam

quam cum leuitate decipere, utilius esurienti panis tollitur, si de cibo securus iustitiam negligat, quam esurienti panis frangitur, ut iniustitia, seductus acquiescat. Item post pauca: Putas neminem debere cogi ad iustitiam; cum legas Patrem familias dixisse seruis: quoscumque inueneritis cogite intrare. Item etiam Au-

D. Augustin. gust. eodē cap. prædicta causa, & quæstione ait Si ea de quibus vehementer Deus offenditur, insequi vel ulcisci differimus ad irascendum utique; diuinitatis patientiam prouocamus. nonne Achor filius Zare præterijt mandatum Domini, & super omnem populum Israel ira eius incubuit? Et eadem etiam causa, & quæstione capite sicut excellentiam habentur hæc verba: Sicut excellentiam vestram hostilibus bellis in hac vita Dominus victoriam fecit luce fulgere: ita oportet etiam inimicis Ecclesiæ eius, omni viuacitate mentis, & corporis obuiare, quatenus eius ex utroque triumpho magis ac magis enitescat opinio. & infra: persoluentes (inquit) paternæ charitatis affectum Dominum petimus, quod brachium vestrum ad comprimendum hostes forte efficiat, & mentem eius fidei zelo velut mucrone gladij vibrantis exacuatur: Hæc ille. Ne autem Violatores sacræ libertatis con-
quæri

quæri possint quod Pontifex eos persequitur, audiant Pelagium Papam pro Successoribus suis respondentem: *Non vos hominum vaniloquia retardent dicentium, quia persequutionem Ecclesia faciat, dum vel ea, quæ committuntur reprimit, vel animarum salutem requirit: errant huiusmodi tumoris fabulatores. Non persequitur nisi, qui ad malum cogit: qui vero malum, vel factum iam punit vel prohibet ne fiat; non persequitur iste, sed diligit. Nam si (ut illi putant) nemo nec reprehendendus est à malo, nec retrahendus à malo ad bonum est, humanas, & Diuinas leges necesse est euacuari, quæ, & malis pœnam, & bonis præmia iustitia suadente constituunt. Ac tandem in capite quid crudele,*

23. q. 4. Diuus Augustinus contra Faustum ait: *Apostolus non crudeliter sed amicabiliter tradidit hominem Sathana in interitum carnis, ut spiritus eius saluus sit: Sic ergo Summus Pontifex instar peritissimi Chirurgi brachium exurit, & quandoq; penitus perdit (quod tamen amicabiliter facere nemo sanæ mente inficias ibit) ut totum reipublicæ corpus incolume seruet.*

Pelag. Papa.

D. Augustin.

Tertio obijciunt quia quâto manifestius fuerit principem aliquem iniurijs affecisse

E 2 Sum-

D. Gregorius.

Summū Pontificē, aut eius censuras, & mandata cōtempnissē, tanto magis Pontifex continere se debet ab indictione belli contra illum, ne videatur, quod ira percitus ad vindicandas proprias iniurias in principem illum, & in totam eius Rempublicam irruere velit quod expresse damnat Diuus Gregorius ad Ianuarium Episcopum, reprehendens illum eo quod ob iniuriam propriæ personæ quendam excommunicauerat. Vt habetur capite *inter quærelas . 23. q. 4.* vbi ait: *Nil te cogitare de Cœlestibus ostendis, sed terrenam te habere cōuersationem significas, dum pro vindicta propriæ iniuriæ (quod sacris regulis prohibetur) maledictionem anathematis inuexisti.*

D. Augustin.

Verum ad hāc obiectionem non aliter respondere oportet quam per verba Diui Augustini ad Bonifacium, & habetur cap. *Maximianus*, vbi sic ait: *Maximianus Episcopus Vagiensis auxilium petijt ab Imperatore Christiano contra hostes Ecclesiæ, non tam sui ulciscendi causa, quam tuendæ Ecclesiæ sibi creditæ, quod si pratermisisset, non eius fuisset laudanda patientia, sed negligentia merito culpanda.* Hæc Diuus Augustinus, quod si Diuus Gregorius præcitato loco reprehendit præ-

prædictum Episcopum quod propriam iniuriam per illatam sententiam excommunicationis in suum inimicum vindicauerat, hoc ideo fuit; quia ipse non debebat sibi ius dicere; sed adire superiorem ad ius sibi dicendum summus autem Pontifex, cum non habeat alium superiorem in terris, qui ius illi dicere possit; rectè ipse amore iustitiæ vindictam propriæ iniuriæ sumere potest, iuxta ea quæ latius diximus super cap. I.

Expediens esse Summum Pontificem, armis coercere inobedientes, & contumaces quando aliter censuris, & alijs spiritualibus poenis succumbere renuunt. Cap. VIII.



QUAMVIS ex omnibus supradictis apertissimè constet licitum, & iustum esse bellum Summi Pontificis aduersus sacrę libertatis violatores, tamen quia Diuus Paulus dixit *omnia mihi licent, sed non omnia expediunt.* Ideò ex Patribus, & Iuribus probare adnitar expedientem quandoq; esse prædictam indictionem belli, & quidem in primis nihil

E 3 ma-

magis decet Pontificem, (vt aduersariorum rationem in eos retorqueam) quam pacis eximium conseruatorem esse; expedit ergo bellum, quod ad prædictam pacis conseruationem ordinatur, vnde meritò sibi dictum, existimare potest Romanus Pontifex illud

D. Augustin. Augustini epistola ad Bonifacium: *non enim pax quæritur, vt bellum exerceatur, sed bellum geritur, vt pax acquiratur: Esto ergo bellando pacificus, vt eos quos expugnas ad*

Vegetius. *pacem unitatis perducas*; Et Vegetius in Proemio tertij libri de re militari dixit: *qui desiderat pacem præparet bellum*. Hæc illæ, Nec iuuat dicere Pontificem faciliè posse firmam pacem mittere, si aduersariorum voluntati consentire velit: sic enim omnis bellandi ratio cessabit: hoc (inquam) non iuuat; quia pium Pontificem impia pax decere non potest, quam Christus Dominus ab Ecclesia sua omnino relegendam monuit, dum dixit.

Leo Papa. *Non veni pacem mittere in terram, sed gladium*. Vnde Leo Papa oratione de Natiuitate Domini, dixit: *Nec vera amicitia censenda est, si facit peruerso scelere, & amore concordēs, cui consonat illud Ciceronis Philippica 9. dicentis Pacem admittendam esse quæ turpis non sit, sed cum iustitia coniuncta,*

nam



nam quæ à iustitia abest *scelus potius dicen-*
da est (vt ait Polibius lib. 4.) *quam vera* Polibius.
concordia . Sed melius illo D. Paulus dum D. Paul.
 1. ad Timotheum cap. 2. dixit: *Tranquillita-*
tem cum pietate connectendam esse , quibus
 consonant egregia verba Diui Chrysofomi D. Chrysof.
 ad Rom. 12. Homil. 22. versans verba illa :
cum omnibus hominibus pacem habentes : Si
pietatem labefactari videris ; si iustitiam ,
ne præponas concordiam veritati, sed genero-
sè persistas usq; ad mortem . Vi enim oppri-
mi bona causa melius est, quam male cedere ,
 prout etiam monuit Cicero lib. de Oratore, Cic.
 quibus omnibus consonat illud Cornelij Ta- Cornelius.
 citi *suspecta pace tutius est bellum , & illud*
 Priuenatis liberum in Senatu Romano re- Priuenas .
 sponsum , vt tradit Petrus Bellinus de re mi- Bellinus .
 litari par. 10. tit. 1. *Si bonam pacem dederitis,*
perpetuam seruabimus, si malam non diutur-
nam . Diuus etiam Gregorius Nazianzenus D. Gregorius
 in Apologetico oratione prima egregiè ad- Nazianzenus.
 modum dixit : *Melius est laudabile bellum*
pace à Deo disiungente , ob eamq; causam le-
nem, & mansuetum hominem, spiritus ad pu-
gnam armat, vt qui bellū rectè gerere queat .
 Ioelis 3. dum ait : *Mansuetus sit bellator ,* Ioel.
 quæ verba elucidans Elias Cretenfis in com-

mentario prædictæ orationis ait: *Nec enim Dei cultores timidos, & ignauos esse conuenit, etiam si aliqui fortasse quietam vitam, atque à bellis remotam amplectantur, est autè istud Enchymema demostenicū: optabilius est splendidum bellum turpi pace.* Hæc illæ. Quodnam autem splendidius bellum, quam quod pro Ecclesiasticis iuribus, aut sacris Canonibus tuendis, & Christi patrimonio indemniferauando à Romano Pontifice geritur? Unde rectè sibi vsurpare potest verba illa zelo Chrysostomi digna in illud: Astitit Regina. Tomo 1. super Psal. 150. *Insidiæ istæ materiam mihi suppeditant coronarum; quæ mihi ingeruntur molestiæ, numerum augent premiorum, vnum est, & id solum quod metuo, nempe, peccatum: ne me quis coarguat, quasi aberrem à veritate, etiam si aduersum me bellum promoueat orbis vniuersus: bellum enim me reddit multo splendidior.* Hæc ibi. Audiamus etiam D. Bernardum in exhortatione ad milites cap. 30. de noua militia sic loquentem: *Secure dissipentur gentes, quæ bella volunt, & abscindantur, qui nos con- turbant, & disperdantur de ciuitate Domini omnes operantes iniquitatem, qui repositas in Hierosolimis Christiani populi inestimabiles diui-*

Enchymema
Demostenicus

D. Chrysost.

Psal.

D. Bernard.

diuitias tollere gestiunt, sancta polluere, & hereditate possidere . Exerat gladium vterque fidelium in ceruices inimicorum ad destruendam omnem altitudinem extollentem se aduersus scientiam Dei . Ecce Diuum Bernardum docentem, bello pacem esse acquirendam, quando aliter bene obtineri non potest; Expedit ergo Romanum Pontificem ad hunc finem gladium stringere contra contumaces, & inobedientes, ac sacram libertatem violantes. Scio posse dici D. Bernardum in prædicto loco agere de bello contra Barbaros; sed nihil refert nā certè cum homines Christiani barbaros mores induunt, dictis & factis Romani Pontificis temporalem potestatem, & Ecclesiæ libertatem labefactantes, eisdem belli poenis, quibus illi plectendi veniunt .

Obiectio pos.

Secundò ; quia si ipsum etiam impugnantium bonum respiciamus, quorum utilitati, & incremento spirituali consulere ad summum Pontificem spectat . Sanæ mentis nemo inficiabitur, contingere posse, bellum valde expediens esse, Nam vt rectè dixit Diuus Augustinus sermone de puero Centurionis, & refertur 23. q. 1. cap. paratus. *Agenda sunt multa, etiam cum inuitis quadam benigna*

D. Augustino.

*gna asperitate plectendis : quorum potius utilitati consulendum est, quam voluntati . Nam in corripiendo filium quātumlibet asperere , nunquam profecto paternus amor amittitur . fiat tamen quod nolit : & doleat : qui etiam inuitus dolore videtur sanandus , ac per hoc , si terrena ista respublica precepta Christiana custodiat , etiam ipsa bella sine benevolentia , non gerentur , sed ut ad pietatis Iustitiaeque societatem victis facilius consulatur : nam cui licentia iniquitatis eripitur , utilius vincitur : quoniam nihil est infelicius felicitate peccantium : qua poenalis nutritur impunitas : & mala voluntas velut interior hostis roboratur . Idem etiam D. August. prout refertur 23. q. 4. cap. displicet . Quāto (inquit) magis vos ab errore pernicioso in quo vobis inimici estis , trahendi estis , & perducendi ad veritatē , vel cognoscendam , vel eligendā , non solum , ut honorem salubriter habeatis , sed etiam ne nequissime pereatis . Et postea obijciens sibi hominibus dedisse Deum liberum arbitrium , atque adeo non esse ad bonum cogendos . Respondet non propterea mala suae voluntati impune , & crudeliter permit- tendos esse , sed ubi potestas datur , & à malo prohibendos , & ad bonum esse cogendos . Nam
si vo-*

D. Augustin.

si uoluntas mala semper suæ permittenda est libertati. Quare Israelitæ recusantes, & murmurantes, tam duris flagellis à malo prohibebantur, & ad terram promissionis compellebantur? Si uero uoluntas mala semper suæ permittenda est libertati, quare Paulus non est permissus uti pessima uoluntate, qua persequeretur Ecclesiam, sed prostratus est, ut cecaretur, cecatus est, ut mutaretur, mutatus est, ut mitteretur, missus est, ut qualia fecerat in errore, talia pro ueritate pateretur. Ac tandem (ut alia omittam) ait Si mala uoluntas semper suæ permittenda est libertati, quare corripuntur negligentes Pastores, & dicitur eis: Errantem non reuocastis, perditum non inquisistis, & vos oues Christi estis Characterem Dominicum portastis in sacramento quod accepistis, sed erratis, & peritis non ideo uobis displiceamus, quia reuocamus errantes, & querimus perditos: melius enim facimus uoluntatem Domini monentis, si uos ad ouile eius redire cogamus, quam consentiamus uoluntati errantium, ut perire uos permittamus. Hæc D. Augustinus. Quibus aperte ostendit quam expediens sit hoc bellum ad cogendos sacræ libertatis violatores ad bonum, ne si ad tempus suæ prauæ uoluntati relin-

D. Augustinus.

relinquantur, in æternum pereant .

Tertio expedit non nunquam bellum gerere, aduersus sacræ libertatis obstinatos, & incorrigibiles violatores, ne si Romanus Pontifex dissimulet, iniquæ eorum voluntati consentire videatur, nam vt recte dixit Damasus Papa, & refertur 23. q. 4. *Qui potest obuiare, & perturbare peruersos, & non facit, nihil est aliud, quam fauere impietati eorum, nec careret scrupulo societatis occultæ, qui manifesto facinori desinit obuiare.* Et

Damas. Pap.

D. Augustin.

D. Augustinus ad Lotharium; prout refertur 23. q. 5. *Qui vitij nutriendis parcat, ne contristet peccantium voluntatem, non tam est misericors, quam qui non vult cultrum rapere puero, ne audiat plorantem, & non timet ne vulneratum doleat, vel extinctum.*

De recta intentione Summi Pontificis in bello contra iura Ecclesiæ violantes.

Cap. I X.



INTER alias condiciones necessarias ad recta bella gerenda, altera est iuxta sententiam Diui Augustini in cap. *quid culpatur* 23. qu. 1. &

D. August.

D. Thom.

Diui Thomæ 2. 2. quæst. 40. art. 1. vt recta fiant

fiant intentione , alias illicita , & peccaminosa erunt. Vnde quoties bellum procedit ex odio , & non ex intuitu boni communis , vel recuperandi , quod ad ipsum mouentem bellum pertinent, vel iustæ vindictæ, aut alterius similis iustæ causæ prætextu, illicitū est , non quia contra iustitiam, quia potest subsistere iusta belli causa , sed contra Charitatem , vt rectè adnotauit Syluester verb. bellum 1. q. 1. vbi ait *unde bellare non licet ex odio, uel huiusmodi, sed propter iustitiam & charitatem, sed istud intellige requiri ad uitandam culpam; non autem ad licitè retinenda, quæ capiuntur in bello, quia iniqua intentio, non uariat rerum inæqualitatem, uel æqualitatem, ex quibus dependet ius retentionis, & restitutionis*. Hæc illæ, quæ omnia ex eo faciliè probantur, quod actio belli iusti ab intrinseco est bona , & honesta: licet aliàs ab extrinseco ratione prauæ intentionis vitietur, vnde sicut Iudex occidēs malefactorem, qui secundum leges suspendium meretur ; quamuis aliàs id faciat mala intentione, vt puta ex odio, aut priuata vindicta, talis occisio censetur iusta; licet alias peccaminosa ratione prauæ intentionis ; atq; adeò non fuit contra iustitiam, sed contra charitatem ; ita

Syluester.

in

in præfenti dicendum est , quod bellum ex iusta causa, mala tamen intentione indictum non lædit iura iustitiæ , bene tamen charitatis . Ratio tamen potissima , & à priori huius mihi videtur esse , quod medium iustitiæ est in re ipsa, & non pendet ex intentione operantis: Ergo sola prava intentio ex odio, vanagloria, vel appetitu dominandi orta, non potest reddere, bellum iniustum formaliter, licet alias reddat illud illicitum & peccaminosum , vt potè contra charitatem , aut humilitatem. Quamuis igitur, vt ad rem nostram proprius accedamus, soli Deo, qui scrutator est cordium, & cui omne cor patet, nota , ac perspicua fiat Summi Pontificis intentio in bello gerendo, eius tamen rectitudinem , ac sinceritatem tot externa inditia solent indicare , vt nulla eius legitima dubitandi ratio moraliter loquendo suboriri possit . Etenim cum Romanus Pontifex agat de conseruando Iure Sacræ libertatis, aperte efficitur intentionem eius in bello gerendo aduersus sacræ libertatis violatores, in eum scopum dirigi, vt firma semper , & illæsa perseueret Ecclesiæ Catholicæ Sacra libertas , Deinde cum opus sit ingentes sumptus facere, ad bellum gerendum, quis quæso crederet, quod

quod si Pontifices possent, nō illos vitassent nisi alias Dei gloriam, & publicam Ecclesiæ vtilitatem in cuius comparatione omnia, cum Diuo Paulo tanquam stercora arbitrātur, ante oculos piè, ac religiosè sibi proposuissent. Ac tandem quia quoties Sacri Pontifices bella mouent aduersus Sacræ libertatis violatores, prius eos hortantur ab eius violatione desistere, deinde spiritali excommunicationis gladio illos feriunt, & si ad huc rebelles persistant, legatos ad eos persuadendos mittūt, alijsq; innumeris remedijs vtuntur, quod apertè indicat semper Romanos Pontifices pacis amatores existere, atq; adeo ex amore pacis, pacem perturbantibus bellum indicere, ad quam acquirendam intentio Principis Christiani bellantis præcipuè dirigi debet iuxta textum in cap. *Noli S. pacem* 23. q. 1. Et textum in cap. *apud veros eadem causa*, & quæstione vnde Calderinus Conf. 1. de tregua, & pace. dixit: *bellamus vt absq; iniuria in pace viuamus*.

*De fiducia, immo, & morali certitudine
Victoriæ contra Sacra Libertatis Violato-
res, quam non temerè sibi polliceri potest
Romanus Pontifex. Caput. X.*



Llud sanè inter pleraq; alia Romano Pontifici obtinēdæ Victoriæ spem erigere eiusq; fiduciam, mirum in modum firmare, ac stabilire debet, quod dum pro sacra libertate tuenda constanter dimicat certè pium, sacrum, ac laudabile bellum gerit. Inueteratam autem Dei consuetudinem esse nouimus (si ita fas est loqui) bella pro Ecclesiæ custodia suscepta, aut iusta alia causa inita, non solum amore prosequi; sed, & præsentissimis auxilijs fovere, quod sanè non aliunde probare adnitar, quam ex sacrarum literarum testimonijs cōpendiosè in medium productis, ne sermonis prolixitate fastidij quicquam lectori ingerā præcipue ergo bella auxilio Domini per acta, quæ in Sacra Scriptura inserta sunt, eodem quo ab ea narrantur ordine contexemus. Scimus, (vt à magis notis exordiamur) qđ Amalech, orante Moyse, Iosue filius Nun superabat,

bat, & Seon regem Amorreorum, & Og regem Basan, proceræ altitudinis viros populus Israel interficiebat. Balach filium Sephor Regem Madian, cum Balaam illo præcipuo Astrologo, Phinees filius Eleasar cum exercitu occidit. Et quidam alter, vnum, & triginta Reges Chananitidis, multis conflictionibus prostravit. Gedeon filius Ioas in trecentis viris innumera Madianitarum milia, per tubas, & lucernas occidit. Iepte Galaadites populum de gentium potestate belli iure liberauit. Sampson ille fortissimus Hebræorum, leonem sibi occurrentem, nihil habenti in manibus, confregit. De cuius postea ore, & capite fauum mellis accepit, & comedit, trecentasq; vulpes capiens, igneq; succensas in Philistinorum segetes dimisit. De quibus ille mille viros impetu vno, asini mandibula solus interfecit: & vndiq; sedentibus circa ciuitatem, in qua dormitauerat, Philistæis, ambas portæ fores cum ostijs, & superliminaribus, & ferreis vectibus comprehendens, in verticem môtis, qui respicit Bersabeæ dereliquit. Tribum quoq; Benjamin propter commissum piaculum totam, exceptis sexcentis viris, omnes filij Israel populus post tria bella deleuit. Ionatas filius Saul

Num. 20.

Num. 22.

Num. 22.

Iosue 12.

Iud. 7.

Iud. 11.

Iud. 14.

Iud. 15.

Iud. 16.

Iud. 19.

1. Reg. 14.

F & ar-

- & armiger suus stationem Philistinorum percussit. Daudid filius Iesse adhuc puer, & pastor ouium, Vrsi, & Leonis interfecti prædam de ore eripuit. Goliath Philisteum de fundibula lapide prostravit. Qui postea patientiæ virtute Saul bis deprehenso inimico suo pepercit, Et Rex postmodum factus tribus grauiissimis prælijs prostrata Philistinorum agmina tributaria fecit, Daudid solus octingentos interfecit impetu vno. Abisai filius Saruix leuauit hastam suam contra trecentos & interfecit eos. Tres robustissimi ruperunt agmina Philistinorum, vt potum darent Regi Daudid de Cisterna Bethleem, quæ in medio hostium erat. Banaia filius Ioiade interfecit duos leones in Moab, & Leonem in Cisterna in diebus niuis. Ipse quoq; virgam tenens manu Aegiptium spectaculo dignum hastam habentem occidit. Bellum quoq; robustorum in Gabaam exercitui Daudid cessit improspere. Præter hæc maxima Regis Daudid aduersus in circuitu regiones bella prospere Dei auxilio fauente, seu per semetipsum, seu per exercitum sæpè peracta sunt. Bellum verò ciuile in Saltu Efraim in ipso Israel in testimonium Daudid restituit in regnum Samariæ regnum contra Syros, & reges
1. Reg. 17.
1. Reg. 24.
2. Reg. 5.
2. Reg. 23.
- ibidem.*
- ibidem.*
2. Reg. 26.
2. Reg. 8.
2. Reg. 18.

reges Damasci , nunc huc,nunc illuc alterno
 prouentu vergentia certamina multa fece-
 runt. Silentio etiam non præteribo Macha-
 bæorum bella, quibus toties diuinam opem
 ad superandos inimicos experti sunt. Secun-
 do enim Machabæorum cap. 10. Legimus è 2. Mach. 10.
 coelo viros quinq; in equis frœnis aureis
 decoros ducatum Iudæis præstitisse. Et cap. Ibidem c. 11.
 11. hæc sacra narrat historia. *Vt autem Ma-
 chabeus, & qui cum eo erant cognouerunt ex-
 pugnari præsidia, cum fletu, & lacrymis ro-
 gabant Dominum, & omnis turba simul, ut
 bonum Angelum mitteret ad salutem Israel,
 & ipse primus Machabeus, sumptis armis
 ceteros adhortatus est simul secum periculum
 subire, & ferre auxilium fratribus suis, cum-
 que pariter prompto animo procederent, Ie-
 rosolymis apparuit præcedens eos eques ve-
 ste candida, armis aureis, hastam uibrans,
 tunc omnes simul benedixerunt misericordem
 Dominum: Ibant igitur prompti, de coelo ha-
 bentes adiutorem, & miserantem super eos
 Dominum, Leonū autem more impetu irruen-
 tes in hostes prostrauerunt ex eis undecim mi-
 lia peditum, et equitum mille, et sexcentos.
 Hæc ibi. Quibus apertè impletum est illud
 Iudicum 4. De coelo dimicatum est contra Iud. 4.*

84 DE IVRE BELLI

eos, &c. Ad hæc quis breui narratione comprehendere poterit auxilia, quibus Deus Optimus Maximus Christianis opitulatus est? Constantinum Dei auxilio, & miraculis euidenter ostensis vicisse in bellis testatur Eusebius in vita Constantini, & lib. 9. Histor. cap. 9. cū Theodosio Imperatore sanctum Ioannem, & sanctum Philippum Apostolos palam pugnassee contra hostes ipsius, testatur Theodoretus lib. 5. histor. cap. 24. Pro Theodosio Iuniore Imperatore pugnassee Angelos contra Saracenos. Scribit Socrates lib. 7. cap. 18. Ad preces sancti Martini Angelos armatos accessisse refert Presbyter Fortunatus, lib. 1. cap. 16.

Theod. lib. 5.

Socr. lib. 7.

Presbyt. Fortunatus. lib. 1.

*Militiæ Angelicę coram duo protinus adsūt:
Syderei procures hastas, et scuta tenentes
Cominus hi sanctum compellunt uocibus ultro
Præsidij Martine tuis delabimur astris
Squalidus ipse sedes, sed fit tua cura tonanti
Suffragijsq; tuis coeli fremit arduus axis
Belliger, et totus conspirat olimpus in armis,
Vt cepta efficias, per nos tibi militat æther
Mittimur à Domino gemini tua castra regentes;
Hac pro parte duces melior, qua parte laborat*

Nunc

*Nunc age rumpe moras, ne rustica turba
rebellet*

*Arma ministra uides, nostrum est superare
superbos,*

*Irrue, ne trepides, ope nostra ad tēpla ruenda,
Nec titubare decet, fauor est ubi numinis alti*

De Clodoueo multa apud Gregoriū Tu- Greg. Turon.
ronicum lib. 2. Histor. Francor. cap. 30. Ho-

norij exercitum Diuino miraculo victoriam
incredibilem de Gothis retulisse, scribit Bea- D. Augustin.
tus Augustinus lib. 5. de Ciuitate Dei cap.

23. Ariulphum Ducē Sanctus Sabinus Mar-
tyr prope Spoletum suo Clipeo muniuit, &
in bello protexit. vt tradit Paulus Diacon. Paulus Diacon.

lib. 4. c. 12. Et Rober. Monach. lib. 6. & 7. de Robertus Mo-
nachus.

bello sacro. refert sæpe Sanctos Georgium,
Mauritium, & Demetrium visos sub nostris
castris militasse. Sanctus Georgius Arago- S. Georg.

nensibus in bello Ofsensi maximum Aga-
renorum exercitum prostrauit, vt narrat Car- Carbonellus.

bonellius lib. 1. Et in bello Valentino sæpe
nostris auxilium tulit Sanctus Iacobus Apo-
stolus Hispaniarum Patronus Renamiro Re-
gi Legionis, prope victo atq; prostrato eius
exercitu, in colle, qui Clailinus nominatur,
Hispanice *Clauiso*, apparuit, & victoriam
pollicitus est, quam postero die à Mauris ob-

F 3 tinuit,

Renamiri Re
gis.
Calixtus.
Vincentius
Beluacensis.

tinuit, vt constat ex Regio priuilegio eiusdem Renamiri. IX. Kalendis Iunij Era. DCCCCLXXII. Et refert Calixtus II. lib. de miraculis Beati Iacobi, & Vincentius Beluacensis lib. 27. speculi historial. cap. 31. Cum igitur summus Pontifex tanquam acerrimus sacræ libertatis vindex, pro eius indemnitate pugnet, quid ni Deum sibi propitium, ac protectorem non experietur, sane sibi dictum putare potest illud Psal. 120. *Dominus custodiat te, Dominus protectio tua super manum dexteram tuam*, quem locum elucidans Diuus Chrysostomus ait: *à metaphora eorum qui stant in acie stabit Dominus ad manum tuam dexteram, vt sis inexpugnabilis, vt gnauus ac strenuus, vt valens, & potens, vt tropheum erigas, vt referas victoriã.* Hæc ille. Quæ sanè ita indubitatè futura credebat, vt nō solū obtinendæ victoriæ fiduciam: verum, & omnimodam certitudinem in Pontificis animum inducere possent. Nam tametsi Dauid insignis Bellator dixerit: *varius est euentus belli*; quandoq; enim Prosper, & Faustus, quandoq; tristis, & funestus est exitus. In hoc tamen bello neutiquam Pontifex victoria fraudari potest: Nam in Christianis, & Religiosis certaminibus, quæ

visi

Psal. 120.

D. Chrysost.

Dauid 2. Reg.
ii.

visi sunt oculis insipientium mori, & victi, victoriæ palmam sine dubio reportant.

Nec enim Nero Petrum: Traianus Clementem, Decius Fabianum, Diocletianus Caium superauit, ac vicerunt sed ab his potius sacris Pontificibus, pro Catholica Religione, mortem occumbentibus, viriliter superati, ac gloriosè victi fuere. Et quamuis verum sit hos pro fide nō pugnasse, nemo tamē nisi hæreticus inficias ibit, Diuum Thomam Episcopum Cantuariensem; vt qui pro sola Ecclesiastica libertate tuenda mortem obierit vti victorem martyrij corona à Christo donatum fuisse: vnde rectè Gerardus Loperfius

Gerardus.

Catholicus Antagonista in aurea sua illa, propugnatione retundens temerariam cuiusdam insipientis sententiā falsò putantis Gregorium VII. ab Henrico fuisse deuictum, eo quod multa sibi illata mala ab eo perpessus fuisset. Sic ait: *Ita quidem libertas Ecclesiastica vindicatur cum vti Gregorius, summa constantia steterint Romani Pontifices aduersus persecutores Principes inconcussi, eligentes magis cum Gregorio exulare atq; exules mori, & potius quam turpiter prostituere, ipsam Ecclesiasticam libertatem vitam ipsam profundere consumando Martyrium. Quod*

Gregor. VII.

planè est vincere ducereq; triumphum: perdere verò, si cum dispendio Ecclesiasticae libertatis pax omni bello funestior acceptetur. Hæc ille. quæ omnia egregiè confirmat, quæ tradit D. Bernard. *Diuus Bernardus sermone exortatorio ad milites templi cap. 1. Vbi ait* *Quam gloriosi reuertuntur victores de prælio, quam beati moriuntur martyres in prælio: gaude fortis Athleta si viuis, & vincis in Domino, sed magis exulta, & gloriare, si moreris, & iungeris Domino: vita quidem fructuosa, & victoria gloriosa, sed utriq; mors sacra iure præponitur: nam, & si beati qui in Domino*

moriuntur, multo magis qui pro Domino moriuntur D. Bernard. ibi. *Et infra post quam dixerat mortem Iustorum esse prætiosam, subdit: Ceterum in bello tanto, profecto prætiosior; quanto gloriosior. Quibus consonant egregia verba Diui* D. Chrysost. *Chrysostomi homil. de expulsiōe ipsius tomo 5. quæ non immerito hac occasione sibi usurpare potest Romanus Pontifex aduersus illum impugnantes* *Impugnas me quid mihi nocebit impugnatio tua, nisi quia me quidem clariorem impugnationibus tuis reddes, tuas vero conteras vires? Durum enim tibi erit aduersus stimulum calcitrare: quia non stimulum retundens, sed pedes calcitrans vulne-*

*vulnerabis neq; fluctus qui saxo illiduntur
 amplius aliquid proficient, quam ut semetip-
 sos fracti dissoluant, & in spumas extenuati
 depereant: Christi Ecclesia Nihil fortius, si quis
 eam impugnare proponit vires atterat neces-
 se est, tale est enim velut si Cælo bellum medite-
 tur inferre: homini si bellum inferas fortasse
 vinces, aut forte vinceris; Ecclesiam vincere,
 nulla vis poterit. Hæc ille quibus addo ver-
 ba Atiliani Archiepiscopi Neocesariensis ad Atilianus
 Stephanum Papam VI. *Dei Catholica, &*
Apostolica Ecclesia semper præualet aduersus Card. Baron.
*eos qui illi bellum concitant. sic refert Illu-
 strissimus Baronius Tomo. X. Annalium An-
 no Christi octingentesimo octogesimo sex-
 to editione Romana pag. 611. 612. 613.**



DE

90
DE INIVSTITIA BELLI
ex parte Violatorum Sacrae Liber-
tatis contra Romanum
Pontificem.

LIBER SECVNDVS.

*De multiplici causa iniusti belli ex parte
Violatorum Sacrae Libertatis aduersus
Summum Pontificem.*
Caput I.

D. August.



Ta celebris, vera, & com-
pendiosa fuit sententia Di-
ui Augustini contra Mani-
cheos, cum iniustas belli
causas assignauit, vt opus
non sit, eas aliunde mutua-
re, quam ab hoc tanto Doctore. Ipse ergo
scribens contra hæresim Manicheorum, om-
nia bella indiscriminatim damnantem, pro-
ut refertur cap. quid culpatur 23. q. 1. ait:
*quid culpatur in bello? an quia moriuntur
quandoq; morituri, vt dominantur in pace
victuri? hoc reprehendisse timidorum est, non
reli-*

religiosorum , Nocendi cupiditas , ulciscendi crudelitas , impacatus, atq; implacabilis animus , feritas rebellandi , libido dominandi , & si qua similia, hæc sunt, quæ in bellis iure culpantur. Ad has Diui Augustini causas reuocari possunt quinque; quas refert Glosa in capite quid autem 23. q. 2. quas etiam tradit Petrus Bellinus de re militari tit. 4. Vbi ait quinque; modis bella iniusta fiunt. Ex persona, ut in Sacerdote (subintelligere sine licentia Pontificis Bellante.) Ex re pro qua non deceat. Ex causa, quia voluntaria non necessaria. Ex animo, & intentione, ut vindictæ, et ultionis gratia. Ex auctoritate, si ea desit. Quæ omnia prosequitur Baldus in conf. 439. ad bellum iustum lib. 5. & nos etiam pro uiribus prosequemur, quantum ad illustrandum præsens argumentum, opus fuerit. Ne autem in re adeo graui, quidquam meo Marte cõfingere videar: placet singula Doctorem testimonia referre, quæ iniustitiam belli ex parte violatorum sacræ libertatis apertè indicent, & quidem in primis Syluester verb. bellum 1. q. 2. quærens, an sit iustum bellum ex parte Imperatoris, quando illud gerit contra Papam illum corrigentem, Respondet his verbis dixit Panormit. in cap. sunt il 3. de Iure

Glosa.

Bellinus.

Bald.

Syluester.

Iureiurando, quod secundum eos, qui dicunt duarum Iurisdictionum, scilicet temporalis, et spiritualis, unam non subesse alteri, & quod nihil ad Ecclesiam de temporalibus, oportet fateri quod sit iustum, quod secundum Ioannem Andriam, & Hostiensem absit à fidelium cordibus, quia Imperator ex officio est aduocatus Ecclesiae: unde non debet eam impugnare, sed liberare oppressam, ut constat de natis ex li ventre capite vno: Immò tanta pertinacia secundum eos vix cauere posset labe haereticae prauitatis, iuxta notata in cap. excommunicam. de haeticis, & in tanta iniquitate, etiam si Papa in temporalibus esset inferior, fieret superior propter eius peccatum: tamen certum est, quod est superior, unde electum examinat approbat, & improbat, ut habetur capite per uenerabilem, de electione: unde concludunt tale bellum esse iniustum, & in hoc sensu teneri omnes fideles adherere Ecclesiae contra iniquum Principem, Et paulo post subdit bellum, non dicitur iustum eo ipso, quod Papa, vel Imperator illud mouet contra inferiorem, quia & ipsi possunt peccare 40. dist. cap. Si Papa, quia summi Principes à Deo habent potestatem pascendi, & rectè iudicandi subditos non autem delinquendi, seu opprimendi. 40. dist.

dist. cap. 10. Et consequenter oportet subesse legitimam, & naturalem causam, ut quia est contumax & rebellis. Hæc illæ. Cum ergo contingit Principem, aut rempublicam, bellum gerere, aduersus Pontificem illos corrigentem, contumaciamq; & rebellionem aduersus sacram libertatem excitatâ increpantem, apertè efficitur bellum ex parte ipsorum esse iniustum. Felicianus item in explicationibus Catholicis parte 2. explicatione 41. sic ait. Ex scripturis sanctis docemur, bellum iuste sumptum, non pro animi voluptate, siue auaritia, siue virium ostensione, sed iusta, exigente causa, & cum pacis tranquillitas alio modo haberi non potest, legitime exerceri dominantur profecto mali Principes, qui aut quo ditiores fiant, siue eorum ditiones, & regni terminos latius propagent, bella mouent, populos concitant, vectigalia, & onera imponunt, &c. Hæc illæ. Deinde Molina tractatu 2. de iustitia, & iure cap. 102. sic ait: Illud etiam est animaduertendum Principem in bello inferendo; non minus posse esse iniustum aduersus suam Rempubicam, quam aduersus alienam, cui illud inferre parat, eaq; de causa non solum esse illi attendendum, an habeat iustum belli causam aduersus alienam Rempubli-

Felicianus.

*blicam, sed etiam, an iniustus sit aduersus suam eiusmodi bellum mouendo. Etenim si prudentis arbitrio tale bellum futurum est in detrimentum maximum suæ reipublicæ, quia vires non habet ad superandum, vel quia cum modico suæ Reipublicæ boniq; communis emolumento subditos suos maximis periculis, et detrimentis exponet, redditus publicos in eo insumet, rempublicam nouis tributis, & exactionibus grauabit: sane culpa erit lata-
lis contra iustitiam aduersus suam rempublicam, eiusmodi bellum suscipere. Hæc illæ. Accedit ad hæc quod iuxta textum in capite vbi 84. dist. & in l. liberam. ff. de pecul. cum glos. priuilegium amittit, qui eo abutitur, igitur cum Princeps, vel Respublica volens gerere bellum contra Romanum Pontificem supremum caput Ecclesiæ, eo quod iura ecclesiasticæ libertatis illæsa seruare contendit, crimen læsæ maiestatis Pontificiæ incurrat: proculdubio amittit priuilegium potestatis, quo gaudet ad bellum authoritatiuè indicendum, & sic etiam hac ratione redditur bellum ex parte eius omnino iniustum propter defectum prædictæ potestatis, & auctoritatis, quæ est prima omnium conditionum requisitarum ad iustitiam belli. Item com-
munis*

munis est Theologorum sententia, quam sequitur Cardinalis Toletus in instructione sacerdotali lib. 1. cap. 13. quod excommunicatus, non potest exercere, actum iurisdictionis absq; peccato: imò & si excommunicatio publica sit, sententia ab eo lata est nulla, vt habetur capite *ad probandum* de sententia, & re iudicata: igitur eum Princeps bellum gerens fungatur munere Iudicis in alium, grauißima belli pœna eum afficiens. (Vnde bellum dicitur à Theologis supremus actus iustitiæ vindicatiue) manifestè efficitur, quod talis Principis publicè excommunicati sententia per indictionem belli aduersus alium Principem lata, nulla prorsus est, vtpote procedens ab eo qui, vel potestate indicendi bellum priuatus, vel ab vsu illius suspensus est. Ac tandem cum certum sit, non posse seclusa ignorantia dari bellum iustum ex vtraque parte, & supra lib. 1. per varia capita multis sacrae scripturae testimonijs, & non paucis rationibus ostenderimus bellum ex parte Summi Pontificis aduersus ecclesiae iura violantes, esse omnino iustū, consequens est ex eisdem probationibus, & argumentis, bellum idem ex parte violatorum sacrae libertatis iniustum esse.

Card. Toletus

Ref-

Referuntur multa ex quibus contingit bellum aliquod esse iniustum, facileq; ex eis iniustitia belli ex parte Violatorum Sacrae libertatis deprehenditur Caput. II.

Bernard. Roc.



Vædam huic argumento ita valde cōsona excogitauit Bernardinus Rocca lib. 1. de Regimine Militiæ, vt ea hoc loco referre non molestè tulerim : & quia Authorum testimonia, eo fidelius referimus , quo seruato proprio eorum idiomate in medium producuntur : Ideo quæ ab hoc authore, vulgari sermone scribente mutare decreui, vulgari eius sermone referemus ex varijs eius locis in vnum collecta: sic ergo ait in præcitato libro .

Nasce la ingiusta guerra dall'ambitione di non voler superiore, ne eguale; come quella di Pompeo contra Cesare, che gli mosse l'arme, & gli suscitò tutta la Città contra, & pure al fine morse in essa .

Nasce dall'opporfi a' superiori, come quella de gli Alessandrini, quando volendo Cesare, come Consolo de Roma intender la causa di Tolomeo, & della Sorella, che spettaua al Consolo

Consolo maggior Magistrato, opponendosi gli agenti di Tolomeo, si fece grossa guerra nella quale al fine Cesare rimase vincitore. Et volendo competere Frate Hieronimo Sauonaro- la contra Papa Alessandro, & predicando contra i suoi commandamenti; cosa poco Christiana; fu al fine fatto prigioniero, & condotto al supplicio doue vituperosamente se ne morì.

Guicciar. lib. 3.

Nasce da' stimoli & cattiuu consigli, come quella guerra di Antioco gouernato da Her- mia di Caria, & da altri cattiuu ministri: per- che fu messo in tante guerre, & tanti pericoli che poco vi mancò, che non vi rimanesse ro- minato. Gli stimoli di Archelao fuggito da Mi- tridate à Murano Luogotenente di Scilla Ro- mano, suscitauono anchor essi la seconda guer- ra contra Mitridate. Et non era mai Car- lo viij. per volger l'armi contra gli Aragone- si nel Regno di Napoli se non fussero stati gli stimoli, & i consigli de' suoi.

Pol. nel 5.

App. nel 4. delle eximie.

Guicciar. li. 3.

Nasce per cagione della libertà, come quel- la guerra di Spartago gladiatore, che con- giurò con gli altri contra i padroni, & susci- tò i serui, & altri sino al numero di settanta milia persone contra li Romani, & gli fecero guerra per tre anni; ancorche poi vi restasse-

App. nel 1. delle Ciuili.

G

ro tut-

Senio lib. 5.

ro tutti . Così fecero i Fiorentini , che per mantenerfi la libertà, scacciorno al tempo di Papa Clemente, tutti quelli, che erano della famiglia de Medici: per il che fu fatta gran guerra .

Guicciard. lib. 6.

ra . Il medemo fecero i Pisani contra i Fiorentini ; per cio che per la libertà loro presero l'armi contra i Fiorentini, & si ribellorno col fauor di Carlo Ottauo Re di Francia , dal che nacque sì lunga guerra fra di loro .

Cesare nel 3. delle Civile.

Nasce dalla ribellione, come quella de Fidenati : perche non volendo piu obedire à Romani come prima ; si ribellorno da essi: & per questa cagione fatta la guerra contra di loro , aspettando i Fidenati il tempo , che i Romani furono molestati da gli Albani, con l'occasione de saccheggiamenti .

Guicci. lib. 3.

Et come quella di Alessandro Magno, quando essendo per passar in Asia contra i Persiani , Ribellandosi à lui i Thebani; ritornò contro di loro, & combattendogli li vinse con ruina grandissima di quella Città . Hæc omnia si quispiam attentè perpendat facilè sanè deprehendet ex similibus causis ortū habiturum bellū, quodcunq; violatores sacræ libertatis aduersus summū Pont. excitauerint , huiusmodi enim causæ nō alię esse solent quā appetitus excellentiæ, ita inordinatus, vt Romanum Pontifi-

cem

cem directè, aut indirectè, sibi in temporali-
bus superiorem non agnoscant, contumax
quædam voluntas acriter resistens supremo
capiti Ecclesiæ, imprudentium hominum
consilia, quibus se, & totam suam gentem,
credunt, falsus defensionis Patriæ, & debitæ
libertatis prætextus, omnino execrandus,
ac tandem simulata quædam, imò manifesta
aduersus sacram libertatem rebellio, circa
quæ illud dixisse sufficiat, quod Diuus Chri- D. Chrysost.
stomus dixit homilia aduersus Gentiles,
quod Christus sit Deus, tomo 5. *Quod Regi-
bus maiores sint Petrus, & Paulus declarauit
euentus. Nam Regum leges etiam ipsis vi-
uentibus irritantur: at piscatorum illorum
etiam mortuis ipsis ratæ sunt, & immobiles
manent, licet multis legibus animaduersioni-
bus, armis, supplicijs, argutijs verborum, elo-
quentia, cognitionibus, amicitijs, demonibus,
consuetudinibus, malis moribus, voluptatibus,
& infinitis alijs refringere plurimi conati
sint.* Hæc illæ. Quibus, ea ad viuum depin-
xit arma, quibus Ecclesiæ iura violantes Ro-
mani Pontificis auctoritatem, ac sacram li-
bertatem acriter dilacerare moliuntur.

Etiam si contingat, quempiam esse dubium de Iniustitia belli ex parte sua, eo quod utrinque probabiles rationes, sese illi offerant; mortaliter tamen peccat, bellum gerens contra Romanum Pontificem, sacram libertatem defendentem. Caput III.



Ifficulter sanè credā, nisi Christiani hominis, mens caliginosis valde passionum nebulis implicata densissimisq; errorum tenebris obscurata, ac pe-

nitus obcecata sit: certò sibi persuadere posse iustum esse ex parte eius bellum, quod contra Romanum Pontificem sacram libertatem defendentem gerere nititur. Verum, tametsi demus (quod Deus auertat) eum in eam mentis caliginem incidere, vt saltem dubitet de prædicta iniustitia: grauissimè nihilominus eum peccare, dum hoc bellum gerit, communis Theologorum testatur sententia, quam multis rationibus corroborabo antequam tamen id præstem, duo præmittenda duxi: primum est, oportere Principem, ante quam gerat bellum; iustum ne, an iniustum sit diligenti inquisitione tam per se ipsum

Comm. Theol.

ipsum, quàm per viros doctos, odio, ira, & cupiditate carentes, strenuè indagare iuxta illud Iob. 29. *Et causam quam nesciebam diligentiſſimè inueſtigabam:* quod ſimiliter faciendum hortatur Diuus Gregorius ibidem lib. 19. moralium cap. 13. & ratio etiam id ſuadet: tum quia Princeps bellum gerens fungitur munere Iudicis. At Iudici incumbit diligentem cauſæ examinationem facere ad iuſtam ferendam ſententiam: ergo tenetur prædictam diligentiam adhibere in examinatione prædictæ cauſæ. Tum quia gerere bellum eſt res grauiffima, & plena periculis, & incommodis vtriuſq; partis: Ergo ad aggrediendum illam, opus erit ingenti ſapientium conſultatione. Quæ ratio magis adhuc vrget in rebus moralibus, in quibus plerumque non parum difficilè eſt verum, & iuſtum attingere. Ac tandem quia, vt optimè obſeruauit Magiſter Victoria relectione de iure belli, num. 20. & 21. non ſufficit ad iuſtitiam belli, quod princeps credat ſe habere iuſtam cauſam: aliàs ferè ſemper eſſet bellum iuſtum, cum frequenter apparentibus, quibuſdam rationibus, tametsi falſis, facilè ſibi quiſque iuſtum eſſe bellum perſuadeat: vnde rectè Comicus in Eunuchis dixit. Om-

Iob. 29.

D. Gregor.

Victoria

Turanio

nia, prius experiri consilio, quam armis sapientem decet. Secundum quod præmittere oportet est communem, & receptissimam Theologorum sententiam esse, quod si facta debita examinatione: adhuc causa belli dubia sit, & alter sit in possessione, non potest Princeps gerere bellum aduersus illum, ita victoria relectione, de iure belli, num. 27. illumq; sequuntur vnanimi consensu Interpretes D. Thomæ 2. 2. q. 40. art. 1. Et Molina de iustitia & iure, vbi sup.

D. Thoma.
Molina.

His præiactis fundamentis euidenter probari potest proposita assertio, Primo nam causa aliqua dubia existente, certè si Iudex proferat sententiam capitis contra aliquem lætaliter peccat, nam vt docet communis Iuristarum sententia probationes contra reum debent esse luce meridiana clariores. Reus enim habet se veluti qui respondet, qui dum probabilia dicit, non conuincitur, nec concluditur: at indicere bellum, est quasi proferre sententiam criminalem capitis: Ergo non potest id efficere Princeps, dum iudicat causam esse dubiam. Secundo, quia bellum gerere est actus iustitiæ vindicatiuæ (vt omnes Theologi fatentur) atq; adeò gerens illud habet se, vt Iudex: *at cum iura partium sunt.*

sunt dubia & obscura, reo potius fauendum est quam actori, vt habetur Reg. 11. de Regulis Iuris in 6. Ergo quantumuis Princeps iudicet causam dubiam, fauendum est possessori, quem constat esse Pontificem Romanum, qui est in possessione Ecclesiasticæ libertatis, quam quidā eius violatores infringere nitentes ab ea illum repellere contendunt, Maximè quod prout habetur ibidem reg. 65. *In pari causa melior est conditio possidentis*; Ergo quantumuis daremus æqualiter dubiam iustitiam belli, standum esset pro Pontifice, qui, vt nuper dicebam est in possessione prædictæ libertatis Ecclesiasticæ, vnde sicut si duo ciues inter se contēderent, certè in dubio æquali, Iudex non posset spoliare legitimum possessorem, quia in dubijs melior est conditio possidētis: Ergo nec Princeps in causa propria, potest tali dubio existēte, alterum Principem expoliare re, quam iustè possidet. Tertiò, quia commune est Theologorum, & Iuristarum axioma, non posse dari per se loquendo, & seclusa ignorantia bellum iustum ex vtraq; parte. Tum quia duo iura contraria, non possunt esse à parte rei iusta, qui autem contra se inuicem pugnant, intendunt iura contraria. Vnde, si-

cut in naturalibus simile, non agit in simile, nec æquale, in æquale; Ita in moralibus innocens, non potest iustè pugnare contra innocentem. Nam ille, contra quem iustum indicitur bellum, est dignus pœna; repugnat autem esse innocentem, & dignum pœna, nam cum virtus non sit contraria virtuti, nec innocens potest esse contrarius innocenti. Tum etiam, quia supposito (vt supra dictum est) bellum esse actum iustitiæ vindicatiuæ, manifestum est exerceri non posse in carentem crimine, cum nemo, nisi propter culpam puniendus sit pœna ex reg. 23. de reg. iuris, de quo videndus est D. Augustinus lib. 19. de Ciu. c. 15. vbi expressè docet nullum bellum esse per se sine peccato; quoniã licèt iustè agatur ex parte vnius, semper tamen est peccatū ex parte alterius dimicantis contra quem dimicatur, & prius etiã lib. 15. de Ciuit. cap. 5. dixerat, quod boni si perfecti sunt, non pugnant contra bonos; sed pugnant mali, & mali; aut boni, & mali. Cum igitur bellū non possit esse per se iustū ex vtraq; parte seclusa ignorantia, manifestè efficitur, re existente dubia, & Pontifice in possessione suæ ecclesiasticæ libertatis, non posse illum ab aliquo iustè impugnari; Nam si ipse iustè im-

pugnat,

D. Augustin.

pugnat, cum alias etiam Pontifex, qui iuste possidet, iuste se defendat ab impugnante Ecclesiasticam libertatem: esset quidem bellum iustum ex utraque parte seclusa ignorantia, quod omnino repugnat. Ultimo tandem, quia si existente re dubia Princeps posset pugnare iuste contra possidentem: certe possidens, pari ratione posset rem illam iuste ab eodem recuperare, & sic nunquam esset finis bellorum; quod in maximam perniciem, & detrimentum Reipublicæ redundaret, Ex quibus omnibus infero peccare mortaliter Milites, siue subditos, siue alienigenas, qui certiores facti, quod hic princeps sit dubius de iustitia belli, illum iuuauerint, Ratio huius est, quia ut probatum est tale bellum ex parte principis est iniustum: ergo cooperantes ad illud peccant mortaliter, non secus, ac licitor exequens sententiam Iudicis quàm clare agnoscit esse iniustam propter defectum examinationis causæ.

Con-

*Contra probatam sententiam nonnullæ pro-
ponuntur obiectiones quibus omnibus
fit satis. Cap. IV.*



VO præcipuè aduersus hanc doctrinam, video obijci posse. Primum est, quod quando Princeps dubitat de Iustitia causæ circa rem, quam actu possidet, potest non obstante tali dubio, licitè ab Inuasore illam defendere: ergo eodem prorsus modo dicendum est de bello aggressiuo, quod stante dubio: an hoc, vel illud ius, quod non possidet pertineat ad ipsum, licitè poterit gerere bellum, & vrgeo magis hanc rationem in hunc modum. Nam Iudex licitè potest damnare innocentem probatum nocentem, cum enim opiniones sint probabiles de hoc inter Doctores, quibusdam negantibus ad licitè fieri posse, quibusdam verò affirmantibus ad licere: licitè potest Iudex sequi partem, quam maluerit; ergo cum Princeps dubitat de iustitia causæ, seu de iustitia belli, eo quod videt varias opiniones in vtranq; partem, licitè poterit mouere bellum, aut indictum ab alio

alio acceptare . Respondeo ad hanc obie-
 ctionem, supponendo duplex esse dubium,
 alterum speculatiuum, vt quando dubito: an
 hæc res sit mea; alterum practicum , vt cum
 dubito : an hoc sit licitum . Dico ergo quod
 tunc ex dubio speculatiuo consequitur du-
 bium practicum, quando quis non habet ius
 pro se quo certificetur ad operandum, secus
 est quando habet ius certum pro se: exem-
 plo res fiet manifestior . Si quis dubitat: an
 res quam possidet sit sua: certè, quia tunc ha-
 bet ius pro se certum , quia in dubijs melior
 est conditio possidentis: ideo tunc, non oportet
 quod ex dubio speculatiuo sequatur in
 illo, dubium hoc practicum: an, scilicet, licitè
 illam possideat, sed potest cum eo dubio spe-
 culatiuo, certo scire , quod illam licitè possi-
 deat: quādo autem dubitat, an res quam non
 possidet sit sua : tunc quamuis habeat ius
 pro se ad mouendam litem, vt sciatur ad quē
 res illa pertineat , non tamen habet ius ad il-
 lam capiendam , nec Iudex in tali dubio po-
 test illam sibi dare, & ideo ex dubio specula-
 tiuo censetur sequi dubium practicum: an,
 scilicet liceat illam accipere, quare ad argu-
 mentum neganda est consequentia , propter
 dictam disparitatem rationis. Ad exemplum
 autem

autem de iudice, Respondeo; quod tamen si verum sit licitum esse illi, sequi opinionem probabilem; tamen quando Princeps dubitat de iustitia belli, nulla potest esse opinio probabilis, quod tunc liceat mouere bellum aggressiuum contra possessorem; quia dato tunc esse posse opinionem probabilem speculatiuam, quod scilicet ea res de qua dubitatur pertineat ad ipsum Principem: practica, tamen nulla potest esse probabilis, unde sicut quando innocens, non sufficienter probatur nocens, in ordine ad iustitiam publicam, nulla potest esse opinio probabilis practica, quod liceat illum occidere, & ideo si tunc Iudex illum occidat peccat, & sententia continet intolerabilem errorem, ita etiam quousque constet Principi, hostem esse reum (quod tamen constare non potest supposito, quod perseveret prædictum dubium) nulla potest esse opinio probabilis practica, quod liceat bellare contra illum, & ideo si bellaue-rit mortaliter peccat.

Secundum, quod video obijci posse aduersus præpositam assertionem est. Quod in casu dubij licitum est mouere litem in iudicio contra possessorem; Ergo etiam existente prædicto dubio de iustitia belli poterit Prin-

Princeps sic dubius bellum mouere contra possessorem: antecedens à nemine negatur, & consequentiam probo, quia sicut inter subditos mouetur lis, vt quilibet suum ius accipiat coram iudice; sic etiam inter Principes bellū geritur, vt vnusquisq; supposito, quod non habeat superiorem in ordine principum secularium per se ipsum accipiat ius suum. Respondeo, quod lis ad duo tendit. Primum, vt iuridicè examinetur causa. Secundum, vt iustitia cognita executioni mandetur, & ideo in dubio potest moueri lis propter primum, scilicet ad examinandum causam, bellum autem potius est executiuum iustitiæ, quam examinatiuum, & ideo supponit certam iustitiæ cognitionem, nec satis est dubia: unde sicut ex communi iuristarum sententia diximus, quod in causis criminalibus, probationes debēt esse luce clariores, ita & in bello. Quod si quispiam dicat hanc vltimam rationem retorqueri posse contra Pontificē, Nam cum hic agatur de crimine Violatorum sacræ libertatis: certè ad eos damnandos, & maximè mediante bello, quod est grauissima poena oporteret luce ipsa clariores esse probationes ostendentes iniustitiam eorum, quod secus accidit cum plerumq; contingat

non

110 DE IVRE BELLI

non paucos, Theologos, & Iurisperitos varijs iuribus, & rationibus eorum iustitiam defendere. Respondeo me sequenti capite huic obiectioni commodius satisfacturum ad eum locum remitto lectorem.

Omnes Milites, siue certi, siue incerti, & dubij sint de Iniustitia Belli ex parte Violatorum sacre libertatis, non possunt licite bellare in fauorem eorum contra Romanum Pontificem, sacram libertatem defendentem. Caput V.



Gom. Theol.

VI huius belli circumstantias attentè nō considerauerit maturèq; easdem perspexerit, facile sibi persuadebit falsam esse propositam assertionem

cum communis Theologorum sententia doceat, milites subditos alicui Principi, vel certis stipendijs ei addictos, licitè bellare posse in eius auxilium, quamuis dubitent de iustitia, vel iniustitia belli, ita docent interpretes D. Thomæ 2. 2. q. 40. art. 1. Vbi Magister Bannes dubio 6. Victoria relectione 6. de iure belli dub. 3. prop. 5. Driedo 2. de libert. Christiana cap. 6. Gabriel in 4. dist. 15. qu. 4.

D. Thom.

Bannes.
Victoria.
Driedo.
Gabriel.

Maior

Maiores ibidem q. 20. Caietan. & Angelus
 verbo bellum, & Molina, de Iustitia, & Iure
 tractatu 2. disputatione 113. Qui omnes id
 probant.

Maiores.
 Caietan.
 Angelus.
 Molina.

Primo quia id expressè docuit Divus Au-
 gustinus contra Faustum cap. 75. & refer-
 tur in capite *quid culpatur* 23. quæst. 1. ubi
 ait. *Vir Iustus, si forte sub Rege homine, etiam
 sacrilego militet, rectè potest illo iubente bel-
 lare, si quod sibi iubetur, vel non esse contra
 Dei præceptum certum est, vel utrum sit, cer-
 tum non est, ita ut fortasse reum faciat Regem
 iniquitas imperandi, innocentem autem mi-
 litem ostendat ordo serviendi.*

D. Augustin.
 Faustum.

Secundò quia, ut docet Clemens iij. in
 cap. ad *audientiam* extra de homicidio in
 dubijs tutior pars, est eligenda, in prædicto
 autem dubio tutius est, ut milites sequantur
 ius sui Principis, cui sunt subiecti vel cuius
 stipendijs gaudent.

Clemens iij.

Tertio, quia in casu, quo vxor dubia est,
 an iste sit eius maritus, potest & tenetur, non
 obstante tali dubio reddere illi debitum,
 quousq; clarè constet de veritate, ut habetur
 cap. *Inquisitionis* extra de sententia excom-
 municationis, & cap. Dominus, extra de se-
 cundis nuptijs: Ergo etiam Miles dubitans
 de

de iustitia sui Principis , poterit illo iubente in fauorem eius bellare.

Quarto, quia nec pertinet ad milites examinare causas iusti belli, sed ad Principes, & consiliarios eius , nec possibile est moraliter loquendo , quod omnibus reddi posset ratio de iustitia belli, aut quod omnes conuenirent ad examinationem eius ; vnde sicut lictor potest exequi sententiam iudicis, quamuis alias dubitet de iustitia illius: quia non pertinet ad eum illam examinare . Ita & milites dubitantes de iustitia belli, licitè pugnare poterunt : cum tunc reuera se habeant, tanquàm executores sententiæ Principis.

Quinto, quia quotiescunq; subditus præcipitur facere aliquid, in cuius exercitio , se habet, vt instrumētalis causa, in ordine ad effectum principalis agentis: tenetur obedire etiamsi dubius sit : an prælatus iustè præcipiat, hæc enim est differentia inter causam principalem , & instrumentalem, iuxta communem Thomistarum sententiam, quod causa principalis agit per propriam formam instrumētalis verò minimè, sed agit mota à virtute causæ principalis ; sic ergo in moralibus causa principalis debet agere per proprium consiliū, & deliberationē instrumētalis verò
per

per consilium, & deliberationem eius, à quo mouetur. Ergo cum milites moraliter loquendo, se habeant in bello tanquam instrumenta sui Principis, non spectabit ad illos consultatio, & deliberatio iuxta mentem eorum; sed iuxta mentem Principis.

Sexto, quia existente apud milites prædicto dubio de iustitia belli, duo instant pericula, Alterum nocendi proprio Principi, non, adiuuando illum in bello, alterum nocendi extraneo pugnando contra illum; sed constat clarè magis teneri militem ad vitandum periculum Principis proprii, quam extranei: Ergo licitè poterit bellare, non obstante prædicto dubio de iustitia belli.

Hæc sunt quibus præfata communis sententia fulcitur, & nostra assertio infirmari videtur. Verum illa non obstante, cui nos non dissentimus, cum cæteris paribus, illa sit vera, in nostro autem casu, non sunt cætera paria, ut ex his, quæ statim subijciam, manifestè constabit. Ut tamen perspicuitati consulam, & res planior fiat, existimo dicendum, quod, cum milites sint in duplici differentia iuxta supradicta, alij extranei, alij subditi, certè si sermo sit de militibus extraneis, omnes tene-

mur fateri cum communi Theologorum sen-
H **tentia,**

tentia, quod dubitantes de iustitia belli non possunt licitè favere pugnantibus aduersus Romanum Pontificem, ita docent Magister Bannes 2.2.q.40.art.1.dub.6.conclus.2.Syluester verb.bellum 1. q. 9.conclus.5. & Caietanus ibidem Driedo 2. de libertate Christiana cap.6. Gabriel in 4. dist.15.q.4.art.2.conclus.4. Maior.ibidem.q.20.conclus.4. & Doctores communiter, quos refert, & sequitur Molina de iustitia, & iure tract. 2. disputatione 114. Et probatur.

Primo, quia illi non habent iustam excusationem bellandi, cum iure obedientiæ ad id non teneantur; sunt enim milites extranei, & non subditi, vnde cum ex vna parte ei non obediendo nullam illi irrogent iniuriam, atq; adeò ex hac parte nullum sit periculum, ex alia autem parte exponant se euidenti periculo faciendi alijs iniuriam, si ei obediunt, ergo non possunt licitè militari.

Secundo, quia isti milites sunt liberi, & possunt non pugnare, & pugnando exponunt se periculo faciendi iniuriam alteri Principi non pugnando vero, nulli periculo se exponunt: ergo non possunt licitè se ingerere tali bello: Maximè quod, vt habetur de regulis iuris in 6. reg. 19. *non est sine culpa qui rei*

quæ

Bannes.
Syluester.
Caietanus.
Driedo.
Gabriel.
Maior.
Comm. Doct.
Molina.

que ad eum non pertinet se iniicitur .

Tertiò, quia isti non subditi, licetè possunt adiuuare alium Regem, qui se defendit; ergo non licet adiuuare aggressorem: patet consequentia: quia aliàs iam daretur bellum iustū ex vtraq; parte.

Quartò, nam vxor, dum dubitat de morte prioris viri, non potest tuta conscientia secundum matrimonium contrahere, quia in non contrahendo nullum est periculum, in contrahendo verò est periculum iniuriæ primi viri, & nullitatis secundi sacramenti; ergo similiter miles non potest adhærere vni principi, quando est periculum inferendi iniuriam alteri, maximè, quod in dubijs tutior pars est eligenda, tutius autem est non adhærere, quàm adhærere, vt ex supradictis patet.

Scio aduersus hanc doctrinam ingens rationum agmen insurgere posse; Nam potest obijci primo, quod milites non subditi quando vocantur ad bellum, non tenentur examinare causam iustitiæ, cum nec possint omnes ad consilium vocari, nec omnibus reddenda sit, iustitiæ illius ratio: immò, nec omnibus reddi possit: vnde consuetudo habet, quod cum isti vocantur ad bellum non examinant iustitiam eius, sed examinata

supponunt à vocante, illos: Igitur possunt prædicti milites, etiam in dubio deponere Iudicium, & adire bellum: patet consequentia, quia si in dubio militare non possunt, manifestè efficitur, esse illis necessariam certam cognitionem iustitiæ, & consequenter examen iustitiæ ad illam consequendam.

Secundò argumentatur. Nam isti militando non videntur sequi, minus tutam partem; sed æquè tutam. nam sicut est dubium, an faciant actum iniustitiæ, ita etiam an faciant, actum iustitiæ, & si militando possunt materialiter damnificare partem contrariam, ita etiam possunt tueri ius Principis vocantis illos ad bellum, si fortè pro illo est iustitia, & si non militent potest ea ratione Princeps amittere ius suum, & præterea ipsis militibus conuenit militare, nam ex ipso stipendio viuunt: ergo possunt ipsi eligere, quam partem maluerint.

Tertio, Nam ex opposito sequitur, quod milites subditi, non possint adire bellum dubium, nisi quando sub præcepto vocantur ad bellum, itaq; nullus ex libera voluntate possit adire: consequens est falsum, & contra communem vsum, & præterea contra utilitatem communem, quia ferè redderetur bellum

lum impossibile; Ergo Sequela probatur, quia iuxta hanc sententiam illos tantum excusat obediētia, & ius, quod Princeps habet super illos. Item quia eadem ratione tutiorem partem eligerent non militando, quia scilicet non se exponerent periculo faciendi iniuriam alicui.

Quarto, quia sequitur, quod milites antea stipendiati, non possint militare in bello dubio; primum, quia incipiente illo bello dubio, huiusmodi milites tenebuntur cessare à ratione stipendij, & deferere militiam, sicut si esset bellum iniustum, nam sicut alter non stipendiatus, non tenetur obedire, & acceptare stipendium, Ita etiam iste non tenetur continuare stipendium, quia eiusdem sunt rationis, & etiam est liber in huiusmodi continuatione: Dices quod per stipendium prius acceptum se obligavit ad militandum toto hoc tempore; quia se obligavit ad militandum tempore belli, & ut ad id parati sint stipendiantur. Sed contra, nam miles solum potuit se obligare ad id, quod iuste facere potest: sed miles non subditus, non potest iuste militare in casu dubij; ergo non potuit se ad hoc obligare per stipendium prius acceptum, sicut non potuit se obligare ad militandum.

in bello clarè iniusto . Nam secundum hanc sententiam respectu militis non subditi, idem est bellum iniustum, & dubium, sicut idem est, quantum ad speciem peccati, peccare, & exponere se periculo peccandi .

Quinto, quia in bello dubio, licitum est extraneis, vt omnes fatentur vendere Principi arma, & alia necessaria ad bellum. Ergo etiam licèt eisdem militare; nam sicut hoc secundum est cooperari ad bellum, ita & primum . Dices esse disparem rationem, quod militare est immediatè inferre damnum hostibus: vendere autem arma per se non est damnificare alium . Quod si postea sequitur damnum, hoc prouenit ex usu aliorum, sed contra est, quia hoc est valde metaphysicum, moraliter enim hic, & nunc magis fortasse, vel tantum cooperatur, qui dat arma, quam qui militat, & ideo certum est, non licere vendere arma militanti cum clara iniustitia .

Ac rādem sexto, tum quod militibus non subditis, licèt hortari subditos, vt iuuent suū Principem . Ergo etiam licebit eisdem illum iuuare. Tum quod quando causa litis est dubia licitum est Aduocatis defendere vtrāque partem, ergo etiam in bello dubio licebit

bit non subditis iuuare vtramq; partem.

Verum hæc omnia, neq; infirmant nostram assertionem, neq; ei aliquid obstant. Non primum, quia licet prædicti milites vocandi non sint ad consilium Principis, neque omnibus illis reddi possit ratio de iustitia belli, ipsi tamen ex obligatione iustitiæ, ne contrarius nocentem pugnent tenentur à sapientibus inquirere de certitudine iustitiæ ex parte principis à quo vocantur. Non secundum quia licet fortè re ipsa iustam partem tuendam accipiant, ad id tamen nullo iure stringebantur, tenebantur tamen non damnificare partem cōtrariam, & huius damnificationis periculo se exponunt, quia fortè iustitia tenet se ex parte Principis aduersarij. Non tertium, quia non solum subditos excusat obedientiæ præceptum, sed subiectio, & seruitus habitualis, quam habent ad suum Principem, licet aliàs sub præcepto non vocentur ab eo. Non quartum, quia benè respondetur ibi, nec replica quidquam colligit, quia Milites antea stipendiari per stipendium sūt subditi, & ratione talis stipendij possunt se obligare ad obediendum in his omnibus, in quibus proprij subditi iustè possunt obedire. Nō quantum propter disparitatem rationis,

quia actus ostendendi arma prædicto Principi per accidens, & non ex intentione dam-
 nificat Principem contrarium: nec ad ven-
 dentem arma, pertinet inquirere de iustitia
 Principis, e mentis illa, actus autem militandi
 contra Principem contrarium, directè tendit
 ad damnificandum illum, quod tamen ipse
 vitare tenebatur, & certior fieri de iustitia
 Principis vocantis illum. Non tandem sex-
 tum, quia multa licet hortari, quæ non licet
 hortanti facere, cuius penè infinita sunt
 exempla in materia morali. Ad illud etiam
 de Aduocatis dicendum est, quod quando
 est causa dubia, illud medium est ordinatum,
 vt manifestetur, ad quem pertineat hæredi-
 tas: tamen iuuare in bello dubio, quando bel-
 lum est aggressiuum (de hoc enim agimus)
 non est medium, vt ille, qui habet ius, possit
 consequi rem suam, quia anceps est, & va-
 rius euentus belli, quare tunc stante præ-
 dicto dubio, solum licet iuuare possessorem:
 ex quo apertè efficitur, milites extraneos vr-
 gente apud eos prædicto dubio, solum posse
 iuuare Pontificem, non aduersarios eius, quia
 ipse est in possessione libertatis Ecclesiasti-
 cæ, quàm defendit: ipsi tamen non sunt in
 possessione eorum, quæ prætendunt habere
 contra

contra sacram libertatem ; prout latè ostendimus in libris nouem pro sacra libertate tuenda, vnde rectè Petrus Bellinus, de remilitari 2. part. tit. 2. n. 4. loquens de prædictis militibus extraneis ; & alienigenis ait. *Caveant igitur voluntarij milites, cuiusmodi maxima pars est hodie, ne se ponant in discrimine, non tam propter periculum amissionis actionis, quod hodie non est in usu, quam propter periculum animæ, cum non liceat, (ut dixi) seruire in bello iniusto ; utanturq; potius consilio Alciat. in l. neminem Cod. de sacro. eccle. dum hortatur, ut infructuosam deserant militiam ; potius quam furari, & Deo displicere, quod utinam ne prædicemus surdis ;* Hæc illæ . Atq; hæc de militibus extraneis . Si autem loquamur de subditis, sibi dicendum etiam esse reor lethaliter peccare iuando pugnantes in bello contra Pontificem, quia tamen si verum sit per se loquendo licere subditis iuare suum Principem, quavis apud eos dubia sit iustitia belli (prout communiter tradunt Theologi in principio huius capitis supra relati ;) Tamē hic, & nūc tres circumstantiæ concurrunt, quæ omnino impediunt ad licitè fieri posse . Prima circumstantia est, quia bellum hoc est contra-

sum-

Petrus Bellinus.

Alciatus.

summum Pontificem defendentem iura Ecclesie: nec aliud intendentem, quam defensionem & conseruationem sacre libertatis, & Patrimonij Christi Domini. Tale autem bellum contra Pontificem iniustum est absq; dubio, vt tradit Syluester verb. bellum 1. q. 4.

Syluester.

vbi ait: Si Imperator contra Ecclesiam mouerit bellum, subditi eius non tenentur obedire bellando contra illam, vt dictum est: imò indicendo contra eam bellum, meretur perdere priuilegium indicendi, cum eo abutatur, vt constat ex 21. q. 3. cap. priuilegium, & docet

Ioan. de Lig.

Ioannes de Lignano tractatu de bello, si verò Papa mouet contra Imperatorem schismaticum, Hereticum, vel alias usurpantem iura Ecclesiarum: omnes fideles tenentur Papam iuuare, & Vassalli Imperatoris absolui possunt à iuramento, quo tenentur, vel declarari non teneri, vt constat ex 15. q. 6. cap. nos sanctorum, & cap. iuratos 28. q. 6. quod idem

Ioan. de Lig.

docet Ioannes de Lignano ab eodem Syluestro relatus, qui addit: Tu pondera, quia idem tenet Dominus Abbas in capite sicut. Et infra de iureiurando in 6. collatione, & vide textum in capite venerabilem de elect. & in cap. pro human. de homicid. vide etiam Doctores in cap. ex gestis de Clericis non residentibus,

Doctores.

-mou

& fa-

& facit hodie, quod habetur in extrauaganti
Bonifacij, quæ incipit. Vnam sanctam.

Entr. Bonif.

Secunda circumstantia est, quia commu-
nis est Iuristarū sententia asserentium, quod
bellante inferiore contra superiorem, subdi-
ti inferiores tenentur iuuare superiorem exi-
stente dubia iustitia belli: ita tradit, & probat
Franciscus Arias de bello n. 188. vbi sic ait

Arias.

*Concurrentibus mandatis talis Domini, & ip-
sus Regis, cuius sunt generalis Iurisdictionis
ad diuersa secundum eundem Ioannem de
Lignano tenentur iuuare Regem; quia maius
tribunal, ad quod sunt vocati, est præferendum
ex cap. si Episcopus 18. distinctione, & quia
vocati sunt à Rege pro Coronæ defensione, &
sic bono communi unde Iure gentium obediendum
est ex dicto capite fortitudo.* Idem docet

Mar. Lauden.

Mar. Lauden. tractatu de bello q. 40. quæ
incipit, si Baro. vbi dicit, quod non excusat
vassallum pæceptum Domini sui, vt latè ibi
probat, subscribunt Speculator tit. de feud.

Speculator.

S. quoniam vers. 14. quæritur, & Petrus Bel-
linus de re militari par. 2. tit. 3. n. 11. Quic-
quid dicat Iacobus à Sancto Georgio ab eo-
dem relatus. Cum igitur Summus Pontifex
sit superior omnibus principibus, non solum
directè in spiritualibus, sed etiam, vt aiunt

Petrus Bellin.

Iacobus à San-
cto Georgio.

in tem-

intemporalibus quantum opus fuerit ad dirigendos illos in finem supernaturalem, vt omnes Doctores Catholici fatentur, manifestè efficitur, quod vocante Pontifice milites in suum auxilium, & maximè pro Iuribus Ecclesiæ Catholicæ tuendis, ipsi tenentur ei obedire, & nullo modo suo Principi. Tertia circumstantia: quia quamuis Theologi præcitati communiter doceant contra Adrianum quodlib. 2. licitum esse subditis dubitantibus de Iustitia belli iuuare suum Principem, omnes tamen vnanimi consensu dicunt, quod tales coniecturæ, taliaq; argumenta possunt esse pro iniustitia belli, vt prædictum dubium non excuset subditos à peccato, vt potè ortum ex ignorantia crassa, & vincibili: vnde Magister Bannes. 2. 2. q. 40. art. 1. dub. 6. in principio ait: *certissimum etiam est, quod si causa belli sit manifestè iniusta nullus miles, etiam cōductus, potest regem iuuare in tali bello: nam licetor non potest exequi sententiam Iudicis manifestè iniustam.* hæc ille. At constat manifestissimè causam Violatorū Sacræ libertatis, esse iniustissimā, cum pugnēt vel pro conseruandis legibus à se conditis, vel pro alijs iniquis iuribus, Sacram Ecclesiæ libertatem mirum in modum labefactantibus

Mag. Bannes.

tibus ; Ergo si militibus quoquo modo dubium suboriatur, de Iustitia belli sui ex parte sui Principis, id erit ex ignorantia valde crassa . Nam, vt minimum hoc omnes percipiunt Summum Pontificem, & Senatum, Cardinalium, & grauissimos Theologos, & Iurisperitos damnare leges, statuta, & quæcunq; alia præsumpta Iura, quæ Ecclesiasticâ libertatem lædunt, tãquam cum Iure naturali Diuino, & Canonico pugnantia, quod si contingat quædam Theologos, & nonnullos Iurisperitos in contrariam sententiã ferri Balaam mercede corrupti, nihil prorsus refert, cum nemo sanæ mentis sit, qui non agnoscat, in controuersijs concernentibus conscientiam animæ, præferendam esse sententiam Summi Pontificis, & Senatus Cardinalium, sententiæ cuiuscunq; Principis, aut cuiuslibet alterius communis . Quæ omnia non parum illustrent optima verba Molinæ de Iustitia, & Iure tractatu 2. dispositione 113. Vbi ait *Quando eiusmodi adessent inditia, & rumores, de iniustitia belli, hac ipsa suadente subditos non debere, se committere Principis diffinitioni, deberent aliunde inquirere, & præscrutari rem, prout quisq; commodè posset, alioquin ignorantia esset quasi af-*

Molina.

fi affectata nolentes intelligere, ut bene agerent, quæ sanè, nec à culpa, nec à restituendi onere excusaret; aliàs qui ad Iudeorum, & Pilati Imperium Christum comprehenderunt iniurijs affecerunt, ac crucifixerunt, excusarentur à culpa, quod nulla ratione est dicendū. Deniq; aliam circumstantiam ad supradicta addere possumus ex Papa Urbano II. ad Godfredum Lucanum Episcopum, quia bellum contra excommunicatos iustè geritur ab Ecclesia atq; adeò iniustè ab illis contra Ecclesiam, ut habetur 23. q. 5. cap. excommunicatorum Vbi Pontifex ait Excommunicatorum interfectoribus, prout in ordine Ecclesie Romanae didicisti modum congruè satisfactionis iniunge; non enim eos homicidas arbitramur, quos aduersus excommunicatos zelo Catholice Matris Ecclesie ardentes aliquos eorum trucidasse contigerit &c.

Papa Urbanus II.

Quid

Quid intersit inter Bellum Violatorum Sacrae libertatis contra Pontificem, & Bellum Pontificis contra eosdem, Testimonijs Sacrae Scripturae, & Diui Augustini palam fit. Cap. VI.



QUOD in primo libro de iustitia belli ex parte Sūmi Pontificis contra Ecclesiae iura violantes, & in secundo de Iustitia ex parte eorum contra Pontificem copiose disputauerim; facile inde colligi posse arbitror, quod inter vtrunq; bellum intersit, cum illud pium, hoc impium, illud sacrum, hoc sacrilegum, illud laudabile, hoc detestabile, illud mirifice commendandum, hoc valde execrandum multipliciter ostenderim, nihilosecius: tamen quia res (adhibitis exemplis) manifestior fiet; placet quibusdam sacrae scripturae, & Diui Augustini testimonijs, eam illustrare. Ipse ergo scribens ad Bonifacium Comitem sic ait: *Si Ecclesia vera est, ipsa est quae persecutionem patitur, non quae facit. quaratur ab Apostolo, quam Ecclesiam significabat Sacra, quando persecutionem faciebat Ancille* libe.

D. Augustin.

liberam quippe matrem veram cœlestem Ierusalem, idest veram Dei Ecclesiam in illa muliere dicit esse figuratam, quæ affligebat ancillam. Si autem melius discutiamus: magis illa persequabatur Saram superbiendo, quam Sara illam coercendo. Illa enim Dominae faciebat iniuriam: ista imponebat superbae disciplinam. Deinde quero, si boni, & sancti viri nemini faciunt persecutionem, sed tantummodo patiuntur: cuius putant in Psal. vocem esse ubi legitur: Persequar inimicos meos, & comprehendam illos, & non conuertar donec deficiant. Ergo si verum dicere, vel agnoscere volumus, est persecutio iniusta, quam faciunt Ecclesiae Christi, Impij, ista nanq; beata est, quæ persecutionem patitur propter iustitiam, illi vero miseri, qui persecutionem patiuntur propter iniustitiam: proinde ista persequitur diligendo, illa sequiendo; ista ut corrigat, illa, ut euertat; ista ut reuocet ab errore, illa ut præcipitet in errorem; Hæc Diuus Augustinus, quæ quam aptè ostendant, quid intersit inter persecutionem bellicam Pontificis contra violatores sacrae libertatis, & eorum contra Pontificem, nemo est, qui non videat, Sara enim est Ecclesia, quæ iustè persequitur ancillam, nimirum gentem,

aut

Psal. 17.

aut Rempublicam Ecclesiæ libertatem ledentem, & vicissim Ancilla Dominam perperā persequitur, sacrā eius libertatem diripiens. Idem etiam Diuus Augustinus contra Petilianum, & refertur 23. q. 3. cap. pro membris. aliam egregiam similitudinem adhibet huic argumento valde consentaneam, sic enim ait: *pro membris Christi aduersus vos seuiunt, & vobis resistunt quicumq; in Ecclesia, eo animo sunt, quo tunc Petrus fuit, cum ferrum pro Christi nomine strinxit. Sed multum interest inter vestram persecutionem, & istorum, vos similes estis seruo Sacerdotis, quia seruientes Principibus vestris aduersus Ecclesiam Catholicam, idest aduersus Corpus Christi armamini, isti autem talis sunt, qualis tunc Petrus fuit, qui pro Christi Corpore; idest pro Ecclesia etiam corporaliter pugnavit* Hæc idem Diuus Augustinus. Quibus quid intersit in bello inter Summum Pontificem, & eius aduersarios adamusim ostendit, Petrus enim qui Primus omnium Pontificum fuit ad viuū refert Pontificem Romanum eius Successorem, seruus autem sacerdotis Malchus nomine; violatorem sacræ libertatis egregie repræsentat nam sicut ille sacrilego ausu sacram immunitatem diuinitus institutā viola-

I uit

uit in personam Christi manus violentas iniiciens, ut eum comprehenderet; ita Princeps personas sacras comprehendens, & in carcerem mittens, aut alijs Ecclesiæ Iuribus derogans: multipliciter sacram libertatem violat: Illud ergo quod interfuit inter zelum, & pugnam ex parte Petri, contra Malchum, & sacrilegam audaciam Malchi, contra Christum: idem planè interest inter bellum Romani Pontificis aduersus Principem sacrę libertatis violatorē, & bellum illius aduersus Romanum Pontificem. Ac tandem hoc idem discrimen faciliè venari possumus ex bello Dauidis contra Absalonem infidelem eius filium, qui cum ab eo multa bona acceperisset, contra eundem vexillum erigere non dubitauit. Immò id etiam haud difficile deprehendemus ex bello eiusdem Dauidis contra Goliath. I. Reg. 17. cui ipse dixit *tu venis ad me cum hasta, gladio, & Clipeo, ego autem venio ad te in nomine Domini exercituum Dei Israel, & dabit te Dominus in manu mea* quæ verba non immerito vsurpare, sibi potest Summus Pontifex aduersus Principem sacrę libertatis violatorem contra sedem apostolicam pugnantem.

DE

131

DE DAMNIS, QUÆ BELLO
sanctè, & licitè inferre potest Ro-
manus Pontifex Ecclesiæ
Iura Violantibus.

LIBER TERTIVS.

*Tuta conscientia posse Romanum Pontificem,
prout expedire iudicauerit ad comparan-
dam Victoriæ, Milites infideles vocare
in auxilium suum contra quoscunq; Sacra
Libertatis violatores. Cap. I.*



Idebitur fortasse alicui, non
esse sacris literis consentaneâ
propositam assertionem. Tū
quia Paralipomen. cap. 16.
Sacra Scriptura, non parum
carpit Regem Assa, eo quod

Paralipomen.

aduocauit exercitum Syriæ in auxilium suū
contra Regem Israel, vnde Propheta dixit
ei: *Stultè igitur egisti, & propterea aduersus
te bella consurgent*; Tum ex cap. 25. eiusdem
libri; vbi dicitur, Amasiam voluisse educere
cōtra Idumeos exercitum Israel, & dixit Do-

ibid.

minus ad eum: *O Rex ne egrediatur tecum exercitus Isral; non enim Dominus, cum Israhel.* At non est Dominus similiter, cum infidelibus, & turcis; Ergo non possunt in auxilium vocari. Tum ex cap. 20. eodem etiã lib. ubi dicitur quod Iosaphath Rex Iuda, amicitiam contraxit cum Ochozia Rege Israhel impio, & dixit Dominus ei per Prophetam *Quia habuisti fœdus cum Ochozia percussit Dominus opera tua, contriteq; sunt Naues, nec potuerunt ire in Tarsis.* At non possunt adduci infideles nisi inito, cum eis fœdere: Ergo cum hoc secundum prohibuerit Deus, etiã censetur prohibuisse primum, quod sine hoc stare non potest. Tum quia, ut habetur capit. 19. ibidem, Iosaphath Regi dictum fuit, *impio præbes auxilium, & his qui oderunt Dominum amicitia iungeris, idcirco iram Domini merebaris.* Vnde Diuus Thomas 2. 2. q. 186. art. 10. ad 2. docet prædictum Regem peccasse, non ex malitia, sed ex infirmitate humanæ affectionis. Tum tandem quia iuxta Doctrinam Diui Pauli, ab omni specie mali abstinendum est; quod maximè incumbit summo Pontifici, qui debet esse vniuerso gregi forma, & Regula bene operandi.

Vc-

Verum his nō obstantibus cōmunis Theologorum sententia docet propositam assertionem : nimirum licitum esse Summo Pontifici per se loquendo vocare in auxilium suū milites infideles , si id iudicauerit necessariū ad victoriam contra violatores sacræ libertatis ; notanterq; dixi : *per se loquendo* : quia , sicut multa sunt per se , & absolutè licita ; quæ tamen , vel ratione scandali , vel alicuius alterius similis circumstantiæ redduntur illicita ; vt, esus carnis licitus est per se loquendo ; ratione tamen scandali fieri potest peccaminosus , vt constat ex Diuo Paulo ad Romanos 14. asserente : *Si esca scandalizat fratrem meum , non manducabo carnes in æternum , ne fratrem meum scandalizem*. Ita in proposito , licet per se loquendo , sit licitum auxilio infidelium vti in bello iusto ; per accidens tamen , ratione alicuius scandali ; vt si periculum esset , quod ipsi peruerterent fideles , vel deuastarent possessiones Ecclesiæ illicitum esset prædictos infideles in auxiliū vocare ; In hoc ergo sensu intellecta prædicta assertione , tuentur illam cōmuniter Theologi. Diuus Ant. 3. par. tit. 4. cap. 2. §. 11. Ioannes Maior in 4. distinct. 15. q. 15. Caiet. 2.2. q. 40. art. 1. & alij expositores , cum

D. Paulus.

D. Anton.
Ioñ. Maior.
Caiet.

Bannes dub.
37 luc. 14.
Ioan. An.
Molin.

Machab.

ibid.

ibid.

Bannes dub. 3. Siluester verbo bellum 1. q. 8. conclus. 3. & Ioannes An. ab eo citatus Molina de Iustitia & Iure tract. 2. disputatione 112. & alij plures. Et possumus eam probare primo ex sacra scriptura. Nam vt constat ex primo Machabeorū 8. Iudas Machabeus iniuit foedus cum Romanis, vt ad inuicem se iuuarent, quod foedus magis stabiliuit, & confirmauit Ionatas Frater eius cap. 12. & rursus Simon cap. 14. Nec refert dicere Machabeos non vsos fuisse Romanorum auxilio aduersus fideles, ; sed contra infideles, nā certè hoc pertinet ad factum ipsum. Pactum autem inter ipsos initum erat de se mutuo, & reciproco auxilio iuuandis in bellis iustis: Igitur cum tunc posset contingere bellum esse iustum contra fideles: etiam ad hoc extendebatur prædictum pactum.

Genes. 14.

Secūdo probatur: quia licitum est Principi Christiano per se loquendo, opem ferre infidelibus in bello Iusto, etiam si bellum esset contra Christianos; Ergo à fortiori erit licitum vti eorum auxilio: Consequentia est euidens, & antecedens patet, tum quia Abraham Genes. 14. quando liberauit Loth, simul etiam auxiliatus est Regem Sodomorum, & pugnavit contra hostes illius, pro quo

quo videnda sunt quæ tradunt Diuus Augu-
stinus lib. 16. de Ciuitate cap. 22. & Abulen-
sis 1. Regum cap. 28. q. 5. Tum quia, vt con-
stat ex primo Machabeorum cap. 11. Iona-
tas misit in gentem militum numerum ad au-
xilium præstandum Regi Demetrio; quem
constat esse infidelem. Scio posse dici nec
Ionatam dedisse auxilium infidelibus aduer-
sus fideles, sed aduersus infideles; sed ni-
hil prorsus refert hæc fuga. Tum quia vel
in iuuandis infidelibus, etiam aduersus infi-
deles interuenit scandalum, & sic etiam est
illicitum tale iuuamen; sicut, & contra fide-
les; si autem in neutro interuenit scandalum,
certè in vtroq; est licitum, cum per id nihil
aliud efficiatur, quam cooperari ad bellum
iustum, quod est actus iustitiæ vindicatiuæ,
atq; adeo honestus, & bonus moraliter. Tum
etiam quia prædicta solutio non potest habe-
re locum in facto Dauidis 1. Reg. 28. Vbi
habetur præbuisse auxilium Achis Regi Pa-
lestinae contra exercitum Israel; quod aper-
tè fuit iuuare infideles contra fideles: sed
quia non desunt, qui hinc etiam illustrem
locum inficiari conantur, cum toringo in re-
plicas illius loci placet, & verba textus refer-
re, & interpretationem Glossæ interlinearis, *glossa.*

D. Augustin.

Abulensis.

1. Reg.

Machab.

1. Reg.

Nicolaus de
Lyra.

lib. 1. Reg.

Nicolaus de
Lyra.

& Nicolaus de Lyra subiungere: Sic ergo habet facer textus in prædicto cap. 28. lib. 1.

Reg. *Factum est autem in diebus illis congregauerunt Philistiyn agmina sua, vt præpararentur ad bellum contra Israel, dixitq; Achis ad Dauid: Sciens nunc scito, quoniam mecum egredieris in Castris tu, & viri tui: Dixitq; Dauid ad Achis: Nunc scies, quæ facturus es seruus tuus (scilicet, pro te contra hostes tuos) vt explicat ibi Glosa interlinearis, cui explicationi consonat responsio ipsius Regis Achis ad Dauid, dum statim subiunxit: Et ego custodem capitis mei ponam te cunctis diebus. Et Nicolaus de Lyra in commentario huius loci postquam dixerat. videtur, quod in hoc Dauid peccauerit; quia si intendebat hoc facere intendebat pugnare contra fideles pro infidelibus, quod est illicitum, aut si non intendebat hoc, sed magis contrarium, scilicet iuuare filios Israel contra Philisteos, sicut opinati fuerant satrapæ; vt habetur sequenti capite, sic fuit falsus, & proditor intendens nocere ei, quem promittebat adiuuare. statim post hæc subiungit. dicendum. quod Dauid intendebat defendere ipsum Achis, cui tenebatur ex beneficijs receptis; quia Achis ipsum benignè receperat, & sic eum securum fecerat
à per-*

à persecutione Saul, nec peccauit hoc faciendo duplici ratione, vna accipitur ex parte Achis, scilicet, si habebat iustum bellum contra Saul quod potuit esse, si Saul qui erat arreptitius à Demone, aliqua pacta fregerat, seu iuramenta, cum Philisteis inita, quia talia sunt seruanda. Vnde Sedechias arguitur eo, quod fregit iuramentum, quod fecerat Nabuchodonosor. Alia ratio accipitur ex parte ipsius David qui habebat ius in Regno Israel; Et ideo poterat illud acquirere virtute armorum facultate occurrente, & in tali bello iusto poterat licite vti Philistinorum confortatione, & auxilio. Cogitabat enim probabiliter, quod si Philistæi haberent victoriam, Achis ei amicus, & fauorabilis eum iuuaret ad possidendum Regnum, quia habita victoria Philistæi illud regnum non possiderunt, sed in terram suam reuersi fuerunt, & Isboseth filius Saul successit in Regno, vt habetur infra. Hæc Sylæster.
 Nicolaus de Lyra, vnde Syluester eidem Liranzæ sententiæ subscribens vbi supra ait: David quia habebat ius in Regno Israel, & armorum virtute poterat illud acquirere facultate oblata: licite in tali bello vti poterat infidelium Philistinorum consortio, & auxilio, unde posuit se ad iuuandum Achis, vt per illum 1. Reg. 28.
 postea

2 Reg. 29.

postea Regnum obtinere regressis Philistæis post victoriam ad propria . Hæc ille . Atq; hæc omnia mihi indubitata reddunt verba capituli sequentis, dū dicitur : David autē, & viri eius erant in nouissimo agmine cū Achis, dixeruntq; Princeps Philistin ad Achis: Quid sibi volūt Hæbræi isti? & ait Achis ad Principes Philistin; nūquid ignoratis David, qui fuit seruus Saul Regis Israel, & est apud me multis diebus, vel annis, & non inueni in eo quicquam ex die, qua transfugit ad me, vsque ad diem hanc? Ex quibus verbis manifestè patet Regem David foedus inijsse cū Achis de iuuando illum . Dicere autem (vt contendit Toringus in præcitatis replicis, Dauidem in hoc facto peccasse venialiter: friuola fanè euasio est, tum quia communiter Theologi, & Scholastici non damnant illud, immò laudant . Tum etiam quia cum materia illa esset grauissima, certè si circa eam peccatum aliquod cōmitteret, lætale esset, non veniale.

Toringi.

Tertio, quia si prout omnes fatentur licet bestiarum, vt Elephantorum, Leonum, & similibus auxilio, & fortitudine vti in bello iusto siuè sit contra fideles, vel infideles, apertè efficitur licitum esse, vti aduersus eosdem auxilio infidelium Militum, nec iuuat respon-
dere

dere esse dissimilem rationem, quia cum animalia sint expertia rationis, non est in illis periculum perversionis, quod imminet Catholicis ex communicatione cum infidelibus: hoc (inquam) non iuvat, quia illud periculum non necessario consequitur ad prædictam actionem; sed per se loquendo, potest esse sine illo, unde Catholicissimus Imperator Carolus V. usus fuit auxilio infidelium contra fideles de grauissimorum Theologorum consilio, cum aduersus Gallos induxit milites germanos, qui tunc erant infideles Lutherani, & simile, quid per multi alij Christianissimi Principes factitarunt.

Carol. V. Imp.

Ad testimonia autem in contrarium adducta multipliciter occurrere possumus. Nam primo respondeo cum D. Ambrosio oratione de obitu Theodosij, & D. Chrysostomo homil. 1. Imperfecti super Matthæum, & Abulensi super eundem cap. 16. q. 17. Assa peccasse eo quod collocasset omnem suam victoriæ spem in auxilio Regis Syriæ, cum alias in Domino eam collocare debuisset, cuius ope paulo ante ingentem Aethiopum exercitum expugnat, ut constat ex eodem libro cap. 14. deduciturq; hæc solutio ex cap. 16. circa finem, ubi mentio fit de diffidentia illius,

*D. Ambros.
D. Chrysost.
Abulensis.*

D. Ambros.

lius, prout obseruauit D. Ambrosius in commentario super Epistolam ad Romanos c. 3. versans illa verba *non est requirens Deum*.

Syluester.

Secundo respondeo prædictos Reges de quibus in præcitatis locis, peccasse præstando, vel petendo auxilium ab infidelibus eo, quod inde oriebatur scandalum in populo Dei, ac detrimentum diuini honoris; in quibus casibus iam diximus cum communi Theologorum non licere auxilium petere ab infidelibus, licet aliàs id licitum sit per se loquendo. Tertio respondeo, quod quando Theologi dicunt licere, uti auxilio infidelium in bello iusto contra fideles id intelligi debet, ut aduertit Syluester verbo bellum primo q. 8. existentibus ipsis infidelibus pacificis non habentibus bellum actiuum, nec passiuum nobiscum, & urgente necessitate. Ex harum ergo conditionum defectu potuerunt prædicti Reges peccasse auxilium mutantes ab infidelibus. Hac tamen vera, & catholica doctrina in discursu huius capituli tradita nollem principes abuti, falso sibi blandientes in quocunq; bello iusto aduersus alios principes Christianos, licitum sibi esse infideles milites in auxilium suum vocare, non enim semper, quod adest iusta causa belli,

belli id licèt, sed quando illa subsistente, & adhibitis alijs medijs, aliter victoria obtineri non potest, quam per vocationem illorum in auxilium suum: ne tamen Principes in hoc facilè decipiantur oporteret eos in tali casu Sedem Apostolicam consulere, vt iudicio summi Pontificis discernatur, liceat tunc, & expediat, an non, infideles in auxilium suum vocare contra alium Principem.

Inchoato iam bello, quantumcunq; violatores sacrae libertatis, satisfactionem offerant Summo Pontifici, non tenetur illam acceptare ex Iustitia, secus tamen ex Charitate. Caput I I.



On me latet quosdam grauiissimos Doctores partem contrariam huius assertionis defendere hi sunt Sapientissimus Suarez 2. 2. non dum prælo mandata q. 40. art. 1. dub. 6. Syluester

Suarez.

Syluester.

relatus à Bannes ibidem dub. 8. & partim in eam propendet, Molina tractatu 2. de Iustitia disputatione 103. eamq; sequuntur pleriq; Neoterici: potestque probari primo aucto-

Bannes.

Molina.

auctoritate D. Augustini nam iuxta eius sententiam lib. 6. super Ioannem cap. 10. *Iuxta bella dici solent, quæ ulciscuntur iniurias* ex quo apertè constat solam iniuriam illatam, esse iustam belli causam; At cum condigna, & plena satisfactio offertur; nulla est iniuria cum ex æqualitate ab offensore compensetur, ergo deficit omnino iuxta ratio belligerandi. Idem etiam August. lib. 4. de Ciuitate Dei cap. 15. & habetur 23. q. 1. Canone noli. *Bellum gerere (ait) malis videtur felicitatis; bonis vero necessitatis*; At oblata sufficienti satisfactione, cessat necessitas bellandi ergo iniustū erit tunc bellare.

Secundò probatur, quia post victoriam partam, non potest Princeps offensus, quiddam iustè accipere ultra condignam satisfactionem: ergo quantumcunq; inchoatum sit bellum, si verè illi offertur sufficiens, & plena satisfactio, nō poterit ultra procedere.

Tertiò, quia qui habet iustam causam belli, censetur Iudex alterius, quasi per accidens, eo, quòd non est recursus ad superiorem secularem, qui componat litem, & compenset iniuriam; ergo quādo renuit acceptare condignam satisfactionem; iam non procedit, vt iudex auctoritate publica, sed potius

tius auctoritate priuata, & consequenter bellum non erit iustum.

Quarto, Nam si ex cōsensu partium crearetur aliquis Iudex arbiter inter Principes litigantes: certè secundum iustitiam iudicaret, si compelleret alterum, vt condignam satisfactionem sibi oblatam reciperet; sed sic est quod Princeps læsus tunc est Iudex: ergo tenetur proferre hanc sententiam.

Quinto, quia post oblatam condignam satisfactionem, Princeps, qui illam offert, iuste se defendit, quia iam facit, quod in se est offerendo satisfactionem debitam, & quam rationabiliter offerre potest, nec enim tenetur se, & omnia sua hostium voluntati offerre: ergo alter illum iniuste aggreditur, vel certè dabitur bellum iustum ex vtraq; parte, quod seclusa ignorantia repugnat.

Sexto tandem, tum quod Principe acceptante tunc satisfactionem condignam sibi oblatam, innumera vitantur mala vtriusque Reipublicæ: tum nam iuxta Regulam 15. de Reg. Iur. *pœnæ sunt restringendæ*. Sed pœna belli est maxima; Igitur restringenda est ad casus in quibus non offertur condigna satisfactio.

Verum his non obstantibus nostram assertio-

fertio-

*Caetan. &
Bannes.*

*D. Thom.
Molina.*

*D. Thom. &
Caetan.*

sertionem tuentur Caetan. in summa verb. bellum punct. 3. Magister Bannes 2.2. q. 44. art. 1. dub. 8. conclus. 2. & ibidem alij expositores Diui Thomæ; subscribit etiam Molina de Iustitia tract. 2. disputatione 103. ad finem, & mihi videtur omninò certa. Primo, & à priori, nam Pontifex habens bellum iustum inchoatum, gerit personam Iudicis, & prælium ipsum est actus iustitiæ vindicatiuæ quæ est propria Iudicis, vt docent D. Thomas, & Caetanus 2.2. q. 108. art. 1. & 2. Et insuper etiam procedit criminaliter ad vindictam, cum procedat ad mortem, & ad damnum rerum mobilium, & immobilium: at Iudex procedens criminaliter est omnino certum, quod punire potest malefactorem, quantumcunq; aliàs offerat illi condignam satisfactionem: ergo incepto bello non tenetur illam acceptare, & explicatur magis vis huius rationis. Nam Princeps indicens bellum habet vicem Iudicis exercentis actum iustitiæ vindicatiuæ, & sic incepto bello iam est factus Dominus causæ, atque adeò in potestate eius est vsque ad finem illam perducere, violator autem sacre libertatis contra quem infertur iustum bellum, eo ipso, quod ante belli inchoationem noluit debitam exhibere

hibere Ròmano Pontifici satisfactionem, constituit se extra statum satisfactionis, & mansit in statu satisfationis, (vt dicunt Theologi) seù in statu exequendæ, & suscipiendæ in se iustitiæ vindicatiuæ . Vnde si rem alta mente perpendamus satisfactio ab eis oblata, vtpotè inuoluntaria, & per vim coactiuam belli exhibita, non immeritò satisfactio reputari potest . Vnde dicendum esse reor, quod sicut quando quis factus est seruus in bello iusto, quantumcunq; offerat sufficientem satisfactionem Domino, non tenetur Dominus illam acceptare, & eum mittere: ita certè, cum inchoato bello Princeps sit iam constitutus Dominus causæ in potestate eius erit proseguere bellum . Scio quosdam Doctores respondere posse ad hæc omnia, esse magnum discrimē inter Iudicem ordinarium, & Principem, bellum gerentem aduersus alium, quod Iudex ordinarius potest punire reum, secundum totum iuris rigorem quoniam sic expedit sæpè ad bonum commune Reipublicæ, cui ipse potissimum consulere debet tanquam custos illius: Princeps verò in casu belli non est Iudex ordinarius & per se, sed occasionaliter ad providendum bono suæ Reipublicæ, & ideo oblata

K

suffi-

sufficienti satisfactione , non potest vltcrius
 procedere, quia tandiu potest bellum gerere
 quamdiu aliter satisfactionem accipere non
 potest . Verum hanc solutionem esse insuffi-
 cientem id mihi persuadet. Tum quod Prin-
 cept, & maximè summus Pontifex, qui supe-
 riorem non habet in terra, non per accidens,
 sed per se habet ius vindicandi iniurias sibi ,
 & Ecclesiæ illatas , vt rectè notauit Molina
 de iustitia tractatu secundo disputat. 103.
 Tum etiam , quia tametsi gratis concedere-
 tur subire per accidens rationem Iudicis in
 defectu superioris , qui Rempubicam illam
 puniret: nihilominus, eo ipso quod non da-
 tur talis superior, habet ius puniendi eadem
 poena qua punire posset superior, cum re ve-
 ra gerat vices illius. At superior proprius qui
 est Iudex ordinarius posset procedere ad sup-
 plicium, & poenam, nulla prorsus admissa sa-
 tisfactione ; ergo incepto bello non tenetur
 Pōtifex admittere satisfactionem sibi obla-
 tam ab aduersario, quæ omnia intelligenda
 puto de obligatione iustitiæ: nam ex charita-
 te sæpè contingere potest , vt adnotarunt
 præcitati Doctores , & ante illos Driedo 2.
 de libertate Christiana cap. 6. obligari Prin-
 cipem attentis certis cistumstâtijs loci tem-
 poris

Molina.

Driedo.

poris personarum ab inchoato bello desistere.

Ad argumenta autem in contrarium duplici solutione satisfaciam. In primis dico, quod si per impossibile omnimoda securitate offerretur Pontifici integra, ac plena illa, satisfactio, quàm is, qui iustum bellum gerit potest de summo rigore iustitiæ exequi, ita ut ad mortem traderentur quotquot ea illuc usque essent digni, & persoluerentur belli impensæ, & resarcirentur damna illata, certè teneretur Pontifex ex iustitia à bello desistere, siue copiæ essent in actuali conflictu, siue non, & hoc probant omnes illæ rationes, nec nos id negamus. Nam in tali casu cessat iniuria aduersariorum, & pro iniuria præterita, nihil amplius per seipsum exequi potest, quam hæc ipsa, quæ ei offeruntur etiam si integrè omnia belli iura persequi velit. Tamen quia moraliter loquendo (prout in rebus moraliter exequendis opus est loqui) impossibile est, ut compensatio quàm de toto rigore iustitiæ potest Pontifex iustè exequi, ei offeratur ab hoste, nam ad id contingere posset, oportere multos sanctæ inquisitionis tribunali puniendos tradere, alios morte mulctare, alios etiam Primates dignitatibus

tatibus priuare, Episcopos ab officio, & beneficio suspendere, & alia multa his similia exequi, quæ tamen nulla ratione sacræ libertatis violatores exhibebunt; prout per se euidentius est moraliter loquendo, ideo simpliciter dicendum est, vt egregiè adnotauit Molina; vbi supra; non teneri ex iustitia Pontificem, etiam post inceptum bellum, quantumuis ab actuali conflictu cessatum sit, à bello desistere, Deinde respōdeo, quod cum iam bello inchoato non sint hostes in statu satisfaciendi: sed satis patiendi, rectè potest Pontifex, vel Princeps, qui tunc iudex est sumere vindictam de illis ad finem vsq; bellum perducens, ex quo etiam efficitur ex parte ipsorum non esse iustum bellum, nam sicut reus iustè damnatus ad mortem tenetur pati sententiam, & non se defendere à ministris Iustitiæ; ita hostes tenentur se submittere voluntati Pontificis, aut Principis illos iustè debellantis: damna etiam, quæ sequuntur ex prosecutione belli, non erunt imputanda Pontifici nō acceptanti inchoato bello prædictam satisfactionem sibi oblata, sed ipsi Principi, aut Reipublicæ quæ offenderat, eo quod debito tempore ante inchoatum bellum iustam satisfactionem, cum posset,

set, non exhibuerit. Ex quibus omnibus efficitur non posse sacræ libertatis Violatores tuta conscientia Pontifici eos iustè debellanti Ciuitatis portas obserare. Nam (vt docet D. Augustinus lib. 6. super Iosue cap. 26. *D. Augustin.* tomo 4. *Claudere ostia Ciuitatis est armata defensio.*

Qua ratione liceat Ducibus Romani Pontificis insidijs vti in bello contra Violatores Sacræ libertatis differtè explicatur, & obiecta in contrarium diluuntur. Cap. III.



Idebatur fortasse alicui nulla ratione licitum esse ducibus Romani Pontifici insidijs vti in bello contra sacrę libertatis violatores. Primo ex sacra Scriptura. Nam Matth. 7. *Matth. 7.*

Dixit Christus dominus: *quæ vultis, vt faciant vobis homines, & vos facite illis*, sed nullus vellet insidias, & fraudes sibi parari: Ergo non est licitum per insidias bellum gerere. Deuter. 16. *legimus: Iustè quod iustum est exequeris*; Ergo cum insidiæ sint quædam fraudes, non poterit vsus illarum, non lædere iustitiam, & consequenter non.

K 3 erunt

erunt in bello licitæ. Secundo quia sacra scriptura narrat. 4. Reg. 10. Iehu religionem Baal destruxisse mendacio, & veri Dei cultum dolosè propagasse, falsisq; pollicitationibus templum Baal subuertisse, & multitudinem hostium per dolos, & fraudes occidisse, & Diuus Augustinus lib. contra mendacium cap. 2. Hoc Iehu factum ex professo reprehendit, illudq; damnant etiam D. Thomas 2. 2. q. 111. art. 1. ad 2. Et Abulensis q. 25. & 26. super cap. 10. libri 4. Regum: Vnde licet sacra scriptura 4. Regum 10. laudet zelum Iehu in subuersione Baalis: media tamen ficta, & dolosa non probat. Tertio ex authoribus gentilibus, qui solo rationis lumine illustrati agnouerunt illicitas esse prædictas insidias, & maximè Principi; cum dolos adhiberi, & simulatione, & fraude agere, & vulpecularum more uti, à Regio animo, & Imperio alienum sit. Vnde Aristoteles 4. Ethicorum cap. 3. docet magnanimi, & excelsi animi proprium esse fraudes, aut fugere nullisq; thecnis capere, aut dolis obuoluere, cui consonat illud quod de Aegiptijs refert Elianus lib. 14. Historiæ cap. 34. dum ait quod *ut iustissimos, & sincerissimos Reges describerent, imaginem ex Zaphiro gemma confectam*

4. Reg. 10.

D. Augustin.

D. Thomas.
Abulensis.

4. Reg. 10.

Aristoteles.

Elianus.

feſtam , quam veritatem appellabant ad Regis collum appendebant in qua oculos defixos haberet , & Bizantini Imperatores (vt refert Curopalates in libello de officialibus Pala- Curopalates.
tij) inter alia plura , quæ promittebant , veritatem dicturos remota omni fallacia pollice bantur . Cicero item libro 1. officiorum ait : Cicero .
Fraus odio digna maiore eſt nullaq; totius iniuſtitia eſt capitalior pernicies quam eorum , qui , cum maximè fallunt , id agunt , vt viri boni probiq; videantur Sed melius illo Diuus Auguſtinus in Pſal. 63. ſimulata equitas , D. Auguſtino.
non eſt equitas ſed duplex iniquitas . Actandem Sophocles in Philoctete Pirrum Regem Sophocles .
commendat , quod minimè ſubdolum ingeniū habuiſſet , Vliſſem vero vituperat , quod fallacijs , & fraudibus vteretur , & Liuius Liuius .
lib. 42. ait : Marcius , & Attilius Romam , cum veniſſent legationem in Capitolio ita renunciarunt , vt nulla re magis gloriarentur , quam decepto per inducias , & ſpem pacis Perſa . Hæc vt ſumma ratione acta , magna pars Senatus approbabat : veteres , & moris antiqui memores negabant ſe in ea legatione Romanas agnoſcere artes , non per infidias , & nocturna prælia , nec ſimulatam fugam , improuiſoſq; ad incautum hoſtē reſtitutos . Et paulum

lulum inferius : *Hæc Romana esse, non versutiarum Punicarū, nec calliditatis Græcæ apud quos fallere hostem quam superare gloriosius fuerit : Interdum in præsens tempus plus profici dolo, quam virtute : sed eius demum animum in perpetuum vinci, cui confessio expressa sit, se neq; arte, neq; casu, sed collatis comminus viribus iusto ac pio bello esse superatum hæc seniores, quibus noua hæc, minus placebat sapientia : vicit tamen ea pars senatus, cui potior utilis quam honesti cura erat. Hætenus Liuius. Ex quibus omnibus videtur apertè colligi non licere Pontifici insidijs vti in bello contra violatores sacræ libertatis.*

Verum contrariam sententiam, cui nostra assertio subscribit tuentur communiter Sancti Patres, & grauissimi Theologi, continuo à me referendi. Nam D. Augustinus, prout refertur capite Dominus 23. q. 2. ait; *Dominus noster iubet ad Iesum Naue, vt constituat sibi retrorsum insidias, idest insidiantes bellatores ad insidiandum hostibus: hic admonemur (scilicet Iosue 8.) hoc non iniuste fieri ab his, qui iustum bellum gerunt. Et infra. Cum autem iustum bellum susceperit; vtrum aperte pugnet, an ex insidijs, nihil ad iustitiam interest.* Et D. Hieronymus, prout habetur

22. q. 2.

22. q. 2. cap. vtilem; multis exemplis probat certis temporibus admodum vtilem esse simulationem, & concludit. *Nec mirum quamuis iustos homines aliqua simulare pro tempore ob suam, & aliorum salutem cum, & ipse Dominus noster non habens peccatum, nec carnem peccati simulationum peccatricis carnis assumpserit, ut condemnans in carne peccatum, nos in se faceret iustitiam Dei, & Diuus Damascenus lib. 1. parallelorū cap. 27. Simulationes si dolo malo careāt, exemplis Rebeccæ Genes. 27. Rachelis 31. Thamar. 38. Et Sororis Moysis Exod. 2. & Samuelis qui Dei consilio ad sacrificandum, accessisse dixit 1. Reg. 16. & Micol. 1. Reg. 19. commendat, & patrum autoritate laudem promeruisse confirmat, & Diuus Thomas ex professo tractans propositam difficultatem 2. 2. q. 40. art. 3. in hunc modum eam resoluit. Respondeo dicendum, quod insidie ordinantur ad fallendum hostes: dupliciter autem aliquis potest falli, ex facto, vel dicto alterius, uno modo ex eo quod ei dicitur falsum, vel non seruatur promissum, & istud semper est illicitum, & hoc modo nullus debet hostes fallere. sunt enim quedam iura bellorum, & fœdera etiam inter ipsos hostes seruanda, ut*

D. Thomas.

Am-

D. Ambros.

Ambrosius dicit in libro de officijs : alio modo aliquis potest falli ex dicto, vel facto nostro, quia ei propositum, aut intellectum non aperimus; hoc autem semper facere non tenemur, & infra subdit. Vnde inter cetera documenta rei militaris hoc præcipue ponitur de occultandis consilijs, ne ad hostes perveniant, ut patet in libro stratagematum Francorum. Et talis occultatio pertinet ad rationem insidiarum, quibus licitum est uti in bellis iusti, nec propriè huiusmodi insidiæ vocantur fraudes, nec iustitiæ repugnant, nec ordinatæ voluntati. hætenus D. Thomas, cui subscribunt omnes Theologi communiter ibi; Quibus addo Nicolaum de Lyra super Iosue 8. citantem ad idem D. Augustinum, & D. Ambrosium, vbi supra, cum Vegetio lib. de arte militari; addo etiam Sylvestrum verbo bellum 1. q. 8. vbi ait: uti insidijs in bello iusto licitum est indistincte secundum glosam 23. q. 2. capite, Dominus, dummodo tamen fides seruetur, ut habetur eadē causa q. 1. cap. noli, & Glosa in cap. utilem 22. q. 2. Ac tandem id probare possumus ratione, quia in insidijs prædicto modo intellectis, nō interuenit mendacium, nec vitiosa fraus, sicut nemo Catholicus dicet interuenisse in eo quod Christus loquens cum

Nicolaus de
Lyra.

D. Augustin.

D. Ambros.

Vegetius.

Sylvester.

Glosa.

Glosa.

cum Discipulis euntibus in Emaus *finxit se longius ire*, cum enim in prædictis insidijs, & stratagematibus nihil affirmetur, vel negetur doli iniustitia in eis locum habere nõ potest.

Vnde cum in bello iusto licitum sit hostes, & bona eorum ledere, licitum etiam erit prædictis insidijs eo animo vri, quibus ad comparandum victoriam facilior aditus pateat.

Atq; ex his facile respondetur obiectionibus in contrarium supra adductis. Distinctio

enim Diui Thomæ supra tradita, sufficienter D. Thomas. omnia illa diluit: nam prima obiectio præ-

supponit falso in prædictis insidijs interuenire fraudem quod negat ibidem Diuus Tho-

mas. Ad secundam vero dupliciter respon-

deo, quod licet à nonnullis Partibus factum Iehu reprobetur à Diuo tamen Hieronymo D. Hieron. sacrarum literarum peritissimo approbatur,

vt patet ex cap. vtilem. 22. q. 2. vbi hæc verba Diui Hieronymi legimus. *Vtilem*

simulationem, & in tempore assumendam Ie-

bu Regis Israel nos doceat exemplum; qui,

cum non potuisset interficere Sacerdotes Baal,

nisi finxisset se Idolum velle colere dicens con-

gregate mihi omnes Sacerdotes Baal: Rex

Achab seruiuit in paucis; ego seruiam ei in multis. Deinde Secundo Respondeo Iehu

pec-

peccasse in prædictis insidijs quia non solum colere Idolum intrinsecè malum est , sed & simulatum cultum ei exterius exhibere , & ratione huius circumstantiæ, prædictæ insidiæ, quæ de se malè non erant turpes factæ sunt . Ad tertiam tandem obiectionem Respondeo omnia illa ibi adducta hæc duo concludere, quæ nos nulla ratione inficiamur , Primum est nefas esse mentiri hostibus in bello iusto : nam cum mentiri sit intrinsecè malum, nulla iusti belli causa illud honestare potest . Secundum est : illicitum esse frangere fidem hostibus, non stâdo iustè promissis, iuste uè, cum eisdem constitutis: Vnde Augustinus ad Bonifacium cap. noli 23. q. 1. ait : *fides quando promittitur, etiam hosti seruanda est contra quem bellum geritur, quanto magis amico pro quo pugnatur ;* Verumtatem est quod (vt rectè adnotarunt interpretes Diui Thomæ 2.2. q. 40. art. 3.) si aduersarius promissis, vel cum eo cōstitutis nō staret, nec etiã Princeps illi stare tenetur, vt (verbi gratia) si induciæ (quas treguas vocant) ad tempus essent constitutæ , & aduersarius non obseruaret , nec Princeps seruare teneretur quantūcunq; essent iuramento confirmatę quoniam tale pactum semper habet tacitè inibitam hanc

D. Augustin.

Interpretes.
D. Thomas.

hanc conditionem dummodo aduersarius promissa non violet.

Quamuis licitum non sit in bello contra sacrae libertatis Violatores, occidere per se, & ex intentione Innocentes; per accidens tamen, & prater intentionem, iuste occidi posse communis Theologorum sententia docet. Cap. IV.



Ntequam hanc, & reliquas assertiones in hoc tertio libro mihi probandas aggrediar nonnulla præmittenda censui apprimè necessaria ad intelligentiam eorum quæ mihi infra dicenda sunt. Primo ergo præmitto triplex posse distingui damnum, quod in bello hostibus inferri solet: primum est homicidium: secundum captiuitas: tertium, expoliatio bonorum; inter quæ, nonnulla sunt immobilia, quædam mobilia; Secundò aduerto, quod in Republica violantium sacram libertatem, non omnes censentur nocentes: nam quidam sunt participes criminis; quidam arma sumunt, & bellum aggrediuntur, & hi verè sunt nocentes, alij vero sunt innocentes: & incul-

Caetan.

inculpati, vt pueri, quidam senes mulieres multæ, & alij, qui nec possunt arma capere, neque violantium sacram libertatem decretis consentiunt: sed illa valde execrantur, & generaliter, & per se loquendo, vt constat ex cap. Nouimus de tregua & pace inter innocentes, numerantur Presbyteri, Monachi, Rustici, Peregrini, & Hospites. Veruntamen est quod Caietan. verbo, *bellum*. dubitat an hoc caput sit abrogatum contraria consuetudine: sed re vera dicendum est caput illud non statuere nouum ius positium, sed solum explicare ipsum ius naturæ. Nam illi omnes præsumuntur innocentes, nisi contrarium constet, vt reuera constare potest si contingat Episcopos & Presbyteros, & diuersorum ordinum fratres violantibus sacram libertatem consentire, & eorum defensores existere. Tertiò aduerto bellum hoc contra violatores sacræ libertatis partim esse defensuum, & partim aggressuum secundum diuersas considerationes: est namque defensuum quatenus Pontifex illud gerit pro defendenda sacra Ecclesiæ libertate multifariam multisq; modis ab hostibus dilacerata: aggressuum vero, quatenus per illud intendit iura, & alia perperam Ecclesiæ

siaz

siæ ab eisdem ablata recuperare, & iniurias
 sedi Apostolicæ, & Romanæ Ecclesiæ illatas;
 (prout oportet) vindicare, & malefactores
 iuxta mensuram delicti debitis supplicijs
 afficere: quamvis ergo per hoc bellum, in
 quantum est defensuum, solùm liceant, quæ
 præcisè necessaria sunt ad defensionem iu-
 rium Ecclesiæ, & consequenter non liceat
 per illud sub ea præcisè ratione considera-
 tum vindictam sumere, vt patet proportio-
 naliter à simili in bello defensiuo priuatæ
 personæ, in quo solùm licet efficere, quod
 præcisè necessarium est ad defensionem;
 quatenus tamen prædictum bellum aggressi-
 uum est, tria principaliter intēdi possunt per
 illud à Romano Pontifice: primum est resti-
 tutio damnorum: Secundum est vindicta, seu
 punitio delicti iuxta grauitatem illius in quo
 considerata veniunt, non tantum prima
 iniuria, ratione cuius inceptum est bellum,
 sed etiam omnes illæ, quæ in prosecutione
 belli admiscuntur. Tertium pax futura rei-
 publicæ, nam Summus Pontifex, non solum
 potest, sed debet ex officio sup̄remi omnium
 Principum Principis attendere ad vitandum
 imminens damnum, & procurare pacem in
 futurum, quæ est præcipuus iusti belli sco-
 pus

pus, & inter purè temporalia maximum Reipublicæ bonum. Quarto præmitto duo valde, certa, & indubitata apud Theologos, vnum est, quod omnia media necessaria ad consequendos prædictos fines, quantumcunque sint cum ingenti damno violantium sacram libertatem, cuius modi est, occisio militum; deuastatio bonorum mobilium, vel immobilium, & similia omnino licita sunt Pontifici in hoc bello. Nam vbi finis est licitus, consequens est licita esse omnia media præcisè necessaria ad consecutionem talis finis: alterum est damna non esse inferenda absq; moderamine iustitiæ commutatiuæ, vindicatiuæ, & legalis, nam omnes istæ suo modo concurrunt in bello. Satisfactio enim pertinet ad iustitiam commutatiuam, & ideo debet cum æqualitate fieri; punitio deinde delicti pertinet ad iustitiam vindicatiuam à qua debet regulari, vt iuxta mensuram delicti sit, & plagarum modus. Prouidentia tandem de pace in futurum conseruanda, pertinet suo modo ad iustitiam legalem, vt solùm id fiat, quod necessarium iudicabitur ad commune bonum Ecclesiæ Romanæ.

His ergo sic prælibatis oportet iam accedamus ad probationem nostræ assertionis in
cuius

cuius prima parte dicebamus non esse licitum in hoc bello per se directè, & ex intentione occidere eos, qui innocentes sunt. Ita testantur communiter Theologi 2. 2. q. 40. *Comm. Theol. Driedo. Victoria.*
 art. 1. Driedo lib. de captiuitate, & redemptione generis humani tractatu secundo. Victoria relectione 6. de iure belli, num. 35. & 36. Molina de iustitia tractatu 2. disput. 119. *Molina.*
 Syluester verb. bellum 1. qu. 10. conclus. 3. *Syluester.*
 Gabriel in 4. dist. 15. q. 9. art. 1. conclus. 4. *Gabriel.*
 Maior. ibidem. q. 20. Et probatur primo ex *Maior.*
 sacra scriptura; nam Exod. 23. dicitur: *Exod. 23.*
fontem & innocentem non occides, & Deuth.
 24. *Non occidentur filij pro parentibus.* Et *Deuth. 24.*
 eod. lib. cap. 20. vbi iussit Dominus filijs Israel, vt cum per vim caperent aliquam Ciuitatem, alios interficeret absq; mulieribus, & infantibus: quibus omnibus edoctus *D. Ambros.*
 Diuus Ambrosius, non alia ratione aditum Ecclesiæ interdixit Theodosio Imperatori, nisi quia apud Thessalonicam promiscuè occidisset in bello nocentes, & innocentes; prout habetur 11. q. 3. cap. *apud Thessalonicam.*
 Et refert etiam Rufinus lib. 2. ecclesiast. historię cap. 18. Deinde ratione probatur, cum quia fundamentum iusti belli est iniuria, sed iniuria non est illata ab innocentibus;

L

bus;

bus; Ergo non possunt directè, & ex intentione occidi, tum quia nullus est dignus ea pœna, quæ non datur nisi propter culpam: Igitur cum innocens non sit in culpa, non erit afficiendus pœna mortis, quam constat non posse iustè per se & directè dari nisi propter culpam. Tum nam alias esset bellum iustum ex vtrâq; parte cum innocentes iustè se possint defendere: Igitur si per se directè licitè possent debellari, vtrinq; bellum esset iustum. Tum tandem, quia in propria Republica nefas est interficere innocentem pro peccato alterius; Ergo nec id licitum est in aliena: cum id, quod intrinsecè malum est, nulla ratione honestari possit.

Secundam autem partem nostræ assertionis, nimirum per accidens, & indirectè ex intentione interficiendi nocentes, licitè in hoc bello interfici posse innocentes tuentur unanimi consensu omnes præcitati doctores, unde dicunt, quod quando Arx, aut Ciuitas iustè oppugnatur, in qua constat innocentes aliquos cum nocentibus permistos esse, fas est mittere in eam globos, aut ignem illi supponere, vel quod vis aliud simile facere, quantumvis intelligatur per accidens, seu quod idem est, præter intentionem id efficiendum

rium interficiendos esse aliquos innocentes. Et probatur primo, & à priori ratione supra tacta, quia in bello iusto licitum est exequutioni mandare media præcisè necessaria ad victoriam comparandam; ergo si ad hunc finem necessarium fuerit mittere bombardas in locum hostium, in quo sunt aliqui innocentes, licitum erit illas mittere, quamvis alioquin per accidens sequatur mors innocentium, ut patet à simili de muliere prægnante cui licitum est sumere medicinam necessariam ad seruandam vitam, licèt aliàs timeatur mors prolis, & similiter licèt ei fugere taurum, quamvis immineat clarè abortus, quia non tenetur cum tanto damno custodire vitam prolis, & quia illud magis est permittere mortem innocentis, quam tunc non tenetur vitare, quam causare illā. Deinde quia cum indirectè, & per accidens occiduntur innocentes, talis occisio non est militibus voluntaria, ad culpam, atq; adeo nec peccaminosa iuxta sententiam D. Augustini lib. de vera religione cap. 14. Antecedens vero probatur, quia prædicta occisio solum est voluntaria in sua causa, quam tamē supposita iustitia belli non tenentur milites vitare; constat autem ex D. Thoma. 1. 2. q. 6.

D. August.

D. Thom.

art.4.& q.73. art. 8. id quod quis non tene-
tur vitare, non esse ei voluntarium ad culpā:
igitur prædicta occisio nō est hoc modo vo-
luntaria . Item quoniam alioquin nullum
posset geri bellum iustum aduersus nocētes,
cum semper & maximè inter Christianos :
sint plures innocentes, & sic omnino periret
iustitia eorum, qui iustam belli causam ha-
bent, quod neutiquam esse posset absq; in-
genti iactura boni communis: imò (vt rectè
dixit Molina (vbi supra) nec defendi pos-
set Ecclesia ab infidelibus, eo ipso , quod in-
nocentes aliquos inuitos in triremibus , aut
exercitu secum ducerent, neque , qui ab his
essent iniuste obsessi , possent globos, & tela
in eos mittere, quibus se defenderent, eo ta-
men grano salis hæc intelligenda sunt, quod
non esset aliud medium ad consequendam
victoriam absq; occisione innocentium ,
nam si tale reperiretur, irrationabile esset ,
vtpotè contra iustitiam, & charitatem non
vtillo , esset enim velle mortem innocen-
tium sine causa , quod apertè est intrinsecè
malum: vnde occisio innocentium non ali-
ter licita censetur , nisi quando est simplici-
ter necessaria ad comparandam victoriam .
Imò addo, quod si ad prædictam victoriam
parum

Molina

parum conferret expugnare arcem, aut oppidum, ubi est præsidium hostium, cum quibus permisti sunt multi innocentes; tunc in ea fuerim sententia, non licere ad expugnandos paucos nocentes, qui illic sunt, occidere multos innocentes subijciendo ignem, vel mittendo bombardas, vel quouis alio modo, quo indifferenter opprimantur innocentes. ita Victoria relectione 6. de iure belli propositione 2. n. 37. Victoria,

Quæ utriq; parti præposita assertionis aduersantur, facile diluuntur.

Caput V.



Duersus vtrancq; partem probatæ assertionis obstant nonnulla necessario diluenda, & quidem contra primam posset primo obijci illud Deu Dent. 20.

ther. 20. *ex his ciuitatibus, quæ dabuntur tibi, nullum omnino permittas viuere, sed interficies eos in ore gladij.* quod Dominicum præceptum Iosue obseruasse in expugnatione vrbs Ierico sacra narrat Historia. Iosue Iosue 6.
6. Idem etiam præceptum impositum fuisse Sauli in ordine ad extirpandos Amalechitas,

L 3

tas,

D. Thom.

tas, primo Regum legimus, cap. 15. Ergo licitum est in bello iusto occidere innocentes tanquam partem Reipublicæ nocentis. Scio respondere D. Thomam 1. 2. q. 105. art. 3. ad quartum, id factum fuisse ex diuina reuelatione, & ordinatione, propter peccatum illarum gentium. Sed contra est, nam eodem cap. 20. præcipitur etiam de alijs ciuitatibus quæ non erant procul, vt expugnata vrbe omnes interficerentur exceptis paruulis, & mulieribus: ergo licitum est in bello iusto occidere innocentes, tanquam partem Reipublicæ nocentis. At inter pueros est per se manifestum esse plures innocentes, qui nullo modo cooperati sunt ad iniustum bellum ergo licitum erat illos interficere. Respondeo in primis esse valde disparem rationem, quia bellum illud erat contra infideles, hoc vero est contra Christianos. Verum quia etiam licet esset contra infideles, non liceret per se, & directe occidere innocentes. Respondeo secundo, in hostium vrbe, quando bellum est contra infideles, quotquot arma capere possunt rationabiliter præsumi nocentes, & ideo in prædicto loco Deuth. solum excepti fuere paruuli & mulieres. Sed contra adhuc obijcies, quia quandoq; licitum

tum

rum est concedere militibus ciuitatem in prædam, quod Hispanè dicitur *darla à saco* Italicè *saccheggiarla*, vel etiam tradere illam ferro, & igni, quia aliter à peritissimis Ducibus iudicatur non posse obtineri victoriâ: quod & experientia ex facto Christianissimorum Principum manifestè patet licitum esse. Idque etiam docent Victoria dicta re- Victoria.
lectione de iure belli, nu. 52. Syluester ver- Syluester.
bo, *bellum primo* q. 10. conclus. 3. quos sequuntur interpretes D. Thomæ 2. 2. q. 40. D. Thomæ.
art. 1. At tunc necesse est plures innocentes occidi: ergo licitum est in bello iusto innocentes occidere. Dices argumentum solum convincere id licitum esse indirectè, & per accidens, non verò directè per se, & ex intentione; sed contra, quia si hoc secundo modo fieri non potest ne aliàs seclusa ignorantia detur bellum iustum ex vtraq; parte. Idem etiam prorsus inconueniens sequitur ex primo, hoc est ex indirecta occisione innocentium. Nam ob suam innocentiam iustè se defendunt: ergo si aliunde iustè occiduntur indirectè, sanè bellum erit iustum ex vtraq; parte. Respondeo primo innocentes habere ius ad impediendum incendium Ciuitatis; aut ruinam Arcis, per alia tamen media,

quàm per impugnationem, per vim impediētem iustè bellantes à iure suo. Nam eo ipso quod intentarent huiusmodi vim inferre, iam inter nocentes computandi venirent. Sed melius, respondeo secundo cum communi Theologorum sententia, quod sicut non inconuenit ex ignorantia dari bellum iustum ex vtraq; parte; ita etiam illa seclusa non inconuenit dari vtrinq; iustum bellū per accidēs, vt cōtingit in casu quo expugnatur Arx, vbi sunt multi innocentes, nā ipsi quatenus inculpati iustè se defendunt, quatenus verò sunt partes Reipublicæ nocentis iustè debellantur, ex quo fit tunc non dari bellum iustum ex vtraq; parte respectu eiusdem causæ, vel tituli, sed respectu diuersorū, ad quod magis illustrandum deferuire potest exemplum de innocente damnato ad mortem per sententiam iustam secundum allegata, & probata, quem constat iustè posse se defendere secluso scandalo, & tamen Iudex iustè potest illum damnare.

Secūdo posset obijci quia (vt omnes fatētur) licitū est ea mala inferre hostibus in bello iusto, quæ prudenter necessaria iudicantur, vel ad compensationem iniurię illatę, vel ad stabiliendam pacem in futuram, quæ de-

bet

bet esse præcipuus belli scopus : sed ad hunc finem opus est paruulos interficere . nam postea violenta parentum morte irritati , bonisq; hæreditarijs spoliati , ardentius excandescent , & vehementius impugnant inuadores vitæ , & bonorum suorum parentum , de quibus apte dici potest illud Chrysostomi homil. 42. in Matth. in imperfecto . *Pulli serpentium atate minores sunt : veneno autem pares , & catuli Luporum , & si venationem exercere non possunt , iam tamen sanguine gaudent , & morsibus ludunt* Erit igitur licitum ad prædictam pacem in futurum stabilendâ , & ad vitanda mala , quæ rationabiliter timeri possent , præcauere periculum , mortem paruulorum anticipando , antequam ex innocentibus nocentes fiant : quod propter rationem tactam non solum habet locum in bello iusto contra infideles ; sed , & contra fideles . Respondeo ad hanc obiectionem , cum Victoria relectione 6. de iure belli n. 38. nulla ratione licere aliquem occidere pro peccato futuro , & ideo quantumcunq; prædicti innocentes præuideantur futuri nocentes , iustè occidi non possunt , non enim sunt facienda mala , vt vitentur etiam alia maiora mala , & maximè cum præcaueri possunt per alia .

me-

Victoria.

media. Vnde sicut non licet nocere illi, quem nouimus inimicum futurum, ita nec paruulis, quos vaticinamur inimicos futuros.

Matthel.

Tertio obijci posset specialiter præter dicta ad impugnandam secundam partem propositæ conclusionis quod Matth. 13. Christus Dominus dixit : *finite utraq; crescere usq; ad messem &c. ne forte colligentes zizania eradicetis simul cum eis triticum*, quæ verba

D. Thomas.

elucidans Diuus Thomas 2. 2. q. 64. art. 2. ad 1. sic ait *dicendum quod Dominus abstinendum mandauit ab eradicatione zizaniorum, ut tritico parceretur, idest bonis, quod quidem fit, quando non possunt occidi mali, quin simul occidantur, & boni, vel quia latent inter bonos, vel quia habent multos sequaces, ita quod sine bonorum periculo interfici nõ*

D. Augustin.

possunt, ut Augustinus dicit contra Parmenianum. Vnde Dominus docet magis esse finendum malos viuere, & ultionem reseruandam usq; ad extremũ Iudicium quam quod boni simul occidantur. Hæc ille. Igitur cum in arce, aut ciuitate sunt plures innocentes non poterunt in illam mitti bombardæ, alias boni simul, cum malis occiderentur, quod esset eradicare triticum, cum zizania. Respondeo quod in prædicto loco Diui Matthæi

era.

eradicatio zizaniæ, non erat simpliciter necessaria ad conseruationem tritici : sed erant alia media . Vnde quia finis intentus in tali eradicatione erat conseruatio tritici , & tali fini obstabat illa eradicatio : ideo Dominus prohibuit illā : in præsentī autem casu mors innocentium indirecta, & per accidens , non solum non obstat fini principali intento reportandæ victoriæ, & pacis comparandæ, sed ad illum mirum in modum confert, cum tunc occidi nequeant nocentes nisi occisis simul insontribus , & per hoc patet ad locum Diui Thomæ ; cum nihil aliud sibi velit , quam Christus Dominus in prædicto loco .

Qua ratione in hoc bello possint licitè hostes in captiuitatem redigi faciliè explicatur .

Caput. VI.



Eminem ignorare arbitror hostes in bello iusto captos, mancipia fieri capientium, prout habetur l. si quid bello & l. hostes. ff. de captiuis, & post liminium reuersis & l. naturalem. §. ult. & l. transfugam. ff. de acqui- rend. rerum Dominio & §. item ea quæ ab hosti-

hostibus instit. de rerum diuisione: vbi hæc verba legimus *quæ ab hostibus capiuntur, iure gentium nostra fiunt adeo, vt libri homines in seruitutem nostram reducantur* Idem colligitur ex capite ius gentium distinctione 1. & capite dicat 23. q. 5. vbi tractans Diuus Ambrosius de præda illa, quam tulit Abrahã Genes. 14. ait *prædam victoris esse atq; capientis*. quia tamen Iure Christianorum, consuetudine inter eos præscripta, quæ vim legis habet, Christiani ab alijs Christianis in bello iusto capti, non rediguntur in seruitutem, sed liberi manent, vt docent Bartolus in l. hostes ff. de captiuis Panormit. cap. sicut 3. de iureiuran, & alij quos refert Couarruias regul. peccatum par. 2. §. 11. n. 6. Molina de Iustitia, & Iure: tractatu 2. disputat. 117. idq; rationi valde cõsonum esse docet Diuus Gregorius relatus 12. q. 2. cap. cum Redemptor: Ideo opere præteritum duxi explicare quæ ratione licitè, non obstante tali præscripta consuetudine, possint hostes in bello iusto cõtra Christianos in seruitutem redigi: pro quo dicendum puto. Primo licitum esse existente iusto bello expoliare nocentes, & innocentes rebus suis etiam ipsa libertate quantum necessarium fuerit ad finem belli consequendum,

D. Ambros.

Genes. 14.

Bartolus.
Panormit.

Couarruias.

Molina.

D. Gregorius.

dum, hoc est, ad plenariam satisfactionem iniuriæ, compensationem damnorum, punitionem delicti, & similia, ratio huius est quia tota Respublica hostium iniuste bellantium est tanquam vnum corpus delinquens, & nocens, cuius partes sunt etiam ipsi Innocentes, & ideo alia Respublica, quæ iuste aggredditur, potest exigere suum ius ab illo corpore atq; adeo à partibus illius, & ideo si non sufficiunt bona nocentium, potest sibi usurpare bona innocentium, quia etiam isti inter hostes computantur ad effectum integræ compensationis, unde cum Summus Pontifex in hoc bello (prout de omnibus iuste bellantibus tradunt communiter Doctores, quos sequitur Molina de Iustitia, & iure tractatu 2. disput. 117.) ius habeat accipere de bonis violatorum sacrę libertatis compensationem damnorum omnium, quæ intulerunt, necnon impensas omnes belli, impensarum nomine intelligendo (prout egregie adnotavit ibi Molina) non solum sumptus belli, sed etiam iustam mercedem pro laboribus, quos Duces, & Milites eius subierunt, & periculis, quibus se exposuerunt: manifestè efficitur, quod si ad hæc omnia resarcienda non sufficerent bona capta, posset etiam contra se

Molina.
Molina.

pu-

pugnantes captos in seruitutem redigere, ut sic fieret ei compensatio ad æqualitatem iustitiæ, prout in simili tradunt præcitati Doctores. Deinde dicendum esse reor quod, cum liceat Summo Pontifici in bello iusto vindictam sumere pro delictorum quantitate etiam si ita fuerit opus, plectendo eos qui delicta patrarunt, eorumue causa fuere. similiter etiam licebit eidem, eosdem libertate priuare sicut priuare potest alijs bonis, quæ vulgus vocat fortunæ, inter quæ ab omnibus connumeratur libertas: nec quidquam refert quod in Christianorum bellis Christiani in seruitutem non redigantur: nam cum id non iure diuino sed humano cautum sit ratione præscriptæ consuetudinis, rectè illam abrogare potest Pontifex, cum id opus esse in domino iudicauerit, prout Clem. V. fecisse cum quibusdam sacre libertatis violatoribus in simili controuersia commemorat Sabellius Decad. 2. lib. 1. Vbi post quã dixerat prædictum Pontificem egerimè tulisse Ferrariensem Ciuitatem ad Christi, & Ecclesiæ patrimonium pertinentem à quibusdam violenter vsurpari, subdit *per totam Europam hoc edictũ publicasse: nihil impune facturum qui sacram libertatem violantes in sua potestate*

Sabellius.

testate redactos pro seruis vendidisset Idq;
 sanè non factò solum, sed & iure fecisse Cle-
 mentem V. ex eo apertè constat, tum quia
 erat supremus iudex illius causæ, & sicut po-
 terat iustè malefactores vita priuare, ita & li-
 bertate. Tum quia vltra compensationem
 damnorum licitè poterat Pontifex sicut, &
 quilibet alius princeps bellum iustum gerens
 condignam, & integram vindictam sumere
 pro iniuria Ecclesiæ illata, quam certè non
 excedit poena seruitutis aliquorum; Ergo
 rectè poterat hoc genere supplicij aliquos af-
 ficere. ac tandem generaliter loquendo, quo-
 ties contigerit, & si quod tam hostes proflig-
 entur, & bonorum iactura refarciatur, non
 tollitur dedecus, aut sufficienter non com-
 pensatur iniuria, & contumelia accepta, cer-
 te Princeps bellum iustum gerens, ad quem
 spectat honorem, & auctoritatem suæ Rei-
 publicæ tueri, & conseruare, iustè procedere
 poterit ad captiuitatem, & seruitutem ho-
 stium, quantumcunq; Christiani sint, prout
 expresse docuerunt Innocentius in c. sicut,
 de iureiuran. & Bartol. in l. qui à latronibus
 de testamentis, & apertius ad huc in l. hostes
 column. 3. vers. *Et ideo puto quod Ciuitates.*
 Et quamuis Bald. in l. in adoptionem in ult.
 colum-

Innocen.
Bartol.

Baldus.

column. Codice de adoptionibus latè prædictam Bartoli sententiam confutet illam tamen sequitur in l. 4. Cod. de inge. & ma. ubi ait quod tempore suo, cum mortuus esset in captiuitate Comes Bergaminus de Martiano, & in ea condidisset testamentum, fuit magna exorta quæstio, eo quod mortuus erat Imperator, cum quo bellum gerebatur, antequam prædictus Comes caperetur, & propterea erat finitum bellum, & ideo fuerat licitum dicto Comiti testari: nam si captus fuisset ante mortem Imperatoris, fuisset sine dubio mortuus in seruitute, & non valuisset testamentum: Ecce clarè præsupponit Baldus Christianos in bello iusto fieri posse seruos capientium concurrentibus certis causis supra narratis, & ad idem etiam facit quod in. Andreas tradit Ioannes Andreas in Speculo. Inst. ædi. §. compendiosè vers. 15. Vbi adducit quæstionem de Henrico filio Federici Imperatoris capto à Bononiensibus, qui apud eos testatus, & mortuus est, & docet illud testamentum fuisse inualidum: ita referunt Aretinus in l. qui à latronibus. columna 2. de testamentis, & Petrus Bellinus Tomo 16. tractatum tractatu de re militari 4. parte tit. 1. Et quamuis verum sit, prædictos authores, & alios

Baldus.

in. Andreas.

Aretinus.

Petrus Bellinus.

alios etiam, tam Iurisperitos, quàm Theologos docere standum esse consuetudini de non redigendis in seruitutem Christianis in bello iusto captis ab alijs Christianis, Innocentius tamen Papa, & Bartolus supra relati id negant in bello indicto à Romano Pontifice, & meritò propter rationem supra tactam, quia cum illa consuetudo humano iure introducta fuerit, non ligatur illa Summus Pontifex, sed poterit certis causis concurrentibus hic, & nunc illam abrogare. Unde sicut omnes Theologi fatètur, quos sequitur Mag. Ban. 2.2.q.40.art.1.dub.12. quod sicut rebelles Apostatæ quantumvis de numero Christianorum, eo quod Baptismali, & indelebili caractere sint insigniti, in bello iusto capti rediguntur in seruitutem, priuanturq; priuilegio, quo in hac parte fruuntur Christiani in fauorem religionis introducto; ita etiam rebelles Apostolicis mandatis, & Romani Pontificis censuras contemnentes sacros canones violantes, ac Ecclesiasticam libertatem acriter labefactantes, ea Christianorum immunitate, & priuilegio, quod in iusto bello in captiuitatem, & seruitutem, non redigantur iustè priuari merentur à Romano Pontifice, tanquam à supremo sacræ

Innocentius.

Bannes.

M liber-

178 DE IVRE BELLI
libertatis vindice acerrimoq; Catholicę Ec-
clesiæ defensore.

*Fit satis quibusdam obiectionibus in contra-
rium probatae assertionis.*

Caput VII.



Paralip.

Duersus dicta in precedenti
capite, non me latet quædam
posse obijci; ex prædictis ta-
men facilè omnia dilui exi-
stimo: scio ergo posse obijci
in primis illud Paralipom. 2.

cap. 28. vbi cum Israelitæ ingentem captiuo-
rum numerū secum ducerent de Ierusalem;
propheta eis occurrit acriter increpans ca-
ptiuitatem illam, iussitq; omnes dimitti, *quia*
magnus (vt dixit) *furor Domini* imminet
vobis . Scio etiam non solū præualuisse
morem de non redigendis Christianis in ser-
uitutem, sed & id quoq; iure ipso caueri, vt
patet ex *l. si quis in genuam. S. finali. ff. de ca-*
ptiuis vbi habetur, quod in ciuilibus dissen-
sionibus, qui est alterutrius partis, non est in-
ter hostes connumerandus, ideoq; neque ca-
ptiuus efficitur, vnde Petrus Bellinus de re
militari, & habetur tomo 16. tractatum
huic

Petrus Bellin.

huic sententiæ adhærens, pro ea citat Salicetum in *l. ab hostibus* Cod. de postliminium reuersis, & Bartolum in *l. hostes* in vltimis verbis, & addit hæc sequentia *Hic mos præualuit, vidimus enim sæpius huiusmodi captiuos remanere liberos, imponi tamen eis iugum redemptionis quanti possunt, aut quanti conuenit, & interim sunt apud capientes iure pignoris argumento leg. 2. Cod. de postlimin. reuersis, & l. cum & postliminij, & l. præses, & l. finali. illo eodem titulo, quod etiam tenuit Aretinus in leg. qui à latronibus de testamentis, & si nolunt se redimere possint ad hoc compelli, ut dixit Salicetus in dicta l. ab hostibus Cod. de postlimin. reuersis. Hæc ille. Ac tandem, quia in nullo casu videtur licitum innocentes, & maximè paruulos, qui non sunt doli capaces, in seruitutem redigere quando bellum est contra Christianos, nam cum Pia Mater Ecclesia eos liberos per baptismum regenerauerit in filios, non apparet qua ratione licitè fieri possint serui, Nec iuuat respondere, quod sicut in fauorem fidei posteri hæreticorum priuantur hæreditate, & nobilitate paterna; sic isti propter delictum læsæ maiestatis Pontificiæ, & inobedientiam contra Sedem Apostolicam, pri-*

Bartolus.

Aretinus.

uari possunt libertate: hoc (inquam) nō iuuat propter rationis disparitatem, nam posteri hæreticorū, nullū ius habent ad bona paterna Patre viuo, vt de illis pro libito possint disponere: ac proinde bona, quæ auferuntur, nō erant eorum, sed ipsorum delinquentium: nobilitas etiam beneficio & fauore Principū acquiritur, & ideo ipsa ab illis priuari possūt: libertas autem est à natura: quod autem non lædantur in ea Christiani ab alijs Christianis, priuilegium est in fauorem Religionis Christianæ, & vt ipsa magis ametur, & omnibus sectis dignior ostendatur.

Ad hæc omnia sufficienter responsum esse arbitror ex supradictis præcedenti capite, nos enim non inficiamur sententiam asserentem in bello iusto contra Christianos non licere captos in seruitutem redigere, sed illam potius approbantes cum cōmuni Doctorum sententiā, tanquam veram per se loquendo, dicimus cū hoc rectè stare; quod si iniuria illata aliter ad æqualitatem compensari nō possit, quam per dictam captiuitatem & seruitutem, licitè à quocunq; Principe geratur bellum, in seruitutem redigi posse, hostes, cui sententiæ omnes Doctores vnanimi consensu video suffragari; dum dicunt li-

cere

cere Principi iustum bellum gerenti, ea omnia damna hostibus inferre, quæ necessaria fuerint ad integram, & æqualem compensationem illatæ sibi iniuriæ capiendam. Deinde etiam (iam dixi) cum iustum bellum geritur à Pontifice facilè illud priuilegium abrogare posse : imò addo, Christianos iniustum bellum gerentes contra Pontificem Romanum ipso facto priuari tali priuilegio in pænam rebellionis contra supremum caput Ecclesiæ, cum sit manifestum Schismatis principium, summæq; inobedientiæ non obscurum argumentum. Ad rationem etiam in contrarium supra adductam placet respondere mutuata solutione à Magistro Dominico Bannes primario olim Salmaticensis academix Theologiæ professore. Nam 2. 2. q. 40. art. 1. dub. 11. conclus. 3. loquens de bello iusto etiam contra fideles sic ait. *Licetum est in bello iusto expoliare, & in captiuitatem ducere innocentes, etiam illos, quos scimus esse innocentes, probatur primo ex usu gerentium bellum iustum, tam contra fideles, quam contra infideles, omnes enim ita faciunt. Secundo probatur : quia huiusmodi innocentes sunt partes Reipublicæ, contra quam est iustum bellum, & sunt filij, aut uxores,*

Reg. 23.

vel serui illorum, qui sunt innocentes; Ergo possunt puniri hac pœna., probatur consequentia, quoniam pœna amissionis bonorum plerunq; puniuntur filij pro parentibus, ut patet de hæreticis, & de illis qui sunt rei læsæ maiestatis, Et confirmatur ex regula 23. de Reg. iur. in 6. dum dicitur sine culpa neminem esse puniendum, nisi subsit iusta causa, ubi aduertere oportet non dici, non esse puniendos innocentes, sed exceptionem addi quando est iusta causa. Igitur cum subest iusta causa, scilicet delictum Reipublicæ, vel parentum rectè poterit infligi prædicta pœna, hætenus illæ. Addit tamen Gabriel optimam limitationem, quod si esset aliqua ciuitas illius Principis, contra quem iustum bellum geritur, quæ in bello non consensit, nec auxilium præbuit, nulla ratione liceret ei nocumentum inferre: quia nulla subest iusta causa eos puniendi. Sed posset adhuc quispiam argumentari in hunc modum aduersus supradicta. Nam si licet captiuare innocentes & spoliare, quia sunt partes Reipublicæ nocentis: ergo etiam licet eos occidere eadem ratione ad perfectam punitionem delicti, quod tamen constat esse falsum ex supradictis cap. 2. vbi ostendimus non licere

inno.

innocentes occidi directè, & ex intentione
in bello iusto.

Respondeo esse disparem rationem nam
vitæ non sumus Domini, aliorum autem bo-
norum, & libertatis, sumus Domini, & ideo
facilius potest quis spoliari bonis alijs, & li-
bertate, quam vita, & iure gentium introduci
potuit, vt innocentes, tanquam partes Rei-
publicæ puniantur in bonis, quorum habent
dominium, non verò in vita. sicut etiã ob de-
lictum patris, priuatur filius fama, honore, &
diuitijs, & posset etiam statui ius, vt priuare-
tur libertate, non tamen vnquam, quod pri-
uaretur vita, nisi propter proprium delictum
sic ergo in proposito &c.

*Eos qui in bello Romani Pontificis aduersus
sacrae libertatis violatores iuste in serui-
tutem redacti fuerint, mortaliter peccare,
si à suis Dominis fugiant, multiplici iure,
& ratione comprobatur. Cap. VIII.*



Cio nonnullos Theologos,
& Iuris peritos, quos sequi-
tur Magister Bannes 2. 2.
q. 40. art. 1. Couarr. lib. va-
riarum resolutionũ cap. 2.
n. 10. & in relectione super

Mag. Bannes.
Couarrubias.

M 4 regu-

Soto.

regulam, peccatum. parte. 2. §. 11. n. 6. Sot. lib. 2. de Iustitia q. 2. art. 1. in ea esse sententia captos in bello iusto, si inuenta occasione fugiant Dominos suos, nullum peccatum mortale committere, nec teneri ad restituendum illis aliquod pretium.

Turrecremata

Verum contrariam sententiam, affirmantem eos lætaliter peccare, cui nos etiam subscribimus, tuentur Turrecremata super textum in cap. *Ius gentium* distinctione 1. art. 4.

Syluester.

Nauarr.

& 5. Syluester verbo seruitus §. 3. Nauarr. in manuali cap. 17. n. 103. Vbi latius de hoc pertractat in vltima editione: eandem etiam

D. Antoninus.

Fortunium.

docet D. Antoninus 3. parte tit. 3. cap. 6. §. 4. quibus addo Fortunium in l. manumissiones. ff. de Iustitia, & iure. Et probatur primo, tū

Glosa.

ex glossa insigni in capite. *Ius gentium* quæ vniuersaliter affirmat Seruum in bello iusto captum peccare, si fugiat Dominum suum, tū quia in lege 3. Codice de seruis fugitiuis cauetur, vt seruus deprehensus in fuga, puniatur, vel amputatione alterius pedis, vel deputatione ad metalla: at tam grauis pœna non posset iustè imponi, nisi pro culpa lethali, maximè quod leges Codicis conditæ sunt à Principibus Christianis, & supposita iustitia, quæ in Christianorum bellis esse debet.

ber. Secundo quia possessor in prædicto casu de capto in bello iusto, erat verus Dominus, & legitimus possessor illius, & ipse fugiendo, se ipsum à Domino furatur, vt habetur l. 1. Cod. de seruis fugitiuis: ergo & peccat letaliter, & tenetur se ipsum restituere, nō solum ratione rei acceptæ, sed & ratione iniustæ acceptionis. Tertio quia captus in bello iusto, iustèq; in seruitutem redactus, eo ipso censetur damnatus iustè pœna perpetuæ seruitutis: at damnatus iustè ad pœnam, quæ ad ipsum spectet exequi, & implere, tenetur in foro conscientiæ eam exequutioni mādare, prout communis fert Doctorum Sententia, & patet in pœna exilij, & similiter in pœna carceris, qua iustè damnatus non potest licitè fugere, vt docent Thomistæ 2. 2. *Thomista.* q. 69. n. 2. Quarto quia vel ille fugitiuus consequitur libertatem per hoc, quod egrediatur fines eorum, qui illum iustè possidebant, vel non consequitur illam, quousq; ad suos perueniāt: si primum dicatur, sequeretur, quod talis seruus inuentus extra fines Regni, vnde est eius Dominus, non posset licite ab eo capi, quod nullus sanæ mentis cōcedet: Si autem dicatur secundum; sequeretur etiam aliud absurdum: nimirum quod

Tur.

Turca iustè captus, & fuga ad Regem Marrochensem perueniens, non consequeretur libertatè, sed teneretur sub peccato mortali, vel ad Dominum à quo fugit redire, vel ad Turcarum regnum peruenire. Tandè alij eandem assertionem probât ex eo, quod (experientia docet) seruos captos in bello iusto, si fugam arripiant, iustè à suis Dominis puniri: at iusta pœna præsупponit culpam: ergo culpabilis erit eorum fuga. Verùm hæc ratio non est omnino firma, quia prout rectè dixit Magister Bannes 2.2.q.40. art. 1. dubio penultimo, sicut propter bonū publicum vincti elapsi de carceribus puniuntur, licet iure & sine peccato id effecerint: ita in gratiam conseruationis rei suæ, potest Dominus seruum fugientem coercere, & debitis supplicijs afficere. In quo casu quamuis puniatur sine culpa, non tamen sine causa, & hoc sufficit, vt habetur in regulis Iuris in 6. Reg. 16. Quare firmiorem rationem esse putarem, quod si opposita sententia esset vera, sequeretur dari bellū iustum ex vtraque parte seclusa ignorantia: nam ille, seruus licitè fugit manus Domini, licitèq; se abducit à Dominio illius, & licitè etiam Dominus dum est intra fines sui Regni, illum comprehend-

Mag. Bannes.

hendit, & ad suam potestatem & possessionem reducit. Ecce igitur bellum iustum ex vtraque parte, cum ille licite fugiat, & hic licite persequatur. Deinde addo quia, ut constat ex cap. si quis seruum. 17. q. 4. & per varias leges. ff. de seru. fugit. & ff. de seruo corrupto, prohibetur, ne quis consulat fugam seruo, vel adiuuet illum fugientem: ergo si-
gnum est fugam illam non illi licere: nam ad actum licitum,liceret consulere, & adiuuare. Vnde in Concilio Gangrensi cap. 3. *Concil. Car.* prohibetur prædictum consilium. Verum rationes supra adductæ omnibus alijs firmiores sunt.

*Argumenta, quæ in contrarium probata
sententiæ obijci possunt, facile eno-
dantur. Cap. IX.*



Heologi initio præcedētis ca-
pituli relati cum Couarruias
loco ibidem citato, obijciunt
primo aduersus nostram sen-
tentiam, quod §. *item primo.*

Instit. de rerum diuisione. postquam dicitur
iure belli fieri hostes captiuos subdūtur hæc
verba, *quod si nostram potestatem euadant, &*

ad

Contra.

ad suos redeant pristinum statum recipiunt . adducunt etiam ad idem textum in l. nihil interest. ff. de captiuis, & postliminium reuerfis. necnon etiam l. 23. tit. 14. par. 7. legum Castellæ vbi habetur si Sarracenus iustè à nostris captus fugiat, eo ipso quod ad suos peruenit, consequitur libertatem, adeo ut si postea sua sponte regrediatur ad mercaturam inter nostros exercendam, cogi non possit ad pristinam seruitutem. ad quod etiam alludit l. 23. tit. 29. par. 3.

Respondeo ad hæc omnia iura, locum non habere; quando bellum contrariæ partis apertè est iniustum, cuius modi est contra Romanum Pontificem sacram libertatē defendentem, Maximè quod vniuersaliter loquendo illa non habent locum in foro conscientiæ, nisi in casu, quod bellum non esset, ita perspicuè iustum, quin pars altera formaliter iustè pugnaret, eo quod per se loquendo in dubio milites Regi suo parere tenentur : nā cum in eo euentu æqua sit conditio captiui, ac Domini sui, nec minus pertineat ad eum dominium, & possessio suæ libertatis, quam ad suum Dominium, eo quod tunc bellum sit iustum ex vtraq; parte ratione probabilis dubij, quod tunc intercedit; manifestè efficitur,

citur, posse pro iure suo subtrahere se à seruitute, fugereq; quocunq; velit. Ad leges autem Castellæ quæ manifestè loquuntur, quādo bellum est perspicuè iniustum ex parte aduersariorum, iustum autem ex parte nostra, respondet in hunc modum, Molina ubi *Molina* supra ad finem *dicendum est conditores illarum legum, secutos fuisse ius Casareum neq; contendisse constituere aliud nouum ius postituum in eo Regno: quare nec de illis in conscientia, aut exteriori foro, sicut nec de iure illò Casareo ea in parte est curandum, nisi forte iura illa seruarentur ne Sarraceni offenderentur arcerenturq; à mercatura, & commercio cum nostris atq; ne similiter, cum nostris agerent, qui aliquando fuissent ipsorum captiui manusq; eorum effugissent ad mercaturam, cum illis exercendam, aut ad aliquod aliud tempore pacis inter illos agendum reuerterentur* hactenus ille.

Secundo obijciunt quia nullus damnatur per leges ad hoc, vt sibi inferat supplicium, seque actiue compellat ad manendum in illo; sed vt patiatur illud; qua ratione in carcerati, licet alias propter bonum publicū puniantur si fugiant, reuera tamen absq; peccato possunt fugere; Ergo etiam serui solum

lum tenentur pati seruitutem, non tamen, non fugere, quando habeant medium opportunum. Respondeo quod seruitus potest considerari dupliciter; vno modo, vt poena; alio modo, vt debitum quoddam, quod ex Iustitia debet seruus suo domino. Quamuis ergo seruus non teneatur manere in seruitute quatenus poena est, quia nullus tenetur poenam Iudicis sibi inferre, sed illam pati, tenetur tamen ad seruitutem, quatenus debitum est ex iustitia. Dices ergo sufficiet quod seruus fugitiuus pecunia se redimat absq; eo quod redeat ad Dominium: quia sic faciet æqualitatem cum debito. Respondeo nullam esse consequentiam, quia cum inuito Domino aliquid aufertur ab eo, vsu non consumptibile, ex iustitia ei debetur idem numero, quod est illi ablatum, rationabiliterq; id Dominus postulat, cum vnusquisq; ius habeat ad rem suam recuperandam.

Tertiò obijciunt: nam hoc genus seruitutis, quod incurrit captus in bello iusto, quicumq; ille sit, est omnium nobilissimum, longeque differt à seruitute, quæ incurritur per venditionem; ergo talis captiuus poterit licitè fugere. Respondeo quod cum nobilitas huius seruitutis non extrahat illam ab essen-

essentiali ratione seruitutis ratione illius pertinet seruus ad suum Dominum tanquam res propria illius, atq; adeò se subtrahendo ab eo per fugam, subtrahit illi rem propriam ipsius Domini, Et consequenter tenetur se illi restituere. Sed dices seruitus hæc introducta est iure gentium. At inter omnes gentes, & apud omnes nationes videmus, quod multi serui fugiunt à suis dominis, neque aliquod pretium pro illis postulatur, aut datur; ergo ex communi vsu gerentium bella, introductum est, licitè posse seruos effugere suos dominos: neque aliquid eis in compensationem exhibere tenentur, Respondeo ex prædicto vsu nihil posse colligi aduersus nostram sententiam: nam cum vtraq; pars bellantium, siue vere, siue false, semper iudicet iustum bellum gerere, consequenter etiam iudicat licitè fugere seruos, neq; ad aliquam restitutionem teneri, quod cum etiam probe nouerit altera pars iustè bellantium, nihil ab alia restitui postulat non quia iure id non posset, sed quia meritò petitionem suam frustaneam fore non dubitat.

Qui-

Quibus bonis licitum sit expoliare sacrae libertatis violatores in bello, à Romano Pontifice contra illos inito.

Caput X.



Vm inter bona cuiuscunque Reipublicæ, quædam sint immobilia, & quædam mobilia. In primis dicendum censeo cum communi Theologorū, quos sequuntur vnanimiter

D. Thom.

interpretes D. Thomæ 2.2.q.40.art.1. Quod loquendo de bonis immobilibus, cuiusmodi sunt Vrbes, Oppida, Arces, Agri, & similia, licitum est in Bello aduersus Violatores sacrae libertatis, omnia illa occupare, quantum necessarium fuerit ad compensationem damnorum illatorum, & iustam vindictam sumendam de illis, ita colligitur ex Deuther. 20. vbi datur locus in bello occupandi Ciuitatem, quæ pacem noluerit: & quidem si licet intraneos malefactores hoc genere supplicij punire, scilicet priuando eos domibus, & alijs bonis immobilibus, etiam id licebit in ordine ad extraneos: Verum tamen est non licere in vindictam occupare quantum viribus,

Deuther.

bus, & armorum potentia expugnari potuerit, sed quantum fuerit de iniuria; seruata æqualitate, & charitate. Non tamen per hoc nego, imò approbo quod ad parandam securitatem, & vitandum periculum ab hostibus, licitum est occupare omnia, quæ tunc ad prædictum finem necessaria videbuntur: ea tamen iusta addita conditione, quod postquam omnia fuerint composita solum ea retineantur, quæ pro compensatione damnorum, & impensarum, & iniuriæ vindicta suffecerint. Loquendo tamen de bonis mobilibus, nullum dubium esse potest, quin ad faciendam prædictam compensationem liceat expoliare suis bonis non solum nocentes, sed & innocentes; quando à solis nocentibus sufficienter sumi non potest: ita præcitati Do-
Caictanus.
 ctiores, & ratio est iam supra tacta. Quoniam tota Respublica reputatur hostis ad prædictum effectum, & ideò licitum est, eam punire in omnibus suis membris, quatenus partes illius sunt, quoad externa, & alia quæ vocant fortunæ bona: qua etiam ratione licitum est imponere tributum, ab omnibus partibus ipsius Reipublicæ soluendum: imò & ab omnibus successoribus quatenus futuri sunt partes eiusdem reipublicæ esto coope-
 N rati

*Molina;**Couarruuias.
Victoria.*

rati non fuerint ad eius delictum, ita notauit Molina vbi supra, qui ad id probandum optimam subdit rationem: nam vt constat ex communi sententia interpretum iuris Canonici in capite vnico de iniurijs, & damno dato lib. 6. quos sequuntur Couarruuias vbi supra, & Victoria de iure belli nu. 41. licitæ sunt represaliæ, hoc est, quod quando aliquis, aut aliqui de aliena Republica damnum intulerunt, & neque ipsi volunt satisfacere, neque Princeps, aut supremi Reipublicæ moderatores admoniti, cogunt illos satisfacere; tunc eo ipso Respublica tota in suo Principe, aut moderatoribus culpam contrahit fasque proinde est Principi contrario concedere suis subditis, vt faciant impignorationes in bonis subditorum alterius Reipublicæ vsque ad debitam compensationem, esto illi, quorum bona occupantur innocētes extiterint, cuius hæc præcipua ratio est, quod in huiusmodi subditis punitur Respublica, quæ quod tenebatur vindicare neglexit, vt tradit Diuus Augustinus, capite *Dominus*, 23. q. 2. Tandem loquendo de eisdem rebus mobilibus communis Theologorum, & Iuristarum sententia docet omnia talia bona, cuiusmodi sunt pecuniæ, gemmæ, vestes, aurum, argen-

Augustin.

argentum, & similia, iure belli esse ipsorum
 capientium, etiam si excedant compensatio-
 nem damnorum, & impensarum: ita tradunt
 Adrianus in materia de restitutione q. spe- *Adrianus.*
 ciali de bello. Syluester verb. *bellum primo*, *Syluester.*
 S. 1. & 9. conclus. 2. & 3. *Victoria de iure bel-* *Couarr.*
li nu. 51. Couarr. Relectione *super Regul.* *Victoria.*
peccatum p. 2. S. 11. nu. 1. & 6. Gabriel in 4. *Gabriel.*
 distinct. 15. quæst. 4. conclus. 1. Molina de *Molina.*
Iustitia, & *iure*, tractatu 2. disputat. 117.
 cōclus. 4. & Bannes vbi supra Dub. 10. concl. *Bannes.*
 3. Et probatur primo autoritate Diui Tho- *D. Thomas.*
 mæ: nam 2. 2. q. 66. ar. 8. ad primum, sic ait:
Si illi, qui depredantur hostes, habeant bellum
iustum, ea qua per violentiam in bello acqui-
runt, eorum efficiuntur, & hoc non habet ra-
tionem rapinae, unde nec ad restitutionem te-
nentur. hæc ille. Verum & ante eum, idem
 docuerat Diuus Ambrosius lib. 1. de *Abrabâ* *D. Ambrosius.*
cap. 30. in medio. tomo 4. vbi inquit: Cum
præda fuerit in potestate victoris, decet mili-
tarem disciplinam, ut Regi seruentur omnia,
scilicet ad distribuendum. Secundo proba-
 tur ex l. *si quid bello*, & l. *hostes ff. de ca-* *l. si quid bello.*
ptiuis, & post liminium reuersis, & l. *na-* *l. hostes.*
turalem S. ultim. & l. transfugam ff. de ac- *l. naturalem.*
quirend. rerum domin. & S. item ea qua *l. transfugam.*

ab hostib. instit. de rerum diuisione. Vbi hæc verba legimus, quæ ab hostibus capiuntur iu-

Caput insgen-
tium.

regentium nostra fiunt. Et in cap. Ius gentium distinct. 1. dicitur expressè: Ius gentium est

Deut. 11.

sedium occupatio, bella captiuitates seruitu- tes, &c. Cui consonat illud Deuther. 11. Om-

Deut. 20.

ne, quod calcauerit pes vester, vestrum erit. Et illud eiusdem Deuther. 20. vbi sacer te- xtus habet in hæc verba: Omnem prædam,

D. Ambrosius.
Gen. 14.

exercitui diuides, & comedes de spolijs hostiũ tuorum. vnde 23. quæst. 1. cap. dicat, Diuus Ambrosius ait, quod cum Abraham Gene- sis 14. occidit quatuor Reges præda fuit il-

Syluester.

lius, quamuis recusauit accipere. Tertio denique probatur, quia dato præda exce-

Bartolus.

dat damna, & impensas belli, tamen in pœ-

nam, & vindictam delicti. Ius gentium, hoc obtinuit, vt victi mulcerentur prædictis bonis

in actuali conflictu, nec illa computentur in-

ter partes satisfactionis illius rei, pro qua

bellum geritur. Vndè Syluester loco citato

dixit, quod capta in bello iusto non com-

pensantur cum debito principali, quod etiã

docuit Bartolus in dicta leg. si quid in bello,

quam doctrinam intelligo omnino veram cū

communi Theologorum, & Iuristarum. Duo

tamen illam infirmare videntur, alterum est,

quod

quod Aristoteles lib. 1. Politicorum cap. 4. *Aristoteles.*
ait, quod illa lex, quæ iubet, vt bello capta,
sint eorum, qui capiunt, à quibusdam repre-
henditur, tanquam iniusta. Alterum est,
quod in cap. Innouamus *de tregua, & pace* *Cap. Innouamus.*
Rustici pertinentes ad eam rempublicam,
quæ expugnatur, prohibentur spoliari bonis
suis, aut quidquam molestiæ eis inferri. Re-
spondeo Aristotelem ibi non loqui asserti- *Aristoteles.*
uè, sed recitatiuè referendo, quid alij sen-
serint. Ad Canonem verò dicendum est *Canon.*
primo Caietanum verbo *bellum* dubitare *Caietanus.*
an per contrariam consuetudinem vim suam
amiserit. Dicendum etiam secundo per il-
lum non prohiberi in bello inter Christia-
nos, ne vlllo pacto Rustici suis bonis spolien-
tur, sed solum iubetur, vt quando ad agri-
culturā egrediuntur, aut regrediuntur, vel in
agris cōmorantur, tam ipsi, quàm animalia,
quibus arant, & semina portant, debita se-
curitate gaudeant, ne alias publicum bonū
lēderetur manentibus agris incultis, vnde po-
stea fames grassari posset: per hoc tamen
non interdicitur, quo minus alijs eorundem
bonis possint spoliari; vt rectè obseruauit
Molina de Iustitia, & in re tractatu secun- *Molina.*
do, disputatione 121. in fine.

DE MODO, QVO PERSONÆ
Ecclesiasticæ, licitè possunt bellum
gerere, etiam manu propria.
Maximè contra Ecclesiæ
iura violantes.

LIBER QVARTVS.

*Ecclesiasticis personis nullo Iure naturali,
aut Diuino prohibitum esse bellum gere-
re. Caput I.*



IHI ad vltimam partem hu-
ius operis iā accedenti, duo
probare incumbit, quæ pro
eius complemēto merito de-
siderari poterant. Primum
est, nullo iure naturali, Eccle-
siasticis personis interdictum esse propria
manu bellum gerere: quod haud obscure
probari potest. Primo: quia illud iudicatur
esse ius naturale, quod per se notum est, aut
ex per se notis per euidentem consequentiā
dedu-

deducitur. Ita docent Sanctus Thomas 2. 2. *S. Thomas.*
 q. 57. art. 2. & 3. Et noster Scotus in 3. di- *Scotus.*
 stinctione 37. Vbi Maior, & alij permulti, *Maior.*
 & colligitur ex cap. *Ius naturale* 1. distin-
 ctione & l. 1. S. *Ius naturale* ff. de iustitia
 & iure. At non est per se notum, nec ex per
 se notis colligitur per euidētē consequentiā
 peccare personas Ecclesiasticas, Iusta bella
 gerentes: ergo non est id eis prohibitum,
 iure naturali: maior, cum consequentia,
 est nota, & minor probatur, quia si ex
 aliquo principio colligeretur maximè ex
 hoc, quod personæ Ecclesiasticæ sunt de-
 stinatæ ad officia sacra, & ad cultum Diui-
 num: ergo non debent se ingerere rebus bel-
 licis, hæc tamen collectio non concludit Iure
 naturæ, illis id esse prohibitum omni tempore
 sed vt plurimum eo dumtaxat, quo rebus
 sacris vacare debēt. Adde, quod cum bellum
 pro sacra libertate tuenda susceptum sit, bel-
 lum sacrum, certè vacare tali belli erit sacris
 vacare, Deinde quia quod Iure naturali pro-
 hibitū est, nullo tēpore licuit: Ius enim natu-
 rale ab exordio mūdi cōepit ligare, vt habe-
 tur 5. distinctione in princip. at olim licebat
 non solum infidelibus, sed, & fidelibus, leui-
 tis, & sacerdotibus pugnare, & occidere etiā

Exodi. proprijs manibus ; Ergo non est id prohibi-
 tum iure naturali : Consequentia huius dis-
 cursus, cum Maiori est evidens ; Minor vero
 constat apertè ex varijs testimonijs sacræ
Numerorum. scripturæ. Nam Exodi trigesimo secundo .
 hortatu Moyſis Leuitæ occiderunt ingen-
 tem ſuorum fratrum cateruam, Et Nume-
 rorum. 25. Phinees Sacerdos occidit Israeli-
 tam, rem habentem cum Madianita. Et 1.
1. Reg. 15. Regum 15. Samuel ſummus Sacerdos ſuis
 manibus concidit Regem Agar, & Mata-
 thias Sacerdos interfecit hafta quendam Ido-
 lis ſacrificantem, prout habetur 1. Macha-
 beorum ; ac tandem Diuus Petrus dum erat
 Pontifex Maximus Ananiam, & Zaffiram,
Actorum 5. ſuo verbo interfecit. Actorum 5. quicquid
 nonnulli aliter exponant, ergo id non fuit
 prohibitum iure naturali.

Secundum, quod me probare oportet, eſt,
 nec etiam Iure Diuino poſitiuo, illicitum
 eſſe perſonis Eccleſiaſticis, bellum gerere,
 quod multipliciter in hunc modum oſtendo.
 Primo quia tam in veteri, quàm in nouo te-
 ſtamento, nullum tale præceptum diuinum
 poſitiuum, id prohibens inuenitur : Si enim
 ex aliquo teſtimonio id apparenter colligi
 videretur maximè ex illo 1. Timoth. 3. Et
 ad

ad Titum 1. prout refert Gratianus 45. distinctione in princ. Vbi percutere prohibetur Episcopo; ex his autem non potest id colligi: Tum quia loca illa intelliguntur de percussore iniusto, Nos autem agimus de percussore in bello iusto, tum quia, vt rectè notauit Nauarrus 1. part. Consiliorum lib. 1. conf. 3. quod incipit *quidam ex illustrissimo Genere*. Ordinationes illæ Diui Pauli non omnes sunt Diuinæ, sed quædam humanæ, vt patet ex illa, qua ordinat, vt sit vnus uxoris vir, & ita non bigamus, per quæ verba, communiter docent Doctores, bigamiam inductam fuisse. At Bigamia non est Iure Diuino, sed humano tantum inducta, vt docet communis Doctorum sententia, cum Diuo Thoma Quolibet. 4. art. 13. Igitur ordinationes illæ Pauli humanæ erant, non Diuinæ, idem etiã docet expressè Bannes 2. 2. q. 64. art. 4. ad primam obiectionē vbi ait *Respondetur quod non omnia præcepta, quæ ab Apostolis suis temporibus sunt tradita ad bonam gubernationē Ecclesiasticam, censenda sunt de Iure Diuino; etenim præcipiebant quædam tanquam ordinarij Prælati Ecclesiæ* Ille etiã alius locus Matth. 16. quo Petro iussit Dominus gladium suum in vaginam conuertere,

1. Thimoth.
Gratianus.

Nauarr.

D. Thomas.

Bannes.

Matth.

re, per quod videtur interdicti Petro, & Summis Pontificibus, eius successoribus, facultas stringendi gladium, nihil concludit: Nam secundum sensum literalem, & iuxta expositionem Diui Augustini, prout refertur in capite, *Ille gladium accipit. 23. q. 4.* ibi non fuit prohibita iustaeductio gladij, sed iniusta, & indiscreta, vt patet ex subsequentibus verbis, *quia omnis, qui gladium accipit, gladio peribit*: manifestum est enim, hanc penam talionis non imponi, nisi iniuste accipienti gladium. Secundo probatur, quia personæ Ecclesiasticæ, etiam Episcopali dignitate fulgentes, possunt licite non solum milites ad bellandum hortari, vt constat ex cap. *Hortatu* & capite *Igitur 23. q. 8.* sed & illos ad fortiter pugnandum animare argumendo capite *Maximianus. 23. q. 3.* cui nõ obstat textus in capite *quod in dubijs. de* penis: vbi huiusmodi suasio prohibetur, nam loquitur de suasionem in bello iniusto, vt egregie notarunt Glosa, & Innocentius; ibi communiter recepti. At si Iure Diuino prohibitum esset Clericis bellare in bello iusto, certe non liceret eis hortari ad illud, nec interesse præliantibus, eosq; ad fortiter pugnandum animare. Tertio quia nõ magis prohibitum est

est

o

est Clerici iustum bellum gerere, quam sententia sanguinis, nocentem iustè damnare, aut patrocinari, testificari, acta facere, & alia similia media exercere, per quæ peruenitur ad sententiam sanguinis iustam, vt apertè colligitur ex capite *Sententia Sanguinis*. ne Cler. vel Mon. & cap. Prælati. de homicid. lib. 6. Et insuper etiã quanta irregularitas contrahitur ex illo, tanta ex hoc: at prædicta omnia nemine dissentiente non sunt iure Diuino prohibita: ergo nec istud. Vnde videmus; quandoq; Sanctissimos Pontifices iussisse quosdam maleficos mutilari, occidi, & comburi, quod tamen neutiquam ipsi facerent. Quarto quia actus belli de se licitus est: vt latè ostendimus supra lib. 1. c. 1. Ergo non est contra rationem naturalem, quod Clerici illum exercent. Vltimo idē probant Caietanus, & Nauarrus, ille quidem 2. 2. q. 40. art. 2. dum ait. *In primo casu Clerici non peccant pugnando manu propria; quia lex positiua, qua Clerici arcentur; ne pugnent manu propria venit ad casum, in quo si legislator adesset, dispensaret.* hæc ille per quæ expressè determinat, prædictam prohibitionem non esse iuris Diuini, sed humani cum dicat, legislatorem dispensare posse in ea.

Caietan.
Nauarr.

Nauarrus.

ea. Nauarrus ibidem loco supracitato ait :
eodem iure, quo inducta est irregularitas pro-
hibita est, & Clericis delatio armorum, & pu-
gna proprijs manibus exercenda in bello iusto
secundum omnium mentem. At in confesso est
apud omnes, quod irregularitas nō est inducta

Innocentius.

Iure Diuino, secundum Innocentium in cap.
Nisi cum pridem, de renunciatione, & in cap.
ad audientiam de homicidio : ergo ius huma-
num est illud, quo Clericis iustum armorum,
exercitum proprijs manibus vetatur. Hæc il-

Bannes.

le. Accedit ad hos Magist. Bannes 2. 2. q.
 40. art. 2. Vbi postquam statuerat bellare
 esse prohibitum Clericis Iure Diuino, vel
 naturali, sed solo iure positiuo Ecclesiastico,
 & probat tripliciter. *Primo nam in toto Euan-*
gelio id non prohibetur. Secundo quoniā ex
dispēsatione Pontificis potest clericus proferre
sētentiā in causa sanguinis; ergo potest bellare:
nam ita prohibitum est vnum, sicut aliud. Ter-
tio quoniam sic habet communis opinio om-
nium Theologorum, & Iurisperitorum. Hæc
ille, cuius etiam sententiæ consentiunt com-
muniter recentiores Thomistæ. Addo his
omnibus, quod licet personis Ecclesiasticis
in maioribus ordinibus constitutis, sit prohi-
bitum iure rātum humano exercitium belli,

atq;

atq; adeo bellâdo sine dispensatione Romani Pontificis peccent mortaliter; secus tamen est de Clericis in minoribus cōstitutis, quos bellando censeo non peccare mortaliter, ad quod moueor. Primo quia tam prohibitum est Clericis causam sanguinis agere cap. *his à quibus* 23. q. 8. quam bellare: sed Clerici in minoribus cōstituti causam sanguinis agētes, non censentur peccare mortaliter, vt omnes fatentur; Ergo nec etiam si bellent. Secundo quia non minus dedecet offitium Clerici ducere vxorem, quam bellare, sed non peccant mortaliter ducendo vxorem, vt omnes nemine discrepante fatentur; Ergo neq; bellando. Vnde Magister Bannes 2. 2. q. 4. art. 2. dub. 1. conclus. 1. ait, quod Leges, quæ prohibent bella Clerici, vel intelliguntur tantum de his, qui sunt in maioribus constituti, vel sunt abrogatę quātum ad eos, qui sunt in minoribus constituti; id autem quod addit ex quorundam sententia asserentium prædictos in minoribus constitutos bellando venialiter peccare, mihi non probatur, nam cum bellare secundum se sit licitum, si aliunde nullo lure, aut Canone illis prohibeatur, licitè bellare poterūt atq; adeo absq; peccato veniali.

Mag. Bannes

Qua

Quæ prædictæ assertioni aduersantur diluuntur, simulq; conciliantur verba illa: Qui non habet gladium, vendat tunicam, & emat cum illis: Mitte gladium tuum in vaginam &c. Caput II.

Lucæ. 22.
Matth. 26.



Interpretatio

Gratianus.

Matth. 26.

Vidam Canonistæ, quos sequutus fuit Cardin. Turre cremata cap. Clerici dist. 50. opinati sunt Iure Diuino, ac naturali prohibitum esse Clericis propria manu bellare, ad quod mouentur. Primo propter Gratianum qui 23. q. 8. cap. de Episcopis hæc profert verba. *de Episcopis, & quibuslibet Clericis, quod nec sua authoritate, nec authoritate Summi Pontificis, arma sumere valeant, facile probatur ex illo. Matth. 26. Mitte gladium tuum in vaginam, quod certe à Christo dictum est Petro nomine Clericorum, & Episcoporum; Ergo, si per dispensationem Pontificis non possunt Ecclesiastici bellare, manifestè relinquitur id esse de iure naturali, Diuino, aut positiuo: nam super ius humanum rectè posset dispensare Pontifex.*

Verum ad hoc respondeo intelligenda esse

esse verba Gratiani, non de necessitate simpliciter, sed de decentia, quatenus dedecet ministros altaris bellâdi exercitio, & effusioni sanguinis vacare, vnde solum vult, quod seclusa necessitate, nec propria, nec Pontificia authoritate decenter, & congruenter bellare possunt Clerici, non tamen negat Pontificem simpliciter, & absolutè dispensare posse cū illis. Vt testimonium autem à Gratiano adductū, melius intelligatur, aduerte-
re oportet, Euangelistas Diuum Lucam, & Diuum Matthæum, duo referre, dixisse Christum Dominum paulò ante passionem, quæ inter se pugnare videntur, primum est illud Lucæ 22. *Qui non habet, vendat tunicam suâ,*
& *emât gladium;* secundum est illud Matthæi 26. *Conuerte gladium tuum in vaginâ.*
Ex quibus quidam inferunt, primo istud præcepisse Apostolis, vt persecutionis tempore se munirent, quod Vgoni Carenfi perperam tribuit Erasmus in annotationibus ad prædictum locum, tamen Sixtus Senensis lib. 6. annotatione 156. ab hac calumnia illum vindicat dicēs, eum affirmare Christum tribuisse potestatem Apostolis, & Ecclesiæ ad vtendum gladio in defensionem Ecclesiæ, non verò præcepisse, vt per se ipsos id facerent.

Luc. 22.

Matth. 26.

Vgoni Caren.

Sixtus Sen.

possunt

possunt enim se defendere per manus sæcularium. Beda autem, & Diuus Ambrosius in Lucam opinantur Christum Dominum voluisse, vt eius discipuli armis munirentur, non vt illum defenderent, sed vt ostenderent potuisse se defendere, noluisse tamen; Diuus

D. Basilus. Basilus verò in compendio quæstionum Selectarum quæst. 251. ait sermonem Christi Domini non esse præceptium, sed, quasi

Erasmus. propheticum, Erasmus deinde censet exponendum esse prædictum locum de gladio spirituali tantum, sed hæc expositio non est iuxta

D. Chrysost. literam, tandem Diuus Chrysostomus

Theophylact. homil. 85. in Matth. & Theophylactus super prædictum locum interpretatur verba Christi non continere præceptum, nec permissionem, sed fuisse quandā phrasim, & modum loquendi ad declarandum acerbissimam persecutionem, quæ illis instabat, in qua si modo humano agendum esset, necessariū erat vendere tunicam, & præparare arma, & instrumenta bellica. Ex secundo tamen loco Diui Matthæi quidam perperam colligebant omnino prohibitum esse bellum, & maximè Clericis in quam sententiam contendunt trahere Origenem, & Euthimium

Origenem.
Euthimium.
D. Ambros. ibidem, & Diuum Ambrosium Lucæ 22. Verum

rum ab hac calumnia iam supra eos libera-
uimus capit. 2. obiect. 3. dicendum igitur est
iusta mentem Diui Augustini lib. 22. contra *D. Augustin.*
Faustum, quem sequitur Diuus Thomas 2. 2. *D. Thomas.*
quæst. 40. art. 1. verba illa à Christo Domino
dicta Petro, non esse limitanda ad Clericos:
quia germanus eorum sensus est, quod qui
propria, & priuata autoritate alium occi-
dit dignus est, vt eadem poena ipse afficia-
tur, quam doctrinam manifestum est latè
patere, tam ad Clericos, quàm ad Laicos.

Secundo impugnatur eandem sententiam
ex Diuo Thoma 2. 2. quæst. 40. art. 2. in hūc *D. Thom.*
modum. Bellica exercitia pugnant ex natu-
ra rei cum illis officijs, ad quæ Episcopi, &
Clerici deputantur; ergo iure naturali sunt
illis prohibita. Consequentia est nota à sibi
mutuo repugnantibus l. *ubi repugnantia ff.* *l. ubi repu-*
de regul. iur. & cap. *sollicitudinem* de appel- *gnantia.*
lationibus. Antecedens autem probatur ex
eodem Diuo Thoma, primo generali ratio-
ne, quia bellica exercitia maximas inque-
tudes pariunt, vnde multum auocant ani-
mum à contemplatione diuinorum, à laude
Dei, & oratione pro Populo, quæ ad offi-
cium pertinet Clericorum, & ideò sicut nego-
tiationes propter hoc, quod nimis implicat
O animum,

Timoth.

2 Cor. 11.

animum, interdicuntur Clericis. Ita & bellica exercitia, secundum illud 2. ad Timoth. 2. *Nemo militans Deo, implicat se secularibus negotijs.* Secundo propter specialem rationem: nam omnes Clericorum ordines, ordinantur ad altaris ministerium, in quo sub sacramento repræsentatur passio Christi, secundum illud 1. ad Corinth. 11. *Quotiescunque manducabitis panem hunc, & calicem bibetis, mortem Domini annunciabitis donec veniat.* Et ideò non competit eis occidere, vel effundere sanguinem, sed magis esse paratos ad proprii sanguinis effusionem pro Christo, vt imitentur opere, quod gerunt ministerio. Et hinc institutum est, vt effundentes sanguinem, etiam sine peccato, sint irregulares. Nulli autem, qui est deputatus ad aliquod officium, licet id exercere, per quod suo officio incongruus redditur, vnde Clericis non licet omnino bella gerere, quæ ordinantur ad sanguinis effusionem.

Respondeo aliud esse habere facultates diuersas, ad operandum contraria, & repugnantia pro diuersis temporibus, aliud vti illis simul eodem tempore. Primum quidem prohibitum non est Iure naturæ, nec in natu-

turalibus, nec in moralibus, cum videamus Laicum habere facultatem seruandi continentiam, & ducendi vxorem, quamuis non possit vtrumque, simul eodem tempore seruare, & ita cui negatur hoc, non negatur illud; sic in proposito, quamquā ministrare altari, & bellare, pugnent inter se, quantum ad simultaneum vsum; non tamen pugnant facultates ad ista. Immò nec vsus earum, pro diuersis temporibus, vnde quamuis lacrymæ, & orationes sint arma sacerdotis, vt ait Diuus Ambrosius cap. *conuenienter* 13. D. Ambros. quæst. 8. id tamen non obstat, quo minus secundum exigentiam rei, vti possit armis materialibus absque aliqua iuris naturalis, vel diuini positiui violatione, vnde Nauarrus Nauarr. tomo primo Consiliorum lib. 1. cons. 3. num. 12. ait: *Certum est quod Papa habet facultatem bellandi, & pacandi, occidendi, & parcendi, pugnandi, & orandi, licet eodem tempore, & eodem respectu circa idem, non possit simul vtrumque facere.* Concludo ergo rationes illas Diui Thomæ non probare, ex D. Thomas. natura rei esse illicitum Clericos bellare, sicut nec probant illicitum esse, quod sint Iudices, Medici, vel Aduocati, de quibus etiam procedunt dictæ rationes, sed solum.

D. Thomas.

concludunt (nec aliud intendit Diuus Thomas) congruum, & rationabile esse ius humanum prohibens Clericis bellare, seclusa necessitate, vt habetur 23. quæst. 8. per multa capita.

Iure dumtaxat humano prohibitum esse Clericis propria manu bellare, & qua ratione id licitè efficere possint, non obstante tali iure. Cap. III.



VAMVIS nullo iure diuino, aut naturali prohibitum sit Clericis personaliter bellare, vt supra ostensum est. Iure tamen humano cautum est, ne id faciant,

Concil. Tol. 4.
Concil. Meld.

vt patet ex Concilio Toletano, & Concilio Meldensi, & ex multis Pontificibus relatis 23. quæst. 8. per multa capita, specialiter tamen ex Nicolao Papa capite *Clericus* distinctione 30. vbi prohibet Clericum, qui in bello Paganum occiderat; ad altiore gradum ascendere, iubetque illum in gradu iam habito manere suspensum: *Quia Clericis, inquit, bellum gerere non licet.* Vndè fateor hanc prohibitionē esse antiquissimam in Eccle-

Nicol. Papa.

clesia, & in dictis capitulis non poni, vt ius nouum, sed exprimi tanquam antiquum, de quo videndi sunt Cardinalis Turrecremata 23. quæst. 8. Syluester verb. *bellum* Sotus lib. 5. de *Iustitia* quæst. 1. art. 4. Franciscus Arias de *bello* nu. 6. vbi adducit Ioannem Papam. qui Angelbergæ Imperatrici excusans Ioannem Episcopum remoueri de militia dicit: *Nimium certè veretur, & iure formidat contra professionem sui ordinis secularem militiam exercere, terram defendere, de prælijs tractare*: Et Diuum Ambrosium dicentem: *Non pila quærunt ferrea, non arma Christi milites*. Item adducit Nicolaum Papam ad Carolum Imperatorem, cui hæc scripsit: *Reprehensibile valde constat esse, quod subintulisti dicendo maiorem partem Episcoporum omnium diu noctuque, cum omnibus alijs fidelibus tuis contra Piratas Maritimos inuigilare*; refert etiam Gregorium dicentem: *Si in morte Longobardorum me miscere voluissem, gens neque Ducem, neque Regem haberet, sed quia timeo Deum in morte cuiuslibet hominis me miscere formido*. Ac tandem videri potest Iuo Carnotensis de vita Clericorum, vbi refert verba Concilij 4. Tolletani canon. 44. His tamen Iuris, & Patrum

Turrecr.

Syluester.

Sotus.

Franc. Arias.

Ioan. Papam.

D. Ambrosiū.

Nicol. Papam.

D. Ambros.

Nicol. Papa.

D. Gregor.

Iuo Carnot.

Conc. Tollet.

D. Syluester.

testimonijs non obstantibus in multis casibus licitum est Clericis non solum bellum indicere, sed & propria manu bellare. Et quidem de indiçtione belli, id fatentur omnes præcitati Doctores cum Syluestro verb. *bellum* 3. quæst. 1. dum aiunt Clericum habentem dominium temporale in Republica perfecta, posse indicere bellum iustum, & Ducem constituere ad eum certè modum, quo potest Iudicem creare, qui ius dicat in causa sanguinis; licet alias id Clericis per se loquendo sit prohibitum, cuius doctrinæ ea præcipuè ratio à Doctores adducitur, quod ad Rempublicam perfectam pertinet posse bella mouere, alias non esset sibi sufficiens. Igitur cum tota potestas Reipublicæ sit in Principe manifestè consequitur prædictum Clericum habentem dominium temporale in Republica perfecta, posse propria auctoritate bellum gerere. Quod autem propria manu id aliquando efficere liceat, patet primo in casu quo Summus Pontifex dispenset ad id efficiendum: cum enim præceptum abstinendi à bellis non sit iuris diuini, naturalis, aut positiui, sed humani tantum, subiaceret sine dubio dispensationi summi Pontificis ex causa rationabili, vt præcitati Do-

cto-

ctores ingenuè fatentur . Idque patet ex cap. *quo ausu* 23. quæst. 8. ubi Gelasius Episcopo ait: *Quo ausu, qua temeritate rescribis Ravennam te parare proficisci, cum Canones euidenter præcipiant, nullum omnino Pontificum, nisi ante visis, atque consultis ad comitatum debere contendere.* Ecce supponit id, quod alias prohibitum erat per Canones licitè fieri posse ex consultatione Pontificis . Nec oppositum docet Gratianus, ut nos latè ostendimus supra cap. præcedenti . Secundo erit licitum Clericis bellare manu propria, etiam non obtenta dispensatione Pontificis, in casu quod Respublica esset in extrema, vel grauissima necessitate. Ita Caietanus, Magister Bannes, & reliqui Interpretes Diui Thomæ 2. 2. quæst. 40. art. 2. Et ratio ipsa id suadet, quia sicut gratia non destruit naturam, ita nec lex Ecclesiastica destruit naturalem, sed lex naturalis inclinat, & præcipit hic, & nunc pugnare cum hostibus, quia vnusquisque iure naturali tenetur defendere suam Rempublicam: igitur in tali casu licitum est Clericis bellare absque obtenta formali licentia, virtualis enim licet non esset necessaria, in simili tamen casu semper adest, quoniam euident

t. que ausu.

*Bannes.
Interpreti
D. Thomæ.*

Bannes.

est, quod si tunc adesset legislator Pontifex
 vellet Clericum in eo casu bellare, vnde re-
 ctè intulit Magister Bannes præcitato loco
 dub. 2. Non solum posse Clericum in prædi-
 cto casu licitè pugnare, sed ad id teneri: nā
 lex Ecclesiastica non deobligat aliquem ab
 eo, quod secundum legem naturæ tenetur
 facere. Igitur cum vnusquisque iure natu-
 ræ teneatur defendere suam Rempubicam,
 etiam Clerici in defectu Sæcularium, id ef-
 ficere poterunt, quod non solum verum esse
 iudicat de bello defensiuo, sed & offensiuo,
 vnde subdit: *Si esset extrema, vel grauif-
 sima Ecclesiæ necessitas, vel quando inde per-
 ueniret pax, vel maxima utilitas status Chri-
 stiani &c. in tali casu possent pugnare.* Idem
 docet Molina de iustitia, & iure tract. 2. di-
 sput. 108. §. sunt. vbi ait: *Sunt verò aliqui
 casus, in quibus Clericis licitum est pugnare.
 Primus, quando Clericus non potest aliter cō-
 seruare propriam vitam. Secundus quando
 id necessarium esset ad defensionem Reipublicæ
 patriæ, aut ciuitatis. Tertius quando id opus
 esset ad consecutionem iustæ victoriæ, à qua
 pax, & bonum commune Ecclesiæ pendet.
 Quartus quando Clericus sine notabili suo pe-
 riculo interficere posset nocentem, idque*

Molina.

ne-

necessarium omnino esset ad defendendam vitam innocentis. Quibus casibus potest addi alius, quando scilicet opus esset in hostes mittere bombardas, & solum Clerici illas aptè dirigere possent, neque obstat textus in *cap. sententiam*: ne Clerici, vel Monachi, vbi inter alia quæ propter sanguinis effusionem Clericis prohibentur dicitur: *Nullus quoque Clericus ruptariis, balistariis, aut huiusmodi viris sanguinum præponatur*. Quibus verbis prohibentur præfici in bello, etiam iusto, ijs qui machinas ad rumpendum murum mouent, aut quouis alio instrumento pugnant: ergo à fortiori est illis prohibitum mouere prædictas machinas. Hoc, inquam non obstat, quia vt supra dictum est, cum id sit præceptum iuris humani, nõ potest derogare iuri naturali, in eo autem casu ius naturale præcipit prædictas bombardas dirigere. Vndè cum iuxta communem Theologorum sententiam, quando duo præcepta occurrunt, quæ non possunt simul impleri, maius deobligat à minori, & in prædicto casu sint duo præcepta, vnum naturale defendendi Rempublicam, & aliud positium humanum, bellandi vsum Clericis interdicens: manifestè efficitur per præceptum naturale,

turale, quod est maius tolli obligationem humani, quod est minus. Propter has igitur causas, quamvis armorum usus, & profana militia à Sacerdotum munere aliena esse videatur. Multi tamen Clerici laudabiliter pro patria, & Ecclesiæ libertate acriter in bello dimicarunt. Nam (vt author est Polidorus Virgilius) anno circiter 1347.

Eduard. III. Eduardus III. Angliæ Rex Clericorum conscripsit exercitum aduersus Scotos Britannia Insulæ prædatores. Et Aeneas Silvius

Aeneas Silu.

in historia Bohemica cap. 25. refert Bisetislaum Pracensium Antistitem, peritia rei militaris Boemicum Regnum per sexdecim annos ab externa armorum vi illæsum conseruasse. Et Paulus Tomoræus Collocensis Episcopus, ac Franciscanus Cœnobita, prout describit Iouius in libro de rebus turcicis.

Iouius.

Io. Carauajal. Hunnorum copias duxit in Solimanum Turcarum Imperatorem. Et Ioannes Carauajal Hispanus Cardinalis Sancti Angeli, cum

Io. Capistran.

nostro Ioanne à Capistrano viro sanctissimo, & in Beatorum numerum redacto, ad Albā Græcam, eductis copijs profligauit Muhammedem, Othomanici Imperij Principem.

Franc. Ximenez Card.

Noster etiam Frater Frâciscus Ximenez Romanæ Ecclesiæ Cardinalis, & Archiepiscopus

pus Toletanus, insignem victoriã, cum cœpit Oram, reportauit, solitusq. erat dicere, nō minus bene sibi olere igneum puluerē in bello, quam thus in Ecclesia igni admotum.

Henricus etiam Cardinalis Pontificius in, *Hen. Cardin.*

Angliam legatus, numerosas militum Turmas aduersus Boemos misit, & Anno Domini 637. cū milites Mauritij Chartularij, auctoritate, ad diripiendum Thesaurum Ecclesiæ Lateranensis properarent, à Clericis,

Mauritius.

cum armata Iuuenum manu, qui à Seueriano Papa, re præuisa coierant, acriter repulsi, eo prorumpere nequiverunt, vt refert Stephanus Valentinus de potestate coactiua,

Stephanus.

cap. 9. n. 9. Atq; ex prædictis omnibus colligo licitum esse Clericis consulere, & mone-
re Principes, vel milites seculares ad bellum iustum: pro quo aduerto hanc persuasionem dupliciter fieri posse, vno modo ante congressum belli, & hoc sine dubio licet, quia non est de se malum, nec est prohibitum in iure:

quinimo persuadetur multis exemplis Pontificum, Gregorij, Leonis, Calixti, & aliorum, quæ habentur 23. q. 8. specialiter cap. *quicumque ex Clero*, vbi dicitur *Sacerdotes propria manu arma arripere nō debent, sed alios ad arripendum ad oppressorum defensionem*

Gregor.

Leo.

Calixtus.

atq;

atq; inimicorum Dei impugnationem eis licet hortari. Ex varijs etiam Historijs quas longum esse per censere constat fuisse vſitatum apud Pontifices incitare Principes ad bella iuſta, nec tunc perſuaderetur perfectè homicidium: ſed ſolum perſuaderetur actus Iuſtitie ſicut licet perſuadere Iudici, vt Iuſtitiam amplectatur, quod licitum eſſe, nemo inſiciabitur. Alio autem modo poteſt fieri hæc perſuaſio in ipſo actuali congreſſu, vt ſi Clericus tunc exhortetur milites ad agendum fortiter, & hoc etiam modo licitum eſſe communiter docent Doctores propter rationem ſupra tactam; quia illud non eſt de ſe malum, nec iure aliquo prohibitum; immo iura abſolutè dicunt licere exhortari ad bellum Iuſtum, nec dicunt ante, vel poſt congreſſum; quia utrobique eſt eadem ratio; cum hortatio ſit in genere ad pugnam, & ad fortiter agendum abſq; eo quod addatur interfice, aut mutila hunc: Ita docent Nauarr. in manuali cap. 27. n. 211. Molina de Iuſtitia, & Iure tractatu 2. diſputatione 108. §. *his nō obſtantibus*. Et alij Doctores ſupra citati, qui omnes cum alij ſtatim citandis docent licere Clericis intereſſe bellis, vt militibus ſubueniant ſuis exhortationibus, & abſolutionibus

Nauarr.

Molina.

bus sicut, & in veteri lege præcipiebatur quod Sacerdotes in Sacris buccinis in bello clangerent. Vnde quando in capite *quod in dubijs* de pœnis, damnantur Clerici qui alios incitant ad pugnandum, vel intelligendum est, de exhortationibus dicendo, trucidâ, interfice, & similia, vel de pugnationibus in bello iniusto, prout ibi etiam exponit Glosa. Nam qui exhortatur alium ad iustum bellum, æquiparatur homicidæ, & censetur irregularis iuxta textum in cap. *sicut dignum*. S. *si vero*. S. *ultimo* de homicidio: id autem quod significat Diuus Thomas 2. 2. q. 40. D. Thomas. art. 2. ad secundum, nimirum non licere Clericis bello interesse sine licentia superioris, quod etiam videtur colligi ex cap. *reprehensibile*, & cap. *quo ausu*, & cap. *si quis Episcopus* 23. q. 8. Verum est, loquendo de consensu saltem præsumpto Superioris, non de formali explicito, & expresso, vt rectè probat Molina loco supra citato his verbis. *Dicendum est, consensum, saltem præsumptum Superioris, sufficere, vt Prælati, & Clerici presentes esse possint bello, immò, & vt religiose, ac piè in ipsomet cōflictu excitent ad victoriam, & pugnam in genere, quando est aduersus Ecclesie, & fidei hostes; modo in particulari nō di-*

dicant : Interfice, aut mutila; sed vel fortiter age, vel ne succumbas, vel pugna strenue pro fide . Neq; aliud quam illud videtur voluisse Diuus Thomas in responsione ad secundum citata: Præsumptus vero consensus intelligi potest, quando Ecclesiastici accedunt sine detrimento propriarum ouium, & proficiuntur : vel ad subueniendum proximis in spiritualibus : vel quia præsentia Ecclesiasticorum, confert non parum ad defensionem Ecclesiæ, vel propriarum ouium ; vel boni communis : vel ad illius notabile augmentum . Eoq; plus locum habet præsumptus consensus Superioris , quando cum nihil occurrat unde contrarium sit credendum , non est facilis ad eum accessus, vt Prælatorum ad Summum Pontificem . Præsumptus vero consensus in re proposita pro expresso haberi debet, præsertim, cum ex præsentia, & adiutorio in bello iusto nulla incurratur irregularitas, vt sequenti capite dicemus . Sed posset quispiam aduersus traditam doctrinam in hunc modum insurgere : Non licet Clerico persuadere Militi, vt occidat hunc, vel illum hostem in particulari, vt omnes fatentur ; Ergo nec persuadere ei, vt fortiter se habeat in bello: probo consequentiam quia ideo il-
lud

Iud primum est illicitum, quia est causa occisionis. At etiam in secundo casu, est causa similiter occisionis. Nam regulariter loquendo, ex eo quod quis acriter, & fortiter pugnet, frequenter sequuntur occisiones multorum: ergo vtrumq; est illicitum. Respondetur negando consequentiam: Nam cum Clericus incitat aliquem ad alacriter pugnandum, sanè vtitur iure suo. Quare etiam si inde sequatur mors, non imputatur illi, nec reputatur voluntaria respectu eius. Nam ut esset voluntaria oportebat, quod posset vitare eam, & teneretur, quare tunc non est causa moralis, sicut neq; etiam censetur causa moralis occisionis Clericus, qui est Dominus Temporalis, dum constituit Iudicem, quamvis regulariter loquendo talis Iudex debeat occidere, vel mutilare malefactores, quia tunc creādo talē Iudicē, vtitur Iure suo.

Clericos in casibus, in quibus bellando non peccant, nullam prorsus irregularitatem incurrere occidendo, aut mutilando auctoritate, & ratione ostenditur. Cap. IIII.



Lurimos habet Aduersarios hæc nostra assertio, sed eos omnes deceptos fuisse euidenter (ni fallor) ex dicendis in hoc, & sequenti capite patebit, & quidem in primis, vt

ab auctoritate exordiar, propositam assertionem expressè tuentur ex Theologis. Syluester *ver. bellum* 3. q. 3. Victoria in commentarijs manuscriptis ad 2. 2. q. 40. art. 2. Molina de Iustitia tractat. 2. disput. 190. & alij multi moderni. Ex Iuristis autem illam sequuntur Fortunius relatus à Nauarro cap. 27. n. 2 13. Couarruias in Clementina *si furiosus* par. 2. §. 3. n. 2. & par. 3. §. 1. n. 5. Plaza lib. 1. de delictis cap. 28. Sed iam ratione agamus. Primo quia vt constat ex prædicta Clementina *si furiosus*, de homicidio, qui occidit aliquem in suam defensionem, cum moderamine inculpatae tutelæ, non incurrit irregularitatem. Ergo nec illam incur-

Syluester.

Victoria.

Molina.

Fortunius.
Nauarro.

Couarruias

currit, qui cum pugnare tenetur, occidit aliquem in defensionem Reipublicæ. Patet consequentia, quia commune bonum præfertur proprio, tanquam dignius, & excellentius, atque adeò maiori vinculo tenetur ad defensionem Reipublicæ, quam ad defensionem sui: ergo si defensio sui est exempta ab irregularitate, multo magis defensio boni communis.

Secundo, quia si in prædicto casu Clericus occidens in bello incurreret irregularitatem, hæc duo contradictoria essent simul vera, nimirum quod teneretur, & non teneretur in prædicto bello occidere; teneretur quidem, ut satisfaceret obligationi naturali defendendi Rempublicam, & simul etiam non teneretur, cum indè reddatur inhabilis ad officium, & ministerium presbyteratus exercendum. Quam tamen inhabilitatem iure diuino vitare tenetur: simul ergo dantur vera illa duo contradictoria, quod est manifestè absurdum.

Tertio, quia in prædicta Clemētina *si furiosus* de homicidio neutiquam statuitur novum ius, sed declaratur per epicheiam, nunquam fuisse mentem Ecclesiæ, ut qui alium occideret in propriam defensionem cum de-

P bito

bito moderamine incurreret irregularitatē, sed quando ius naturale sub peccato mortali obligat ad occidendum inuasorem Reipublicæ est longè maior, & vrgentior necessitas, non solum propter rationem supra tactā, quia bonum commune præferendum est bono particulari, sed quia in primo casu solum adest necessitas vitandi propriam mortem corporalem. In secundo verò vrget necessitas vitandi mortem spiritualem animæ: ergo multo magis per epicheiam interpretandum est, non esse mentem Ecclesiæ, vt Clericus in bello occidens in casu, quo ad id teneatur, ob defensionem Reipublicæ, incurrat irregularitatem. Minor & consequentia huius discursus sunt euidentēs, & maior de qua multi Thomistæ dubitant, est mihi omnino certa illamque docent Nauarrus cap. 27. nu. 211. Sotus 5. de Iustitia quæst. 1. art. 8. ad 3. Panormitan. cap. *sicut dignum* de homicidio nu. 14. Et constat apertè ex verbis illius Clementinæ dum ait: *Si furiosus, aut infans, seu dormiens hominem mactet, vel occidat, nullam ex hoc irregularitatem incurrit.* Ex quibus apertè patet, ibi non condonari ius cum propter prædictas actiones vtpotè non humanas, nunquam olim incur-

Nauarrus.

Sotus.

Panormitan.

Clementina.

incurreretur irregularitas.

Quarto probatur efficaci ratione (vt aiūt) ad hominem: nam Caietanus, & Nauarrus, & alij capite sequenti referendi, qui nostrā sententiam non probant, fatentur quod qui iure naturali tenetur denūciare de crimine, pro quo alius est interficiendus, non incidit in regularitatem, quamuis alias ex ea denunciatione sequatur mors denunciati, ad quod non alia ratione mouentur, nisi quia cum iure naturali teneantur sub culpa mortali denunciare, interpretandum est per epicheiā leges Ecclesiasticas, quæ iuri naturali præiudicare, nec debent, nec possunt; nulla ratione velle, vt in eo casu ille incurrat irregularitatem. At in casu nostræ assertionis Clericus tenetur iure diuino, & naturali mutilare, & occidere pro defensione Reipublicæ: ergo pari ratione non incurreret irregularitatem. Et quamuis isti casus videantur alicui dissimiles, quia in isto Clericus per se occidit, in illo verò non per se, sed per Iudicem; tamen rationes Caietani 2. 2. quæst. *Caietanus.* 33. art. 7. Quibus probat Clericum denunciantem non esse irregularem, probant etiam quod Clericus, qui ex præcepto iuris naturalis præliatur non sit irregularis. *Quoniam,*
P 2 ait,

ait, non est rationi consentaneum, quod Ecclesia voluerit arcere suum ministrum à ministerio ratione actus, ad quem tenetur, sub mortali, nec etiam est rationabile, quod Clericus, qui non habet unde viuat, nisi ex suo ministerio, arceatur ab eo, & mendicatio viuat propter actum, quem absque peccato mortali omittere non poterat. Ac tandem quia nulla lex Ecclesiastica debet pugnare cū lege naturali, nec esse motiuum, ut lex naturalis violetur: at omnes istæ rationes (ut facile patebit discurrenti) eandem vim habent ad nostram sententiam comprobendam: ergo illa est vera, & prædicti authores (bona pace eorum dixerim) non sibi constant.

Quinto, quia imponere irregularitatem occidentibus in isto casu, non est aliud secundum rei veritatem, quam prohibere talem occisionem, sub poena irregularitatis ipso facto incurrendæ, unde talis prohibitio esset lex verè penalis: at Ecclesia non prohibet, nec prohibere potest, id quod ius naturale strictè præcipit: ergo Clerici in prædicto casu non incurrunt irregularitatē; alias Ecclesia puniret illos propter observationem præcepti iuris naturalis, & sic eos retardaret: immò & auocaret ab observatione illius,

illius, cum multi, ut vitarent illam poenam non vellent pugnare.

Sexto, nam vel illa irregularitas in prædicto casu oritur ex delicto, & hoc non, cum supponatur Clericum teneri ad occidendum in bello ex præcepto iuris naturalis: aut oritur ex defectu lenitatis, seu ratione significationis propter defectum mansuetudinis, & hoc etiam non, quia nemo dici potest minus perfectè mansuetus, & lenis ex eo, quod aliquid efficiat ex præcepto iuris naturalis cogente, sub mortali ad id efficiendum, dixique notanter: *cogente* propter iudicem, qui quamvis in occisione malefactorum non peccet: immò ad id teneatur ex iustitia; irregularitatem tamen incurrit, quia sicut voluntariè se subijcere voluit muneri, quod id habebat annexum: sic in radice, & in causa voluit actum, quo propter defectum lenitatis minus idoneus redderetur ministerio altaris. In nostro verò casu non se immiscuit sua sola voluntate muneri bellandi, sed ad id compulsus, & quodam modo coactus fuit præcepto iuris naturalis. Et hinc aliam rationem desumo in idem argumentum, quia ut communis fert Doctorum sententia in bello non incurritur irregularitas homicidij,

nisi homicidium sit voluntarium, sed quando quis præcepto compellente alterum occidit propter defensionem Reipublicę, aut boni communis, vel alterius rei similis, quasi coactè occidit : ergo non fit irregularis. Neque obstat si dicas etiam iudicem ex præcepto furem occidere, cum ad id teneatur ratione officij, & nihilominus fieri irregularē, quia vt nuper dicebam ad hoc, vt homicidium dicatur voluntarium, sufficit vt sit volitum in sua causa, quod re vera hic reperitur: nam licet habeat iudicis officium tamen non ita coactè, sed voluntariè suscepit illud vndè & illud posset tunc sine peccato mortali recusare, & ab eo desistere.

Septimo, nam si quis alterum non defendat cū possit, & ratione talis omissionis præcisè occidatur alius, fit irregularis : ergo si defendendo occidat nullam irregularitatem incurreret. Patet consequentia, quia incredibile omnino est, quod Ecclesia aliquem inhabilitet, si aliquid faciat, & similiter si non faciat: ergo si inhabilitat Clericum, quia non defendit mortem eius, quem defendere tenebatur ex cuius commissione mors alterius secuta est; manifestum est, quod non inhabilitabit eundem, si occidat defendendo.

do. Antecedens tenet Còuarruias 2. par. *CONARRUIAS*
 §. 3. nu. 7. Et docet Siluester verb. *homicidiũ* *Syluester.*
 3. q. 5. partic. 5. Angelus *homicidium* 1. §. 17. *Angelus.*
 Et Nauarrus cap. 27. n. 232. *NAUARRUS.*

Vltimo probatur, quia hæc sententia colligitur ex nouo iure, quod habetur in dicta Clementina vnica de homicidio. Vbi dicitur, quod nullam incurrit irregularitatem, qui mortem aliter vitare non valens, suum occidit, vel mutilat inuasorem, ex hoc enim sic argumentari licet, qui defendit seipsum cum debito moderamine si occidat, non incurrit irregularitatem, sed defendendo Rempubicam defendit seipsum tanquam partẽ illius: ergo defendendo Rempubicam, non est irregularis. Dices, id vt plurimum esse verum, quando Clericus tenetur ex iustitia defendere Rempubicam, eo quod est pars illius: tunc enim benè verificatur, quod defendens Rempubicam, defendit seipsum; secus autem, quando solum tenetur defendere Rempubicam ex charitate, quia scilicet non est pars illius, sed nihil sanè hoc refert, quia quando Clericus tenetur ex charitate defendere Rempubicam, certè licet non sit pars illius tamen defendendo eam simul etiam defendit seipsum, qui est in illa;

atque adeò censendum est in eo casu excusari ab irregularitate, nec refert etiam si quis dicat, quod ille aliter mortem vitare posset recedendo ab ea Republica. Quia certè id possumus, quod iure possumus, & cum ille non possit recedere ab ea Republica sine peccato, eo quod tenetur ex charitate illam defendere, iudicandum est, iuxta verba prædictæ Clementinæ, illum non posse aliter vitare mortem, atque adeò non incurere irregularitatem.

Sed posset quispiam à nobis merito quærere an id, quod huc vsq; diximus de Clericis, dicendum etiam sit de laicis? Quidam moderni respondent negatiuè dicentes Clericum non fieri irregularem in prædicto casu, secus verò laicum, & adhibent rationem differentiæ, quia Clericus habet iam susceptum ordinem, & ideo non videtur rationale, quod Ecclesia voluerit illum arcere à ministerio Ecclesiastico propter actum ad quem tenetur: Secus autem est de laico, sed certè hoc non videtur verisimile: quia si Clericus, & Laicus defendunt Rempublicam, rationi consonum est, quod si Clericus, qui est initiatus sacris, non sit irregularis ad exercendos ordines; nec etiam Laicus fiat irregularis.

gularis ad eos suscipiendos. Ideo alij dicunt rationem differentiæ esse : Quia Clericus nō tenetur ex officio bellare, Laicus verò tenetur ex officio post quam susceperit stipendium; & ideo Laicus defendendo Rempublicam fit irregularis, non autem Clericus : ceterū nec hæc ratio videtur satisfacere : quia Clericus dato nō teneatur bellare ex officio, post quā non suscipit stipendium, tamen si est pars Rei publicæ tenetur ex Iustitia illam defendere ; Et similiter Laicus non opus est quod semper teneatur ex officio, suscipiendo stipendiū; sed potest teneri vel ex Iustitia si est pars Reipublicæ, vel ex charitate si non est pars; Ergo &c. Quare cū non videatur aliqua ratio differentia esse in præsentī casu, inter Clericum, & Laicum, crediderim omnino dicendum quod siue oblatio defendendi Rempublicam oriatur ex Iustitia, aut ex Charitate, nullus illorum fiet irregularis. Moueor ad hoc primo quia Canones Ecclesiastici imponentes irregularitatem homicidijs indistinctè loquuntur, & ex æquo comprehendunt omnes tam sacris initiatos, quā non, initiatos, hos quidem, vt non promoueantur illos verò ne in susceptis ordinibus administrent; Ergo eodem modo se habet irregularitas

laritas in vtroq; : scilicet, vt pœna, aut solum
 tanquam impedimentum . Secundo probatur
 quia si irregularitas est pœna id habet respectu
 amborum . Nam sicut irregularitas priuat
 sacris initiatos actione debita in esse,
 scilicet ordinis vsu, ita etiam priuat non
 initiatos iure actuali, quod habebant, vt possint
 ordinari . nam ex vi receptionis Sacri Baptis-
 matis habent ius ad suscipiendos ordines,
 ergo respectu vtrorumq; habet rationem pœ-
 næ, & consequenter vtriq; excusabuntur ab
 illa quando nullam culpam committunt in
 occisione . Tertio probatur de irregularitate
 quatenus reddit inhabilem ad obtinenda be-
 neficia: nam nullum maius ius ad prædicta
 beneficia habet in se Clericus Sacris initia-
 tus, quam non initiatus ; Ergo si priuatio iu-
 ris obtinendi beneficium habet per irregula-
 ritatem rationem pœnæ respectu vnus, simi-
 liter illam habebit respectu alterius, & con-
 sequenter si Clericus prædicto modo in bel-
 lo occidens, non priuatur iure obtinendi be-
 neficia per irregularitatem, nec etiam Lai-
 cus . Atq; ex his omnibus colligo Clericum
 occidentem in bello, in quo ex dispensatione
 Romani Pontificis bellat, nullam incur-
 rere irregularitatem . Nam Pontifex tribuens
 licen-

licentiam exercendi aliquem actum cense-
tur dispensare in omnibus, quæ concomitan-
tur ipsum, & tollere omnia impedimenta
ad exercitium eius : Ita communiter Docto-
res, quos sequitur Bannes 2. 2. q. 40. art. 2. *Bannes.*
dub. 4.

*Referuntur, & refelluntur rationes proba-
tam sententiam impugnantes. Cap. V.*



Vidam Thomistæ acriter im-
pugnant nostram assertio-
nem putantes Clericos qui
pugnant etiam quando pu-
gnare tenentur fieri irregu-
lares si occidant, vel muti-

lent. Ita Caietanus 2. 2. q. 33. art. 7. *Caietanus.*
Nauarr. in manuali cap. 15. n. 2. & cap. 27. *Nauarr.*
n. 215. quos sequuntur Medina Reg. 4. & *Medina.*
ex professo Bannes 2. 2. q. 40. art. 2. dub. 4. *Bannes.*
S. tota autem difficultas. Nauarr. in manua- *Nauarr.*
li c. 15. n. 2. & c. 27. n. 215. Ad hanc sen-
tentiam amplectendam mouentur. Primo ex
Clementina, *si furiosus*, de homicidio : vbi
solū excipitur ab irregularitate homicida ra-
tione suæ defensionis, cum debito modera-
mine. At exceptio firmat regulam in cōtra-
rium;

rium; Ergo qui occidit alterum in defensionem suæ Reipublicæ verè incurrit irregularitatem, nec valet recurrere ad paritatem rationis, quia in his quæ sunt iuris humani standum est dispositioni ipsius legislatoris. Vnde cum legislator solum exceperit vnum casum, non debet extendi ad alium.

Secundo quoniam in præsentī, cum Clericus tenetur bellare irregularitas non consequitur ad peccatum: cum tunc occidens nullum committat, sed consequitur ad voluntariam occisionem, vel membri alicuius mutilationem. At in prædicto casu occisio, & mutilatio est voluntaria directè, non per se primo intenta, vt finis, sed vt medium ad defensionem Reipublicæ: Ergo verè incurrit irregularitatem.

Tertio quia quod Clericus in prædicto casu actum bonum, & obligatoriū exerceat bellando, & occidendo, hoc sanè non obstat, quominus incurrat irregularitatem ex defectu significationis mansuetudinis Christi Domini. Nam etiam Iudex proferens iustam sententiam mortis contra malefactores, exercet actum bonum, & obligatorium ex iustitia, & nihilominus incurrit prædictam irregularitatem; Ergo etiam illam incurrit Clericus
in

in prædicto casu. Hæc sunt quibus præfati Doctores nostram sententiam infirmare contendunt. Cæterum ex dictis in præcedenti Capite facilè omnibus illis occurrere possumus. ad Primum enim Respondeo, quod ut supra dixi ex multorum sententia, Pontifex non condidit nouum ius, sed solum declarauit Antiquum secundum id quod sibi certum erat, relinquendo ea, quæ inter Doctores in dubio versabantur. Vel Respondeo quod ibi solum est sermo de homicidio voluntario, illud autem quod fit præcepto compellente, & quodam modo cogente, præcisèq; ad defensionem debitam sui, vel aliorum, non censetur simpliciter voluntarium quantum opus est ad incurrendam irregularitatem ortam ex homicidio voluntario. Ad Secundum etiam Respondeo quod Iure Pontificio incurritur irregularitas ex homicidio voluntario, vel ex casuali, cum quis dat operam rei illicitæ, vel non adhibet diligentiam; in prædicto autem casu non potest dici voluntarium homicidium, est enim præter intentionem, neq; est casuale quia præuisum nec dat operam rei illicitæ, & ideo nulla tunc incurritur irregularitas, quæ etiam ratio probat in dicta Clementina *si furiosus* non fuisse

se conditum nouum aliquod Ius. Ad Tertium tandem iam supra dixi esse disparem rationem quia illa Iudicis obligatio non oritur ex naturali iure cogente illum ad munus Iudicis obeundum sed ex speciali obligatione talis officij, quod tamen exercere est illi voluntarium, & repugnans Iure humano statui Clericali.

Non solum Clericis in bello propria manu pugnantibus, sed alijs etiam ibi assistentibus licitum esse accipere de bonis, quibus hostes expoliantur.

Cap. V I.



D duas classes reduci possunt Clerici, qui in prælio adfunt, quidam enim propria manu bellant, alij exhortationibus, confessionibus, & alijs pijs operibus militantibus inseruiunt; si ergo loquamur de bellantibus propria manu, tunc distinguendum est, quia si licitè bellant, siuè id sit ex præcepto aliquo naturali, siuè ex dispensatione Romani Pontificis, dicendum est, quod si quid rapiant ab aduersarijs, non tenentur illud restituere, magis quam sæculares,

lares, ratio est, quia quicumque habet ius bellandi, habet etiam ius ad capiendas, & possidendas res aduersariorum, sed tunc Clerici habent ius bellandi: immò aliquando bellare tenentur: ergo habent ius capiendi, & possidendi bona aduersariorum non secus, ac alij Sæculares milites. Si autem Clerici non licitè pugnent, vtpote, nullo præcepto cogente, aut sine dispensatione Romani Pontificis, licet alias ex Licentia Principis, aut Ducis. Certè Syluester verb. bellum 3. quæst. 4. affirmat eos teneri ad restitutionem, si quid acceperint: *Quia qui non potuit, inquit, dare Clerico auctoritatem ad licitè bellandum, non potuit dare ad licitè rapiendum*. Atque adeò rapientes tenebuntur restituere: ego tamen crediderim illos non teneri ad restitutionem, ad quod ea ducor ratione, quod illi reuera non peccant contra iustitiam, nec faciunt hosti iniuriam, sed solum peccant contra obedientiam, violantes Sacros Canones Clericorum interdicentes exercitium belli. Ex obedientia autem, aut ex Religione, non oritur obligatio ad restituendum, vt per se notum est, & licet verum sit, quod Princeps non potuit dare Clerico facultatem ad bellandum licitè,

& sine

& sine peccato, potuit tamen dare auctoritatem ad bellandum sine iniuria tertij, nec ad hoc est necessaria alia donatio, vel consensus Principis, sed eo ipso, quod Clericus acceptatur, ut miles habet in hoc ius cum alijs militibus. Si autem loquamur de Clericis in bello existentibus, non tamen pugnantibus dicendum esse iudico ex tacita Principis voluntate licitum esse illis spolijs aduersariorum gaudere, nec ad ullam restitutionem teneri, ratio est, quia tales sunt valdè vtilis exercitui, & tanquam partes exercitus ad illum pertinent: atque adeò gaudere debent commodis belli, sicut & reliquæ partes exercitus. Fateor tamen, quod ut rectè notauit Molina de Iustitia, & iure tractat. 2. disput. 108. si fortè constaret de contraria Principis, aut Ducis voluntate, prædicti Clerici, si quid acciperent, tenerentur ad restitutionem ipsi Principi, aut Duci faciendam.

Molina.

Quam

Quam utile, & gloriosum sit militare in bello aduersus iura Ecclesie violantes.

Cap. Vltimum.



NON est animus Oratoris munus suscipere ad exhortandum milites acriter pugnare in bello pro illæsa conseruanda libertate Ecclesiastica; sed breuiter dumtaxat, vt iã

finem dicendi faciam in medium proferre, quæ Sacri Pontifices Nicolaus, & Leo, nec nõ Diuus Bernardus in hoc genere argumēti nobis scripta reliquerunt. Nicolaus ergo Papa exercitui Francorum scribens, prout refertur 23. quæst. 5. cap. *omnium*,

Nicolaus. PP.

Leo. PP.

D. Bernardus.

Nicolaus PP.

sic ait: *Omniū vestrum nosse volumus charitatem, quoniam quisquis in hoc belli certamine fideliter mortuus fuerit regna illi celestia minimè negabuntur.* Et Leo IV. prout

cap. *omnium.*

Leo IV.

refertur 23. q. 8. cap. *omni timore*, sic loquitur exercitui Francorum: *Omni timore, ac terrore deposito, contra inimicos agere viriliter studete, nouit enim omnipotens, si quilibet vestrum morietur, quod pro veritate fidei, & saluatione Patrie, ac defensione Chri-*

stia-

stianorum mortuus est, & ideò ab eo premium caeleste consequetur. Nec refert si quis dicat ibi agi de bello contra aduersarios fidei Catholicæ, quia quantum ad premium, etiam illud idem merentur, qui pugnant contra aduersarios sacræ libertatis. Sed iam audiamus Dicum Bernardum sermone exhortatorio ad milites templi cap. 1. *Si bona (inquit) fuerit causa pugnantis, pugna, exitus malus esse non poterit, & cap. 3. ait: Christi milites securi præliantur prælia Domini sui, nequaquam metuentes, aut de hostium cædè peccatum, aut de sua nece periculum, quandoquidem mors pro Christo, vel ferenda, vel inferenda, & nihil habeat criminis, & plurimum gloriæ mereatur. Hinc quippè Christo, inde Christus acquiritur: qui nimirum, & libenter accipit hostis mortem pro ultione, & libentius præbet seipsum militi, pro consolatione. Miles inquam Christi securus interimit, interit securior. Sibi præstat cum interit, Christo cum interimit. Non enim sine causa gladium portat. Dei etenim minister est ad vindictam malefactorum, laudem verò bonorum. Sanè cum occidit malefactorem non homicida, sed (ut ita dixerim) malicida, & planè Christi vindex, in his qui*
male

D. Bernardus.

4. Rom. 13.

male agunt, & defensor Christianorum reputatur. Cum autem occiditur ipse, non perijisse, sed peruenisse cognoscitur. Mors ergo quam irrogat, Christi est lucrum, quam excipit suum, ac tandem cap. 4. sic ait: Veri profecto Israelitæ procedunt ad bella pacifici. At verò ubi ventum fuerit ad certamen, tum demum pristina lenitate postposita, tanquam si dicerent. Nonne qui oderunt te Domine, Psal. 138. oderam, & super inimicos tuos tabescebam, & irruunt in aduersarios, hostes velut oves reputant, nequaquam, & si paucissimi, vel sauiam barbariem, vel numerosam multitudinem formidantes. Nouerunt siquidem, non de suis præsumere viribus, sed de virtute Domini Sabaoth sperare victoriam: cui nimirum facile esse confidunt, iuxta sententiam Machabæi, concludi multos in manu paucorum, & non esse differentiam in conspectu Dei celi, liberare in multis, & in paucis, quia non in multitudine exercitus est victoria belli, sed de celo fortitudo est, quod frequentissimè experti sunt, ita ut plerumque, quasi persecutus sit vnus mille, & duo fugarint decem milia. Ita denique miro quodam, ac singulari modo cernuntur, & agnis mitiores, & leonibus ferociores; ut penè dubitem, quid po-

tius censeam appellandos, Monachos videlicet, an milites, nisi quod utrunque forsā congruentius nominarim, quibus neutrum deesse cognoscitur, nec Monachi mansuetudo, nec militis fortitudo, de qua re quid dicendum, nisi quod à Domino factum est istud, & est mirabile in oculis nostris? hæc ille. Quibus nihil aliud subiungam, quam illud eiusdem Diui Bernardi loco citato cap. 1. Securi igitur procedite milites, & intrepido animo inimicos Ecclesiæ Christi propellite, certi quia neque mors, neque vita poterit vos separare à charitate Dei, quæ est in Christo I E S V; illud sanè vobiscum in omni periculo replicantes, siuè viuimus, siuè morimur Domini sumus. Cui sit honor, & gloria in sæcula sæculorum. Amen.

D. Bernard.

Omnia, & singula, quæ in hoc opere
continetur subijcio censuræ, &
correctioni Sacrosanctæ
Matris, Ecclesiæ catholicæ Roma-
næ.

IN-

INDEX HVIVS OPERIS

De Iustitia Belli Romani Pontificis ad-
uersus Sacræ libertatis violatores.

Liber Primus .



*Remittitur Catholicum fundamen-
tum , quo acriter impugnatur er-
ror quorundam hæreticorum dicē-
tium nunquam licere Christiano
Principi aduersus alium Principē
bellum gerere . Cap. 1. fol. 1.*

*Contendunt hæretici prædictum Catholicum funda-
mentum euertere, sed frustra. Cap. 2. 10.*

*In Romano Pontifice residere supremam potestatem
indicendi bellum tanquam in supremo omnium
Principum Monarcha ex Theologico quodam &
receptissimo principio facile deprehenditur .*

Cap. 3. 27.

Commemorantur plures causæ ob quas iustè potest

Romanus Pontifex bellum gerere aduersus Sacrae libertatis violatores, & quoscumq; alios eius inimicos. Cap. 4. 34.

Prosequimur easdem Iusti Belli causas alias plures ex sacris literis expendentibus, ob quas licet Romano Pontifici indicere bellum. Cap. 5. 40.

Tam ex sacris literis, quam Gentilitijs priscorum Romanorum exemplis opus esse palam fit, Romanum Pontificem debellando prius pacem offerre si respicere velint, sin. minus, armis eos debellaturum praedicere. Cap. 6. 48.

Argumenta quae diluuntur quibus aduersarij probare contendunt, non esse expediens Romanum Pontificem bellum gerere aduersus Sacrae libertatis violatores. Cap. 7. 54.

Expediens esse Summum Pontificem armis coercere inobedientes, & contumaces, quando aliter censuris, & alijs spiritualibus poenis succumbere renuunt. Cap. 8. 69.

De recta intentione Summi Pontificis in bella contra violatores Sacrae libertatis. Cap. 9. 76.

De fiducia immo & certitudine victoriae contra Sacrae libertatis violatores, quam non temere sibi polliceri potest Romanus Pontifex. Cap. 10. 80.

DE INIVSTITIA BELLI
ex parte Violatorum Sacrae Liber-
tatis contra Romanum
Pontificem.

Liber Secundus.



DE *multiplici causa iniusti Belli ex*
parte Violatorum Sacrae liberta-
tis aduersus Summum Pontifi-
cem. Cap. 1. fol. 90.

Referuntur multa quibus contingit
bellum aliquod esse iniustum;

facileq; ex eis iniustitia belli ex parte Violato-
rum Sacrae libertatis deprehenditur. Cap. 2. 96.

Etiam si contingat quempiam esse dubium de
iniustitia belli ex parte sua; eo quod utrinque
probabiles rationes sese illi offerant; mortaliter
tamen peccat bellum gerens contra Romanum
Pontificem Sacram libertatem defendentem.

Cap. 3.

100.

Contra probatam sententiam non nullae proponun-
tur obiectiones quibus omnibus fit satis. Ca-
put 4.

106.

*Omnes milites siue certi, siue incerti, & dubij sint
de iustitia belli ex parte violatorum Sacra li-
bertatis, non possunt licite bellare in fauorem
eorum contra Romanum Pontificem.* Ca-
put 5. 110.

*Quid intersit inter Bellum Violatorum Sacra li-
bertatis contra Pontificem; & Bellum Pontificis
contra eosdem, testimonijs Sacra Scriptura, &
Diui Augustini palam fit. Cap. 6. 127.*



DE DAMNIS QVÆ BELLO
sanctè & licitè inferre potest Romanus
Pontifex Sacrae Libertatis
violatoribus.

Liber Tertius .



Uta conscientia posse Romanum Pontificem, prout expedire iudicauerit ad comparandam Victoriā Milites infideles vocare in auxilium suum contra quoscunq; sacrae libertatis violatores. Cap. 1. fol. 131.

Inchoato iam bello quantumcunq; Violatores Sacrae libertatis satisfactionem offerant Summo Pontifici non tenetur illam acceptare ex Iustitia aliter tamen ex charitate. Cap. 2. 141.

Qua ratione liceat Ducibus Romani Pontificis insidijs uti in Bello contra violatores Sacrae libertatis dissertè explicatur, & obiecta in contrarium diluuntur. Cap. 3. 149.

Quamuis licitum non sit in bello contra Sacrae libertatis violatores occidere per se, & ex in-

entione innocentes, per accidens tamen, & pre-
ter intentionem iuste occidi posse, communis
Theologorum sententia docet. Cap. 4. 157.

Quæ utrique parti propositæ assertionis aduersan-
tur facile diluuntur. Cap. 5. 165.

Qua ratione in hoc bello possint licite hostes in cap-
tiuitatem redigi facile explicatur. Cap. 6. 171.

Fit satis quibusdam obiectionibus in contrarium
probata assertionis. Cap. 7. 178.

Eos qui in bello Romani Pontificis aduersus Sacra
libertatis violatores iuste in seruitutem redacti
fuerint, mortaliter peccare si à suis Dominis fu-
giant multiplici iure, & ratione comprobatur.
Cap. 8. 183.

Argumenta, quæ in contrarium probata sententiæ
obijci possunt, facile enodantur. Cap. 9. 187.

Quibus bonis licitum sit expoliare Sacra libertatis
violatores in bello à Romano Pontifice contra
illos inito. Cap. 10. 192.



DE MODO QVO PERSONÆ

Ecclesiasticæ licitè possunt bellum gerere etiam manu propria, maximè pro Ecclesiastica libertate tuenda.

Liber Quartus .



Cclesiasticis personis nullo iure naturali, aut Diuino prohibitum esse bellum gerere.

Cap. 1.

193.

Quæ predictæ assertioni aduersantur diluuntur simulq; conciliantur verba illa: Qui

non habet gladium, vendat tunicam, & emat: cum illis mitte gladium tuum in vaginam &c.

Cap. 2.

200.

Iure dumtaxat humano prohibitum esse Clericis propria manu bellare, & quæ ratione id licitè efficere possint non obstante tali iure.

Caput. 3.

212.

Clericos in casibus in quibus bellando non peccant nullam prorsus irregularitatem incurrere occi-

den-

*dendo , aut mutilando auctoritate , & ratione
ostenditur. Cap. 4. 224.*

*Referuntur , & refelluntur rationes probatam sen-
tentiam impugnantes . Cap. 5. 235.*

*Non solum Clericis in bello propria manu pugnan-
tibus , sed alijs etiam ibi assistentibus licitum esse
accipere de bonis , quibus hostes expoliantur .*

Cap. 6. 238.

*Quam utile , & gloriosum sit militare in Bello ad-
uersus sacra libertatis violatores. Cap. ult. 241.*



**Errata, quę tām ex inaduertentia Correctoris,
quām Typographi in hoc opere
irrepsere .**

<i>Pagina</i>	<i>linea</i>	<i>error</i>	<i>correctio.</i>
2.	7.	Magistratum.	Magistratu.
9.	14.	Respublicæ.	Reipublicæ.
18.	25.	subtuluisse.	subtulisse.
34.	9.	superiorum.	superioreſu.

43.	25.	præcedit.	præciderit.
46.	2.	mereamini.	miremini.
50.	27.	dijſq; .	dijq; .
66.	1.	leuitate.	lenitate.
81.	26.	omnes filij.	omnis filiorum.
95.	8.	cum .	cum.
106.	16.	ad.	id.
106.	17.	ad.	id.
115.	15.	ſe iniicitur .	ſe immiſcet .
119.	8.	contrarius nocentē.	contra innoctē.
119.	22.	colligit.	cogit .
120.	1.	oſtendendi.	vendendi .
121.	26.	ad.	id.
127.	5.	Iuſtitia.	Iniuſtitia .
127.	27.	Sacra .	Sara.
138.	1.	obtinere.	obtineret .
138.	6.	Princeps .	Principes .
142.	8.	iuxta.	iuſta .
149.	12.	videbatur.	videbitur .
153.	7.	ſimulationum .	ſimulationem .
156.	18.	verumtatem.	verumtamen.
168.	27.	in futuram.	in futurum .
172.	3.	libri.	liberi .
174.	26.	impunè .	impiè.
188.	25.	dominium.	dominum.
190.	13.	dominium .	dominum.
199.	21.	belli .	bello .
204.	11.	exercitum.	exercitium.
205.	17.	clerici.	clericis .
209.	3.	iuſta.	iuxta.
220.	25.	alijs.	alijs .
221.	9.	iuſtum.	iniuſtum.
233.	18.	oblatio.	obligatio .
233.	22.	homicidijs.	homicidis.
235.	17.	Nauarrus.	redundat.

R O M Æ
Ex Typographia Reu. Camera Apostolicæ.
M. D C I X.

Authoritate D D. Superiorum.



BIBLIOTECA DEL LIBRO ANTICO
CASA DI PIAGOMO

013. 370

